

Matyu

Ölöwak Buᅇa Matyunöᅇ ohoyök.

Jim-asa-asari

Matyu qet mianᅇö könaᅇi mi Kembugören kalem. Qetᅇi alaᅇi Liwai. Rom gawmangö takis meme azia malök. Nup mi memba maliga Jisösnöᅇ kaba oholiga uruᅇi melenᅇa gwarek 12 yeᅇgö sutᅇine malök.

Ölöwak Buᅇa ki Jisösgö könaᅇi nanᅇe Juda könagesö yeᅇgöra jim asarim enᅇimangöra aka ohoyök. Keu köᅇᅇi bohonᅇi kewö, “Jisös Kraistnöᅇ Amötqeeᅇ Tonini aka Kiᅇnini akza.” Juda ambazip yeᅇgöra keu mi qahö dop köli uruᅇinan bölii qaköget. Mianᅇöra Matyunöᅇ Jisös nupᅇanᅇgö könaᅇi mi aukᅇe jim asariba törörök kusum enᅇiyök. Jöhöjöhö Walᅇe amötqeeᅇgö jöhöjöhö keu (promis) ahözawi, mi pakpak mönö Jisösgöra aka aukᅇe ahum kuwuleiba öᅇᅇambuk ahök. Amötqeeᅇ Toᅇi mi Hibuᅇu keunöᅇ Mesaia aka Grik keunöᅇ Kraist.

Jisösnöᅇ urugö nup bahöᅇi karöbut memba malök: Yaᅇön Ölöwak Buᅇa ambazip kusum enᅇiba uruᅇini mianᅇön kuᅇguba kawöᅇᅇini mem ölöwaka malök. Mewö memba aniga anᅇöletot asuᅇugetka mala maripom ipnöᅇ öᅇᅇöba kömuiga löm köᅇgetka kunbuk wahörök. Mewö mianᅇön Anutu bemto-honᅇanᅇgö könaᅇi kondel neᅇᅇiyök. Mewö aiga nini letota Anutugö nahönböraturuᅇi akingö könaᅇi

asuhuyök. Jisösgö leson bohonji 5 mi kewö: 1) Boñ 5-7, 2) Boñ 10, 3) Boñ 13, 4) Boñ 18 aka 5) Boñ 24-25

Buk kiangö bahöñi bohonji 7 mi kewö:

Jisösgö amböskonurupñi aka ahuahunji 1.1-2.23

Jon O-melun azinöñ urugö nup meyök 3.1-12

Jisös o melun meiga Satanöñ esapköyök 3.13-4.11

Jisösnöñ Galili urunje qenjarök nup meyök 4.12-18.35

Jisösnöñ Galili mosöta Jerusalem anök 19.1-20.34

Sonda qöndökñi Jerusalem mala kömuyök 21.1-27.66

Kömupnöñhök wahöta mala Suepnöñ öngöyök 28.1-20

Jisös Kraistkö amböskon yengö qet arenj

Luk 3.23-38

¹ Jisös Kraistkö amböskon yengö qet arenjini kewö: Abrahamgö gwölönarökñi kun Deiwid. Deiwidkö gwölönarökñi kun Jisös.

² Abrahamgö nahönñi Aisak. Aisakö nahönñi Jeikob. Jeikobkö nahönurupñi Juda aka yangö darumunurupñi. ³ Judagö nahönyahöñi Perez aka Zera, namñiri Tamar. Perezgö nahönñi Hezron. Hezrongö nahönñi Ram. ⁴ Ramgö nahönñi Aminadab. Aminadabkö nahönñi Nason. Nasongö nahönñi Salmon. ⁵ Salmongö nahönñi Boaz, namñi kantri kungö ambinji Rahab. Boazgö nahönñi Obed, namñi kantri kungö ambinji Rut. Obedkö nahönñi Jesi. ⁶ Jesigö nahönñi kinj Deiwid. Deiwidkö nahönñi Solomon, namñi mutuk Uriagö anömña malök. Juda kinj pakpak mi Deiwidkö gwölönarökurupñi aka malget.

⁷ Solomongö nahönñi Rehoboam. Rehoboamgö nahönñi Abiya. Abiyagö nahönñi Asa. ⁸ Asagö nahönñi Jehosafat. Jehosafatkö nahönñi Jehoram. Jehoramgö nahönñi Usia. ⁹ Usiagö nahönñi Jotam. Jotamgö nahönñi Ahaz. Ahazgö nahönñi Hezekia. ¹⁰ Hezekiagö nahönñi Manase. Manasegö nahönñi Amon. Amongö nahönñi Josia. ¹¹ *Josiagö nahönurupñi Jekonia aka yangö darumunurupñi. Nalö mianğöreñ Babilon yeñon Israel könagesö enğuanğitketka Babilon anda kösö mire malmal ewö tandök welenqeçenina malget.

¹² Babilon kösö mire malmal ewö tandök mala mianğöreñ Jekoniagö nahönñi Sealtiel asuhuyök. Sealtielgö nahönñi Jerubabel. ¹³ Jerubabelgö nahönñi Abiud. Abiudkö nahönñi Eliakim. Eliakimgö nahönñi Azor. ¹⁴ Azorgö nahönñi Jadok. Jadokö nahönñi Akim. Akimgö nahönñi Eliud. ¹⁵ Eliudkö nahönñi Eleazar. Eleazargö nahönñi Matan. Matangö nahönñi Jeikob. ¹⁶ Jeikobkö nahönñi Josef, Mariagö apñi. Marianöñ Jisös meiga qetñi Kraist Amötqeçe Tonñi qerakzin.

¹⁷ Nalö Abrahamğöreñök könahiba mala kotketka Deiwid asuhuyöhi, isik miengö jañgö areñi mi 14. Kunbuk kiñ Deiwidköreñök könahiba mala kotketka Israel könagesö enğuanğitketka Babilon anda kösö mire malmal ewö tandök malgeri, isik miengö jañgö areñi mi mewöyök 14. Babilon kösö mire malmal ewö tandök malgeri, nalö mianğöreñök könahiba mala kotketka Kraist asuhuyöhi, isik miengö jañgö areñi mi mewöyök 14.

* **1:11:** 2 Kiñ 24.14-15; 2 Hist 36.10; Jer 27.20

*Jisös Kraist mi kewö asuhuyök:**Luk 2.1-7*

¹⁸ *Jisös Kraist asuhuyöhangö kösohotņi kewö: Yangö namņi Maria mi Josefbuk buņabuņa mala mindimindiri qahö aka malohotka nalö miangöreņ Uņa Töröņan mem letot waņgiiga köröbuk mali kōnaņi mewö miwikņaiget. ¹⁹ Mewö miwikņaigetka azi buņaņi Josef yaņön malmal diņdiņi malöhangöra Mariagö kōnaņi aukņe asuhui gamuņambuk akapuköra tököyök. Mewö tököba uruņan i ölöņ mosötmangö mötmöt areņi alök.

²⁰ Mewö mötmöriba ahöiga Kembugö garata kunņan gaunöņ asuhum waņgiba kewö jiyök, “Josef Deiwidkö gwölönarökņi, Uņa Töröņan mönö Maria letot waņgiiga köröņambuk malja. Miangöra gi mönö i örönöņ mirige kaba anömgi akņapkö keņgötki kude mötman. ²¹ *Marianöņ mönö morö nahön mema. Azi miañön kōnagesöņi siņgisöndokņineyök amöt qem eņgiiga solanime. Miangöra göņön qetņi Jisös qetman.” Mewö jiyök.

²² Kembunöņ kezapqetok azi kun sölölohöiga keu kun jiyöhi, miañön öļambuk akņapköra yuai pakpak mi asuhuyök. Kezapqetok keu mi kewö, ²³ * “Ambi seram jömukņi kunöņ gölömņambuk aka morö azia meiga qetņi Imanuel qetme.” Qet miangö kōnaņi kewö, “Anutunöņ nembuk malja.”

²⁴ Josefnöņ imbiņi möta wahöta Kembugö garatanöņ jim kutum waņgiyöhi, mönö miangö dop aka Maria anömņi akņapköra waņgita miriņe anök. ²⁵ * Anda malohotmö, nalö sutņe miangöreņ

* **1:18:** Luk 1.27 * **1:21:** Luk 1.31 * **1:23:** Ais 7.14 * **1:25:** Luk 2.21

mohotŋe qahö ahöyohot anda nahönŋi meiga Josefñöŋ qetŋi Jisös qerök. Morö meiga mianğö andöŋe awanöm malohot. Mewö.

2

Mötkutukutu azi wehön kotkotŋeyök kaget.

¹ Jisösnöŋ kiŋ kembu Herodkö nalöŋe Judia prowinsgö taon qetŋi Betlehem asuhuyök. Asuhuyöhi, nalö mianğöreŋ senğelaugö mötmöt azi wehön kotkotŋeyök Jerusalem sitinöŋ kaget.

² Kaba kewö qesiget, “Juda enğöreŋ kiŋ kembu akŋawi, morö mi asuhuba denike ahöza? Nini wehön kotkotŋe mala yaŋğöreŋ undi asuhui eka könäŋi mewö möta waikŋi memba möpöseibingöra kazin.”

³ Mewö qesigetka kiŋ kembu Herod aka Jerusalem könagesö yambuk malgeri, yeŋön körek pakpak keu mi möta auruget. ⁴ Aurugetka kiŋ Herodnöŋ keu ala könagesögö jike nup galöm bohonŋi aka Köna keugö böhi pakpak köl öröm enğii kaget. Kaba tokogetka kewö qesim enğiyök, “Amötqeqe Tonji Kraistnöŋ mönö denike asuhumapköra jigetka ahöza?”

⁵ Qesim enğiiga kewö melen waŋgiget, “Yaŋön mönö Judia prowinsgö taon qetŋi Betlehem mianğöreŋ asuhuma. Mianğö keuŋi mi kezapqetok azi Maikanöŋ kewö ohoi ahöza,

⁶ *O Betlehem könagesö Juda gölmenöŋ maljei, enğö sutŋineyök kembu ketäŋi asuhuba nani Israel könagesö mindiŋgöba köyan köl neŋgima. Mianğöra iŋini Juda gölmegö

* 2:6: Mai 5.2

jitnememe yengö sutjine malgetka qetbuñaninan eretji qahöpmahöp akza.’ ”

⁷ Mewö melen wangigetka mötkutukutu azi mi ölöñ engoholi kagetka kewö qesim engiyök, “Undiñi mönö wani nalönöñ asuhui könahiba eket?” Mianğö könani törörök mötmangö möta mewö qesim engiyök. ⁸ Mianğö keunji möta melaiba kewö jim kutum engiyök, “Inini mönö Betlehem anda morö mi törörök qesiba miwikñaiba mianğöreñök buzup keu algetka nöngöreñ kama. Nöñön mi möta mewöñanök anda i waikñi memba möpöseim wangimam.”

⁹ Kiñnöñ mewö munen jiba jim kutum engiiga möta könanöñ anget. Anda undi wehön kotkotje mala ekeri, mianjön nöropñine mutukmutuk ani mötötei-get Betlehem anda miri morö nahön ahöyöhi, mönö mianğöreñ kinök. ¹⁰ Undi mi kini eka sösöngai keta bölökñi aket. ¹¹ Sösöngai aka miri uruñe öngöba morö aka namñi Maria etkeket. I etkeka simin köla sipköba waikñi memba möpöseim wangiget. Möpöseim wangiba bayangösöñini qeañda mianğöreñök goul, jiniñ paura aka sanda qetñi mör mi uzeta kalem wangiget.

¹² Sunğem kun ahöget-ka Anutunöñ gaun konda kiñ Herodköreñ kunbuk anbepukö qetal engiyök. Mianğöra köna kungenök nanñini miri gölmeñine lilingöba anget. Mewö.

Herodköra asamböta Josef anöm-moröñi Ijpt anget.

¹³ Mötkutukutu azi mienjön angetka Josefnöñ gaun ehiga Kembugöreñ garata kunñan asuhum

wanğiba kewö jii mörök, “Herodnön morö qei kömumapkö jarum wanğima. Mianğöra mönö wahöta morö aka namñi etkuangita ölöñ köla Ijpt kantrinön anme. Mianğoreñ anda malgetka bian nanak kamegö nalö jimami, mianğoreñ mönö lilingöba kame.”

¹⁴ Mewö jii möta wahöta sunğem mianğoreñök morö nahön aka namñi etkuangita Ijpt anget.

¹⁵*Ijpt anda malgetka kiñ Herodnön kömuiga nalö mianğoreñök lilingöba kaget. Mutuk Kembunön kezapqetok azi Hosea sölölohöiga keu kewö jii ahöza, “Nönön nahöni oholbiga Ijpt gölme mosöta kayök.” Kezapqetok keu mianjön mönö mewö asuhuiga öljambuk ahök. Mewö.

Morö azi Betlehem gölmenön enğuget kömuget.

¹⁶ Mötikutukutu azi mienjön Juda gölme ölöñ mosöta angetka Herodnön mianğö könani eka “Tilipköm niñgiget,” jiba irimñi gwötpuk seholiiga jimkutukutu kewö alök, “Yarö azi, inini Betlehem aka gölme pakpak mi liliköba ahözawi, mönö mianğoreñ anda azi morö (yara) yambuñini yahöt aka mianğö bapne akzei, mi körek enğuget kömume.” Mötikutukutu azi undi asuhuyöhañgö nalögöra törörök qesim enğiiga jiget möröhi, mianğö dop morö azi yambuñinañgöra jimkutukutu mi alök.

¹⁷ Kezapqetok azi Jeremaianön keu kun jii ahözawi, mianjön mönö mewö asuhuiga öljambuk ahök. Keu mi kewö,

¹⁸*“Silat mi Betlehem kösutñeyök miri qetñi Rama mianğoreñök mötketka sahöt gihilahöze.

* **2:15:** Hos 11.1 * **2:18:** Jer 31.15

Reizöl ambigö gwölönarökurup yeñön moröurupñini qahöwaketka ururen meze. Mianğöra sahötketka urukölalep mem enğibingö aketka urukondumök mörakze.” Mewö.

Ijpt mosöta Josef anöm-moröñi Nazaret lilingöget.

¹⁹ Josefnöñ Ijpt maliga kiñ Herodnöñ kömuiga mianğöreñök Kembugöreñ garata kunñan gaunöñ asuhum wañgiba ²⁰ kewö jiyök, “Morö qeget kömumapkö mönögeri, yeñön lök kömuget. Mianğöra mönö wahöta morö aka namñi etkuangita lilingöba Israel gölmenöñ anme.” ²¹ Mewö jiiga Josefnöñ wahöta morö aka namñi etkuangita lilingöba Israel gölmenöñ anget.

²² Könanöñ anda keu kewö mörök, “Herodkö nahönñi Arkelausnöñ iwiñangö salupñe Judia prowins galöm köla malja.” Mewö möta mianğöreñ anmamgö keñgötñi mörök. Möta mali Anutunöñ gaunöñ Galili prowinsnöñ anmegö jim kutum wañgiiga wahöta mianğöreñ anget. ²³ *Galili prowinsnöñ añgota taon qetñi Nazaret mianğöreñ malget. Mewö malgetka kezapqetok azi yeñön Amötqeqe Tonangöra keu jigeri, mianjön öljambuk ahök. Keu mi kewö, “Yañgö qetñi mi Nazaret azi qeta malme.” Mewö.

3

Jon O-melun azinöñ Jisösgö köna mesarök.

Mak 1.1-8; Luk 3.1-18; Jon 1.19-28

¹ Yambu tosatñi teköiga Jon O-melun azinöñ kaba Judia prowinsgö gölme qararañkölkölñe

* **2:23:** Mak 1.24; Luk 2.39; Jon 1.45

liliköba ambazip uruñini Buña keunöñ kuñguba kewö jiba malök, ² **“Suep Toñan bemtohoñi almawañgö nalöñan lök kam kuñguza. Mianğöra mönö uruñini melenđa mianğöreñ añgotket.”*

³ **Jongöra kezapqetok azi Aisaianöñ keu kun kewö jiba ohoyök, “Kolek garata kunöñ gölme qararañkölkölñe qeta maliga anda jölñi kewö mötme, ‘Kembunöñ kamawo! Mianğöra mönö jöjöröba könañi mesatket. Mönö uruñini mindiñgöba könañi köl diñgiba qölöleiget.’ ”*

⁴ **Jongöreñ maluku mi kamel jupñan memeni aiga kemañe örigit sömbup silenñan memeni mi jöhöba malök. Neneñamñi mi gawöt jinam aka arökñañgö moroñ oñi. Mi pakpak kezapqetok azi Elaija (Elia) yañgö dowä. ⁵ Jonöñ nupñi meiga ambazip kambuleleme yeñön Jerusalem siti aka Judia prowinsgö miri tosatñi pakpak miengöreñök yañgöreñ öröba kaget. Mewöñanök Jordan o likep-likep miri pakpak tat angeri, miengöreñök kaget. ⁶ Kaba kañgota siñgisöndokñini jim miwikñaigetka Jonöñ i Jordan o töwatñe o melun mem enğiyök.*

⁷ **Mem enğiyökmö, Farisi (Köna keugö kapañkölköl) aka Sadyusi (Jike nupkö kapañkölköl) ambazip gwötpukñan o melun mem enğimapköra kagetka enğeka yeñgöra kewö jiyök, “O qatö moröñi, iñini uruñini qahö melengetka Anutugö irimñan seholiiga likepñi melen enğimamgö akza. Mi ölöñ kölbingö goro keuñi mi mönö dañön jii mötä sömbuñini mötä ki kaze? ⁸ Mianğöra mönö ölnanök uruñini melenme.*

* **3:2:** Mat 4.17; Mak 1.15 * **3:3:** Ais 40.3 * **3:4:** 2 Kiñ 1.8

* **3:7:** Mat 12.34; 23.33

Bölönamñineyök lilingögetka ölni asuhui mi mönö ahakmemenjanan aukñe kondela malme.

9 **“Uruñine möndömöndö keu kewö jibingö kude mötmörime, ‘Neñön mönö Abrahamgö gwölönarökña malinga Anutunöñ qahö ayuhum neñgima.’ Mewö jiba töptöpñine qemakzemö, ölni mi qahö ahakze. Nöñön mianğöra kewö jibi mötket, Anutunöñ köt ki ölop jim kutum enğiiga letota Abrahamgö gwölönarökurupñi aka Anutu möpöseimakñemö, inñini denöwö?*

10 **“Uruñini qahö melenme ewö, Anutunöñ mönö inñini ip ewö tenğori etpingö akze. Ip pakpak kötni ölopñi qahö kuñgumakzei, mi mönö köli etket könöpnöñ gili geme. Ip mewöñi kölmamgö kesinji lök jitñi sañe ala ip könaje ali jöjöröba ahöza. Anutunöñ mönö bölönamñinañgö likepñi melen enğima.*

11 *“Nöñön inñini uruñini melenmeañğöra o töhönöñ melun mem enğizalmö, nöñgö andöne azi kukösumñi köhöikñi kun kama. Yanğö kukösumñi öngöñğöñan mönö nöñğöreñ onğitma. Yanön azi öngöñğöñi akñawañğöra nöñön yanğö köna esuñi bauköba gösönöñ löngöta tenğömamgö qötötanğömam. Yanön mönö Uña Töröñi uruñine ali könöp bölamñan köl könjörat enğiiga mewö mianön melun mem enğima.*

12 *“Yanön ölni aka kamböñi menden etkimamgö sapakñi memba kañgota uba qöröreñğöba kewötma. Kewöta wit kötni tokoba köweñe almapmö, kamböñi aka gwaugulapñi mi mönö usuñniga könöpnöñ geba teteköñi qahö jema.” Mewö.*

* **3:9:** Jon 8.33 * **3:10:** Mat 7.19

Jonöŋ Jisös o melun mem waŋgiyök.

Mak 1.9-11; Luk 3.21-22

¹³ Nalö mianğöreŋ Jisösnöŋ Galili prowins mosöta Jordan o töwatŋe Jongöreŋ kaba o melun mem waŋgimapköra qesiyök. ¹⁴ Qesiyökmö, Jonöŋ qetal waŋgiba kewö jiyök, “Göŋön ölop ni o melun mem niŋgibanakmö, göŋön siŋgisöndok qahö aka mönö denöwögöra nöŋgöreŋ kazan?”

¹⁵ Mewö jiiga Jisösnöŋ kewö melenök, “Nalö kewöŋe mi ölop akŋan. Mewö akziga mianön Anutunöŋ ahakmeme diŋdiŋi wuatangöbingö keu jiyöhi, mianğö ölni asuhuiga dop kölma.” Mewö jiiga Jonöŋ möri dop köliga urumohot ahök.

¹⁶ Urumohot aka o melun mem waŋgii teköiga mianğöreŋök onöhök koriga kewö asuhuyök: Suepnöŋ aŋaŋiiga Jisösnöŋ uba ehiga Anutugö Uŋa Töröŋan melenđa kembö nei ewö aka Jisösgö qakŋe eta meyök. ¹⁷* Eta meiga Suepnöhök qet kun kewö asuhuyök, “Yaŋön mönö nani wölböt nahöna aiga köröni ölöwahiga eknahöm ak waŋgizal.” Mewö.

4

Satanöŋ Jisös esapköba malök.

Mak 1.12-13; Luk 4.1-13

¹ *Mianğö andöŋe Uŋa Töröŋan Jisös kuŋgum waŋgiiga gölme qararaŋkölkölŋe Bölöŋaŋgö Tonjan esapköm waŋgimapköra aka anök. ² Mianğöreŋ anda suŋgem asak 40 Anutugöra nene siŋgi mala nenegö kömuyök. ³ Nenegö kömuiga öme bohonŋini qetŋi esapesap Tonji yaŋön asuhaba kewö jiyök,

* **3:17:** Jen 22.2; Sum 2.7; Ais 42.1; Mat 12.18; 17.5; Mak 1.11; Luk 9.35

* **4:1:** Hib 2.18; 4.15

“Gi Anutu Nahönña akzan ewö, mi mönö kondela köt ki jim kutunönnga letota beret aketka neman.”

⁴ *Mewö jiyökmö, Jisösnönj keu kewö melenönök, “Qahö! Buña Kimbinönj keu kun kewö ohoget ahöza, ‘Nenenöhök ambazip malmal qahö nenjimakzapmö, Anutugö jitneyök keu kamakzawi, mi pakpak tem kölinga mianön mönö gumohom nenjiiga köhöiba maljin’.”

⁵ Mewö jiiga Bölönangö Toñan Jisös wanğita Jerusalem siti töröñe anda jöwöwöl jikegö boñe euyangöreñ öngöba ali kinök. ⁶ *Mewö kiniga kewö jii mörök, “Gi Anutugö Nahönña akzan ewö, mönö kianğöreñök luhuba emu geman. Buña Kimbinönj keu kun kewö ohoget ahöza, ‘Anutunönj göhöra aka garataurupñi jim kutum enjiiga ölop kököbihigetka geba kötnönj könage qahö guhum qizit akña.’ Mianğöra geba kude ayuhuman.”

⁷ *Mewö jiiga kewö melenönök, “Qahö! Buña Kimbinönj keu kun mewöyök kewö ahöza, ‘Gi mönö Kembugi Anutu kude esapköm wanğiman.’ ”

⁸ Mewö jiiga Bölönangö Toñan kunbuk wanğita kundunji köröp tiñtiñi kunönj öngöba gölme pakpak yenğö kantri tohoñi tohoñi aka miengö inap yuainini aködamunñinambuk pakpak kondel wanğiyök. ⁹ Kondel wanğiba kewö jiyök, “Gönön simin köl niñgiba waikni memba möpöseim niñgiman ewö, nöñön öroyuai pakpak ki mönö tököm gihibi buña qem anğuba galöm köl enğiman.”

¹⁰ *Mewö jiiga Jisösnönj kewö jii mörök, “Qahö! Satan gi mönö kesalnönj. Buña Kimbinönj keu kun

* **4:4:** Dut 8.3 * **4:6:** Sum 91.11-12 * **4:7:** Dut 6.16 * **4:10:** Dut 6.13

kewö ohoget ahöza, ‘Gi mönö Kembugi Anutu, ia mohot simin köl waŋgiba waikŋi memba möpöseiman’.”

¹¹ Mewö jiiga Bölöŋaŋgö Toŋan miangöreŋök Jisös mosöta kesalök. Mewö aiga garata yeŋön kaba Jisös bauköm waŋgiget. Mewö.

*Jisösnöŋ könahiba Galili uruŋe urugö nup meyök.
Mak 1.14-15; Luk 4.14-15*

¹² *Miangö andöŋe Jon O-melun azi kösö mire * alget tari Jisösnöŋ mi möta Judia prowins mosöta Galili anök. ¹³ *Anda prowins miangöreŋ miriŋi Nazaret mosöta Kaperneam anda malök. Kaperneam siti mi Zebulun aka Naftali gölmenöŋ Galili o aŋgö qöhöröŋe ahöza. ¹⁴ Miangöreŋ mala nupŋi meiga Anutunöŋ keu kun kezapqetok azi Aisaia sölölohöiga jiyöhi, miangön öljambuk ahök. Keu mi kewö,

¹⁵ *“Ambazip Zebulun gölmenöŋ aka Naftali gölmenöŋ Jordan likepŋe malgetka sutŋine köna namŋi köwetnöŋ göröken anda kinjawi aka Juda qahöpmö, kambu tosatŋan Galili prowinsnöŋ maljei,

¹⁶ könagesö mienön söŋaupnöŋ mala asakŋi ketanŋi ekŋe. Kömupnöŋ ambazip aum köl eŋgiiga pandaman gölmenöŋ maljei, yeŋgöra mönö miri waŋgaraŋ suruma.”

* **4:12:** Mat 14.3; Mak 6.17; Luk 3.19-20 * **4:12:** Kiŋ Herodnöŋ ambi kun ölöŋ meiga Jon O-melun azinöŋ i miangöra jim waŋgiiga irimŋi sehölii jiiga opotöröp yeŋön Jon jöhöba kösö mire alget tarök.

* **4:13:** Jon 2.12 * **4:15:** Ais 9.1-2

17 *Jisösnöŋ Kaperneam mala nalö miangöreŋök könahiba Buŋa keuŋi jim asariba ambazip uruŋini kuŋguba kewö jiba malök, “Suep Toŋan bem-tohoŋi almawaŋgö nalöŋan mönö kam kuŋguza. Miangöra mönö siŋgisöndok malmalŋini mosöta uruŋini melenget.” Mewö.

Jisösnöŋ gwarekurupŋi mutukŋi eŋgoholök.

Mak 1.16-20; Luk 5.1-11

18 Mewö jiba liliköba mala Galili o aŋgögö göraŋe mötöteiba anda darumun yahöt Saimon qetŋi alaŋi Pitö aka munŋi Andru etkehök. Yetköŋ söra örörö azia mala mösakŋiri o aŋgönöŋ söra öröbitköra gila malohot. 19 Jisösnöŋ etkeka kewö jiyök, “Aziyahöt, iŋiri mönö ni nuatangöba kayohotka kusum etkibi ambazip söra ewö öröm eŋgimakŋahot.” 20 Mewö jiiga miangöreŋök mösakŋiri mosöta könahiba Jisös wuatangöba anohot.

21 Jisösnöŋ yetpuk borom kun toroqeba anda kunbuk darumun yahöt Zebedigö nahönyahötŋi Jeims aka Jon etkehök. Yetköŋ iwiŋiri Zebedibuk waŋgenöŋ tata mösakŋini möhamgöba jöhöba malgetka eŋgeka etkoholök. 22 Mewö eŋgeka etkoholiga miangöreŋök wahöta waŋge aka iwiŋiri mosöta könahiba Jisös wuatangöba andöŋe anohot. Mewö.

Jisösnöŋ ambazip kusum eŋgiba mem ölöwak eŋgiyök.

Luk 6.17-19

23 *Jisösnöŋ anda Galili prowins uruŋe lökŋanök liliköba köuluk miriŋine öŋgöba bemtohoŋgö

* 4:17: Mat 3.2 * 4:23: Mat 9.35; Mak 1.39

Ölöwak Buñani jim asariba uruñini kuñguba kusum engiba malök. Mewö aka sutñine ambazip kawöl aka jepajerepe könañi könañi engöhöi malgeri, mi mem ölöwak engiba malök.

²⁴ Mewö memba maliga Jisösgö qetbuñan sehiba Siria kantri dop köl teköba anök. Mewö ani mi möta kawöl ambazip pakpak enğuangita yangören kaget. Tosatñan uzi kawöl aka jepajerepe könañi könañi engöhöi malget. Tosatñan ömewörömenöñ uruñine geiga töñöt me kölköljinjinbuk malget. Tosatñan tala eta enğuiga bözok mitiba semben auba malget. Tosatñan sileninañgö likepñi kömukömuñi malget. Mewö mewöñi mienön Jisösgören kagetka mem ölöwak engiyök.

²⁵ Mewö ak enğiiga ekerangöra ambazip könagesö ketani yeñön Jisösgö andöñe wuatangöba kaget. Kambu ketani ketani mi Galili prowins aka Ten Taon distriknöhök kaget. Kambu tosatñan Jerusalem siti aka Judia prowinsgö miri tosatñeyök kaget. Kambu tosatñan Jordan o likepñeyök kaget. Mewö.

5

Jisösnöñ kundunje kindä kusum engiyök.

¹ Jisösnöñ ambazip kambu ketani engeka kundunje öngöba tariga gwarekurupñan kañgota liliköm wañgiget. ² Liliköm wañgigetka könahiba ambazip kambuñi kambuñi kusum engiba kewö jiyök.

Denike yeñön simbawon akze?

³ “Denike yeñon Anutugö jeñe etqeçeñi tandök mötzei, yeñon Suepkö bemtohoñi buña qem aņgumeaņgöra mönö simbawoñ akze.

⁴ *Denike yeñon jıñgeñ köla sahötzei, Anutunöñ i urukölalep eņgimapköra mönö simbawoñ akze.

⁵ *Denike yeñon guñböñjönjön malakzei, Anutunöñ gölme ki mi yeñgöra eņgii buñañina akñapköra yeñon mönö simbawoñ akze.

⁶ *Denike yeñon Anutugö jeñe solanibingöra ka pañ köla mi nene aka ogö ewö kömumba qemjeñ qeba maljei, Anutunöñ mönö sihimñini mi gumohom eņgima. Miaņgöra yeñon mönö simbawoñ akze.

⁷ Denike yeñon tosatñi ak kömum eņgimakzei, Anutunöñ i ak kömum eņgimapköra yeñon mönö simbawoñ akze.

⁸ *Denike yeñgö uruñinan sarakñi akzawi, yeñon ölop Anutu ekñe. Miaņgöra yeñon mönö simbawoñ akze.

⁹ Denike yeñon luai qemakzei, yeñgö qetñini mi Anutugö nahönböraturupñi qetme. Miaņgöra yeñon mönö simbawoñ akze.

¹⁰ *Anutunöñ keuñini jim teköi solanizeaņgöra sesewerowero ak eņgimakzei, yeñon Suepkö bemtohoñi buña qem aņgume. Miaņgöra yeñon mönö simbawoñ akze.

¹¹ *Ambazipnön inñini nöñgöra aka uruqeçe keu töhöreñ jim eņgiba sesewerowero aka keu bölönji könañi könañi silenñine ala muneñmuneñ jimakzei, eñon mönö simbawoñ akze.

* **5:4:** Ais 61.2 * **5:5:** Sum 37.11 * **5:6:** Ais 55.1-2 * **5:8:**

Sum 24.3-4 * **5:10:** 1 Pitö 3.14 * **5:11:** 1 Pitö 4.14

12 *Mötket, Anutunöŋ töwaŋini öŋgöŋgöŋi Suep mire ali ahözawaŋgöra mönö gönköiraŋ ala sösoŋgai aka malme. Mi kewögöra: Kezapqetok ambazip mutuk malgeri, mi sesewerowero tandökŋi mewöŋanök ak enġigetka eŋön yeŋgö andöŋjine asuhuba yembuk öröröŋ malje.” Mewö.

Inġini gölmegö sihi aka kiwa ewö akze.

Mak 9.50; Luk 14.34-35

13 Jisösnöŋ jiyök, “Inġini gölme ambazip yeŋgö howe tandök akzemö, howe nahömŋan piahima ewö, mi mönö denöwö möhamgöinga kunbuk nahömŋambuk akawak? Mianġö könaŋi kun qahö. Toroqeba yuai kungöra qahö dop kölmapmö, mi nesak ewö gilget geiga ambazipnöŋ mi könaŋinan tiahöme.

14 *“Inġini gölmeŋi gölmeŋi yeŋgö kiwa tandök ewö aka malje. Siti kun kunduje öŋgöba meget tatzawi, mianġön tölapŋe tatmamgö osimakza.

15 *Kunŋan kiwa ohotiriba kumbut bapŋe qahö almapmö, kiwagö dum tatatŋe ali tatma. Mewö tata asariġga ambazip miri uruŋe maljei, mönö körek yeŋgö jeŋjini kuŋguiga asakŋi ehakŋe.

16 *“Mewöŋanök mönö enġö asakŋini kondelgetka ambazip sutŋine asariġga ehakŋe. Ambazipnöŋ ahakmemeŋini ölöpŋi eka mianġöra lwiŋjini Suep mire maljawi, mönö i möpöseiba malme.” Mewö.

Jisösnöŋ Köna keuġ könaŋi kusum enġiyök.

* 5:12: 2 Hist 36.16; Apo 7.52 * 5:14: Jon 8.12; 9.5 * 5:15: Mak 4.21; Luk 8.16; 11.33 * 5:16: 1 Pitö 2.12

17 “Nöñön Mosesgöreñ Köna Keu aka kezapqetok ambazip yeñgö Buzup Kimbiñini mi qeapkömamgöra aka qahö kaba maljal. Mewö lañ kude mötmörime. Nöñön qeapkömamgöra qahöpmö, keu mi tem köl teköbi mienjö ölninan pöndañ asuhumapköra aka kaba maljal. 18* Nöñön keu ölni kun kewö jibi mötket, Mosesgö Köna keunöhök kulem moröñi morö közömñi kun me kirifi ohohogö jönbölanñi mohok-kun mi qahö kötökñi ayapkömapmö, keu pakpak mi mutuk ölninambuk asuhugetka Suep gölme yetkön göröñ qemahot.

19 “Miañgöra kunñan Köna keugö jimkutukutu morörökñi mienjöreñök keu kun koyonaniba ambazip mewö kusum enjimakzawi, yañön Suepkö bemtohoñe angoriga qetñi morörökñi bezup qetme. Mewö qetmemö, kunñan mi tem köla wuatangöba ambazip mewö kusum enjimakzawi, yañön Suepkö bemtohoñ uruñe angoriga qetñi ketañamnini qetme.

20 “Nöñön miañgö dop kewö jibi mötket: Enjö ahakmemenini solanñi miañön mönö Köna keugö böhi aka Farisi (Köna keugö kapañkölköl) yeñgö silikñini tandök ewö öröröñ akapuk. Silikñinan yeñgö silikñini gwötpuk qahö ongitma ewö, enñön mönö Suepkö bemtohoñ uruñe qahö angotme.” Mewö.

Yom kazik aka enjuget kömukömuğö könañi.

21 *Jisösnöñ toroqeba jiyök, “Enñön möpneyök keu kun kewö jiget mötzema, ‘Ambazip kun kude qeget

* 5:18: Luk 16.17 * 5:21: Eks 20.13; Dut 5.17

kömuma aka kunñan kazikñi qei kömumawi, i mönö distrikö keu jakeñe algetka keuñi jim teköme.’

²² “Mewö jiget mötketnö, nöñön keu mi kewö jim tuaribi mötme: Kunñan alañambuk anğururuk aka irimñan sehooli yom kazik akzawi, i mönö mewöyök distrikö keu jakeñe al wañgiget keuñi jim tekömeañgö dop akza. Mewöñanök kunñan alañi jijiwilit keunöñ jim böliba ‘Gi uruqahö akzan,’ jizawi, i mönö kantrigö jike kaunsöl yengö jeñine al wañgiget keuñi jim tekömeañgö dop akza. Kunñan alañi lösö keunöñ jim böliba ‘Gi anğöjörakabuk akzan,’ jizawi, yañön mönö könöp sianöñ gemawañgö dop akawak.

²³ “Miañgöra göñön kalem naluki memba kaba altanöñ almamgö aknöñga miañgöreñ keu kewöñan mötmötke kañgotpawak: Alagahö uruñe keu ahöi yañön kazik ak gihimamgö mötza. Keu mewöñi mötmöriman ewö, ²⁴ kalemgi mi mönö alta wösöñe ala mutuk alagahöreñ anda yambuk keuñiri jim solaniba urumohot aka miañgö andöñe kunbuk kaba kalem naluki Anutugöra alman.

²⁵ “Kerökan silege ala keu jakeñe öröm gihimamgö aiga komitigöreñ anda köna namñe miañgöreñ mönö kapan köla imbi mohot aka keuñiri jim solanimahot. Mewö qahö akñahot ewö, kerökan ölop örörahöm gihiiga (jas, majistreit) jimtekötekö tonañgö jeñe anğotnöñga möta jii opotöröpkö böröñe genöñga kösö mire al gihibapuk. ²⁶ Nöñön keu ölni kewö jibi mötnöñ, Gi miañgöreñ töwagi pakpak almanañgö dop qaköba tatman. Toiyagi kondikñi mewöyök al teköbagun mönö töwagi memba etman.” Mewö.

Sero yoŋgorögö könaŋi

27 **“Keu kun kewö jiget mötzema, ‘Sero yoŋgorö kude akŋan.’* 28 *Mewö jiget mötketmö, nöŋön keu mi kewö jim tuaribi mötme: Kunŋan serogö sihim kömbönaŋi qakŋe ambi uba ekzawi, yaŋön lök uruŋan yambuk sero yoŋgorö akza.*

29 **“Jegi ölnan siŋgisöndok akŋangö kölgorom ak gihima ewö, mi mönö qözöla gilynöŋ anma. Sile kitipki kunŋan ayuhui mewö Suepnöŋ öŋgönöŋga dop kölmäpmö, silegi jömukŋi malnöŋga gil gihigetka könöp sianöŋ geba ayuhubanbuk.*

30 **“Börögi ölnan siŋgisöndok akŋangö kölgorom ak gihima ewö, mi mönö yandiba gilynöŋ anma. Sile kitipki kunŋan ayuhui Suepnöŋ öŋgönöŋga dop kölmäpmö, silegi jömukŋi mala könöp sianöŋ geba ayuhubanbuk.”* Mewö.

Awanöm aŋgömosötmosötkö könaŋi

31 **“Keu kun kewö jiget ahöza, ‘Kunŋan anömŋi mosötmawi, yaŋön mönö aŋgömosötmosöt papia ohoba anömŋi waŋgima.’* 32 **Mewö jiget ahözäpmö, nöŋön kewö jibi mötme: Kunŋan anömŋi qesabulum aiga mosötpawakmö, könaŋi kungöra anömŋi mosöt-mawi, mewö miaŋön mönö anömŋan qesabulum akŋapkö kondota siŋgisöndökö keuŋambuk akŋa. Mewö aiga azi kunbuk meiga azi döläkŋi miaŋön mönö mewöyök qesabulum akŋa.”* Mewö.

Keuŋini jöjöpaŋ keunöŋ kude jim köhöime.

* **5:27:** Eks 20.14; Dut 5.18 * **5:29:** Mat 18.9; Mak 9.47 * **5:30:** Mat 18.8; Mak 9.43 * **5:31:** Dut 24.1-4; Mat 19.7; Mak 10.4
* **5:32:** Mat 19.9; Mak 10.11-12; Luk 16.18; 1 Kor 7.10-11

33 **“Keu kun mi mewöyök möpneyök kewö jiget mötzema, ‘Keuñini jöjöpañ keunöñ jim köhöigeri, mi mönö kude ongitme. Kembangöra yuai akingö keuñini jöjöpañ keunöñ jim jöhögeri, mi mönö wu-atangögetka ölnambuk akña.’*

34 **“Mewö jiget mötketmö, nöñön keu mi kewö jim tuaribi mötme: Keuñini mönö jöjöpañ keunöñ qahöpmañ jim köhöime. Suep mi Anutugö jakömbuak dumñi akzawangöra aka keu kewö kude jime, ‘Keu ölni qahö jimam ewö, Suep Tonjan ölop likepñi meleni qakne öngöma.’*

35 **“Gölme mi Anutugö könañangö döpnj akzawangöra aka keu kewö kude jime, ‘Keu ölni qahö jimam ewö, gölmenöñ ölop tingita turum niñgima.’ Jerusalem mi Kiñ Tök-kutukutunañgö sitiñi akzawangöra aka keu kewöñi mi mewöyök kude jime, ‘Keu ölni qahö jimam ewö, Kiñ Ketani yañön ölop qemasolokepnañgö likepñi meleni qakne öngöma.’* ³⁶ *Gi nörop jupki injañi menöñ tuatñi akñapkö osiman aka nörop jupki tuatñi menöñ injañi akñapkö osiman. Miangöra keu kewö kude jiman, ‘Keu ölni qahö jimam ewö, Anutunöñ ölop nöropni qeiga jupnañgö mundañan uteköma.’* ³⁷ *Jöjöpañ keu kude jimemö, on-keugöra mönö ‘On!’ jime aka qahö-keugöra ‘Qahö!’ jime. Keu diñdiñi miangöreñ keu yuai toroqemei, mi mönö Bölönañgö Tonjan sölölohöm engii asuhuma.”* Mewö.

Jinöñ jibi aknöñ aki mi kude akña.

Luk 6.29-30

* **5:33:** Lew 19.12; Jan 30.2; Dut 23.21 * **5:34:** Jei 5.12; Ais 66.1;

Mat 23.22 * **5:35:** Ais 66.1; Sum 48.2

38 **“Keu kun kewö jiget mötzema, ‘Kunñan jegi qösökömawi, gi mönö kitipñi melenđa yanğö jeñi qösököman. Kunñan jitki kumburatimawi, gi mönö kitipñi melenđa yanğö jitñi kumburatiman.’*

39 *“Mewö jiget mötketmö, nöñön keu mi kewö jim tuaribi mötme: Kunñan bölöñi ak engimawi, i mönö kude qetala tuarenjon ak wañgime. Mewö qahöpmö, nuñgulungi öñi qekötahöma ewö, mönö nuñgulungi likepñi mewöyök qekötahömapköra melenđman. 40 Kunñan ‘Sileötanđi memam,’ jiba keunöñ al gihimangö mötza ewö, mönö mosöta malukugi qakñi mewöyök wañginöñga buña qem anğuma.*

41 *“Mewöyök kunñan gösöñi kilomita (mail) mohotkö dop siriba anmangö kuñgum gihima ewö, mönö ölop tem köla kilomita (mail) yahötkö dop siriba yambuk anman. 42 Kunñan göhöreñ yuai kungöra qesim gihimawi, mi mönö wañgiman. Kunñan ‘Yuai niñginöñga kitipñi bian melenđmam,’ jiba qesim gihimawi, i mönö andö kude qeman.” Mewö.*

Kazikurupki mönö urugan jöpaköm engiman.

Luk 6.27-28, 32-36

43 **“Keu kun kewö jiget mötzema, ‘Ambazip kösutñine mala alaurupñini akzei, mi jöpaköm engimakñemö, kazikurupñini mönö melenđa kazik ak engiba malme.’*

44 *“Mewö jiget mötketmö, nöñön keu mi kewö jim tuaribi mötme: Inini mönö kazikurupñini jöpaköm engiba kinda sesewerowero ak engimakzei, yeñgöra mönö köuluköba malme. 45 Mewö ahakñe*

* 5:38: Eks 21.24; Lew 24.20; Dut 19.21 * 5:43: Lew 19.18

ewö, mewö mianjon Iwiñinan Suep mire maljawi, mönö yangö könañi kondela nahönböraturopñi aka malme. Yangö könañi kewö: Yanjon wehönñi qahö angön köliga kota ambazip ölopñi aka bölöñi mewöyök mem asarim engiba kie aliga ambazip diñdiñi aka gonjonñi yengö nupñini mewöyök mem kelörakza.

⁴⁶ “Enjon mönö niñginöñ gihibigö tandökñi ongita Anutugö könañi kondela ahakñe. Takis tilipqilipñinambuk megetka sisitñini memakzei, yenon alaurupñinan jöpaköm engigetka i melenđa jöpaköm engimakze. Mi urumelenğö silikñi qahö. Inini yengö silik miyök wuatangöba ahakñe ewö, Anutugöreñ tosa kun qahö ahuiga yanjon mönö silikñinanğö likepñi qahö engiiga töwa kun qahö buña qem angume. Mianğöra mönö ambazip körek pakpak jöpaköm engiba malme.

⁴⁷ “Urumelenğö kopa ambazipnön mewöyök sutñine jölönjini jim anguba maljemö, mi urumelenğö aiwesökñi qahö. Inini yengö dop alaurupñini engö sutñineyök jölönjini jim angumakñe ewö, mewö mönö kopa ambazip ewö akze. Kopa ambazip yengö silikñini mönö ongita qetpuk sorokñi aka malme? ⁴⁸ *Engö Suep Iwiñinan aködamun sorokñi akzawi, enon mönö mianğö dop aködamun sorokñinambuk aka malme.” Mewö.

6

Mözöqözörön ambazip mi kalem engimakñe.

* **5:48:** Lew 19.2; Dut 18.13

1 *Jisösnöŋ kewö kusum enġiyök, “Mönö kewögöra galöm mem anġuba malme: Ahakmemeŋini solanŋi diŋdiŋi mi ambazipnöŋ eka enġöra mötket öngömapkörä aka kude ahakŋe. Mewö ahakŋe ewö, enġö Iwiŋini Suepnöŋ maljawanöŋ mönö silikŋinanġö likepŋi qahö enġiiga töwa qahö buŋa qem anġume.

2 “Mianġöra ‘Mözöqözöröŋ ambazip kalem enġimam,’ jiba mi qenjaröknöŋ kömam tömunbuk uba kolek almegöra kude akŋan. Urumelenġö silesile ambazip yeŋön ambazipnöŋ miwidimġöm (mem biwim) enġimegöra möta köuluk mire aka köna namŋe anda ambazip enġeka mewö ahakze. Nöŋön keu ö! töhöŋŋi kun kewö jibi mötme, Yeŋön mönö silikŋinanġö töwanŋi pakpak lök buŋa qem anġugetka Suep Toŋan mi qahö toroqema.

3 “Göŋön mewö kude akŋanmö, ‘Mözöqözöröŋ ambazip kalem enġimam,’ jiba börögi ö!ŋan denöwö akzawi, börögi qaniŋan mi kude mötma.

* 4 Kalemgi mianöŋ tölapŋe ahöiga Iwigan ahakmeme tölapŋi ehakzawi, yanöŋ mönö töwa gihima.” Mewö.

Köuluk nupkö könaŋi kewö:

Luk 11.2-4

5 **“Mianġöra Anutugö köulukömei, mi mönö urumelenġö silesile ambazip yeŋö dop kude akŋe. Yeŋön ambazipnöŋ enġekŋegöra möta sihimŋinan köuluk mire aka köna soŋanöŋ kindä*

* **6:1:** Mat 23.5 * **6:3:** Börögi qaniŋan mi kude mötma, keu mianġö könaŋi kewö: Mi mönö tölapŋe aknöŋga wölböt alagan mewöyök mi kude mötma. Anutunöŋ sölö!öhöm gihiiga nup ö!öŋŋi anġeba memakzani, mi mönö nangak ö!um guhumakza. * **6:5:** Luk 18.10-14

köulukömakze. Nöñön keu öl töhöññi kun kewö jibi mötme, Yeñön mönö silikñinañgö töwañi pakpak lök buña qem angugetka Suep Toñan mi qahö toro-qema.

⁶ “Göñön mewö kude akñanmö, ‘Anutugö köulukömam,’ jiba mönö nangi miri uruñi moröñe öñgöba nañgu köla Iwigi tölapñe maljawi, i köuluköm wañgiman. Mewö aknöñga Iwigan ahakmeme tölapñi ehakzawi, yañön mönö töwa gihima.

⁷ “Köulukömei, mianğöreñ mönö urumelenğö kopa ambazip yeñgö tandök ewö † keu oyoñdewetdewet mi kude jiba malme. Yeñön keu jit sehisehiñi jigetka Anutunöñ mianğöra aka kezap ala möt enğimapkö mötmörimakze. ⁸ Mönö kewögöra yeñgö dop kude aka malme: Inini wani yuaigöra osiba mözöqözöröñ akzei, Iwiñinan mi qahö köulukögetka qeljiñe lök mötza. ⁹ Mönö kewö köulukömakñe:

“Neñgö Iwinini, gi Suepnöñ maljan. Göhö qetki mönö töröñi ahöma.

¹⁰ Mönö galöm köl neñginöñga bemtohoñgahö ölni asuhuma.

Göhö jitsihitki Suepnöñ tem kölakzei, mewöñanök mönö gölmenöñ asuhuma.

¹¹ Merakö neneñi mönö dopnine neñgiman.

¹² Tosatñi yeñgöreñ tosa neñgöreñ ahözawi, nini mi mosöt enğizim ewö, gi mönö mianğö dop neñgö tosanini sañgoñman.

† **6:7:** Kian kantri yeñön Anutu qahö möt wañgiba bemñini murutñi murutñi köuluköba keu omanji oyoñdewetdewet mi lañ jiba malje.

13 Esapesapnöh et neŋgubapuköra mönö aŋgön köl neŋgiba Bölöŋi Toŋaŋgö böröŋeyök ‡ meköm neŋgiman. (Gi nangak bemtohoŋ Toŋi, kukösum Toŋi aka asakmararaŋ Toŋi mi nalöŋi nalöŋi mala kota malnöŋ aka teteköŋi qahö mal öŋgöman. Mi öljä.)

14* Injini ambazip yeŋgö siŋgisöndokŋini mosötme ewö, eŋgö Suep Iwiŋinan mönö mewöyök eŋgö siŋgisöndokŋini mosötma. 15 Mosötmapmö, ambazip yeŋgö siŋgisöndokŋini qahö mosötme ewö, eŋgö Iwiŋinan mönö mewöyök eŋgö siŋgisöndokŋini qahö mosötma.” Mewö.

Nenegö siŋgi malmal mi kewö ahakŋe:

16 “Nenegö siŋgi malmei, miangöreŋ mönö urumelengö silesile ambazip ewö kukbosole kude aka malme. Yeŋön Anutugöra nene siŋgi malakzei, ambazipnöh mi ekŋegöra aka zoloŋ örögetka jemesoholŋinan mölmölimakza. Nöhön keu öl töhöŋŋi kun kewö jibi mötme, Yeŋön mönö silikŋinaŋgö töwaŋi pakpak lök buŋa qem aŋgugetka Suep Toŋan mi qahö toroqema.

17 “Göhön mewö kude akŋanmö, Anutugöra nenegö siŋgi mala miangöreŋ mönö sinim jupuknöŋ me saipenöh jemesoholgi saŋgoŋda nörop jupki qeba malman. 18 Mewö aka nenegö siŋgi malnöŋga ambazipnöh qahöpmö, Iwigi tölapŋe maljawaŋön mi ekŋa. Mewö aknöŋga Iwigan ahakmeme tölapŋi ehakzawi, yaŋön mönö töwa gihima.” Mewö.

‡ **6:13:** “Bölöŋi Toŋaŋgö böröŋeyök meköm neŋgiman,” tosätŋan keu mi kewö melenje: bölöŋeyök meköm neŋgiman. * **6:14:** Mak 11.25-26

*Söngöröñi ketanji yuai mi mönö Suepnöñ tokome.
Luk 12.33-34*

¹⁹ * “Moneñ inap yuai mi mönö gölmenöñ ahöm engimapköra kude tokome. Mewö tokogetka mianğoreñ jijilukut kezaplonlonñ mi yöhötigetka kahawet töromnöñ (ros, ufeñ) mem böliiga kegwek-kahasililiñ yeñön miri qesinđa öngöba yonğorö memakze.

²⁰ “Gölmenöñ qahöpmö, Anutugö jitsihitñi tem kölgetka qetbuñaninan qarimapköra mönö kapan kölme. Mewö aketka guli dötnamñini qainñi kun mi Suep mire ahöiga gurem jijilukutnöñ mi qahö yöhötigetka kahawet töromnöñ (ros, ufeñ) mi qahö mem bölime. Kegwek-kahasililiñ yeñön eu qahö öngöba miri qesinđa qahö yonğorö meme.

²¹ Yuaigöra aködamunñi memba mötnöñ öngözawi, mianñön miri kungen ahöiga göñön mönö urugi mewöyök mianğoreñ qekötahöba malman.” Mewö.

Silegö asakñi mi kewö:

Luk 11.34-36

²² “Göhö jegi mi uru silegahö kiwanji akza. Mianğöra kawöl kunöñ jegi qahö mem böliza ewö, mianñön mönö unöñ asarim teköi Anutugö asakñan ölop uruge mem asariiga malmalgi pakpak asakñe malman.

²³ “Asakñe malmanmö, sihim kömbönani bölöñan me yuai kunñan jegi mem böliba asakñi közambötza ewö, mianñön silegö malmalgi pakpak mewöyök mem söñauiga pandaman uruñe jipjap malman. Mewö aiga söñaupnöñ urugahö asakñi közamböri söñauza ewö, nangi pandamanöñ mönö Yei! keta bölökñi wewelipñambuk akza.” Mewö.

* **6:19:** Jei 5.2-3

Anutu me moneŋ möt nariman?

Luk 16.13; 12.22-31

²⁴ “Kunŋan kembu yahöt welen qem etkimamgö osimakza. Kunŋan mewö akŋamgö mötzawi, yaŋön mönö kun kazik ak waŋgiba kun uruŋan jöpaköma. Kungöreŋ qekötahöba kun jijiwilit ak waŋgima. Miangöra eŋön Anutu aka moneŋ inap mi mindiriba welen qem etkibingö osime.” Mewö.

Anutu möt nariba waimanjat kude akŋe.

²⁵ “Mewö aiga nöŋön kewö jibi mötket: Inini gölmenöŋ malmeaŋgö waimanjatŋi mi kewö jiba kude akŋe, ‘Mönö wani yuainöŋ gumohom aŋgubinak aka wanatnöŋ sileninaŋgö löŋgötpinak?’ Jeŋinambuk maljei, mianŋön bohonŋi aiga nenenöŋ mönö miangö nemböŋe akza. Silenŋinambuk maljei, mianŋön bohonŋi aiga opo sörönöŋ mönö miangö nemböŋe ahöza. Mönö mi mötmörime.

²⁶ “Könakemba neiŋi neiŋi mönö eŋgekŋe. Mienön nene köŋŋi qahö qesiŋ gilakze. Padi ölni qahö yandiba köwe miriŋine qahö tokomakze. Mi qahöpmahöp aiga eŋgö Suep Iwiŋinan mönö töndup i gumohom eŋgimakza. Inini nei yengö dop qahöpmö, eŋgö söŋgöröŋinan mönö nei söŋgöröŋini eŋgoŋgita öŋgöŋgöŋi akza me qahö? Mönö mi mötmöriget anök.

²⁷ “Eŋgöreŋök kunŋan waimanjat aka mewö mianŋön gölmenöŋ malmawaŋgö nalöŋi mi sömaŋi mohotkö dop mem toroqema me qahö? Mi qahöpmahöp! § ²⁸ Opo söröŋinaŋgöra mönö

§ **6:27:** Tosatŋan jabö 27 mi kewö melenŋa jize: Eŋgöreŋök kunŋan waimanjat aka mewö mianŋön silenŋi wan fitgö dop toroqeba mem körimamgö osima.

denöwögöra waimanjat akze? Mi qahö dop kölja. Sombemgö jariŋ juranji qarimakzei, mönö mi uba engekŋe. Mienön opo söröŋinanŋöra möt qahö loŋgalakze aka nup tosatŋi qahö memakze.

²⁹ *“Mi töndup nöŋön kewö jibi mötme, Kiŋ Solomonöŋ goul silwöŋi qeraköba asonbilikŋambuk malökmö, yangö malukuŋi mi kiteŋ soranjiŋ me jura kungö dop eksihimŋambuk qahö ahöyök.
³⁰ Sombemgö jariŋ juranji töhön merak kösutnine ahöi uran kölgetka eri qezaköba gila ohoget jemapmö, mi töndup Anutunöŋ mi ölopŋanök meŋölömakza. Miangöra yaŋön iŋini mewöyök ölop esuhum enŋima. Iŋini jariŋ juranŋö dop qahö. Anutunöŋ köyan köl enŋimangö möta miangöra sihimŋi öŋgöŋgöŋi mörakza. O ambazip, mötnariŋinan mönö wuanöŋgöra öne töhön morörökŋi akza?

³¹ “Mewö aiga iŋini mönö malmalŋinanŋö waimanjat aka mötkurumkurum kude ahakŋe. Mi aka lömböriba kewö jibepuk, ‘Nini mönö wani nene aka wani oya nembinaŋ?’ aka ‘Wani yuainöŋ silenini esuhubinaŋ?’

³² “Mi kewögöra: Urumelenŋö kopa yeŋön yuai pakpak mi buŋa qem anŋubingö kapaŋ köla urukönöp ahakze. Iŋini yuai pakpaköra mözöröŋgöba osimakzei, enŋö Suep Iwiŋinan mönö mi möt teköza. ³³ Miangö urukönöp kude akŋemö, mutuk mönö Anutugö bemtohoŋnöŋ anŋota yangö jeŋe solanibingö kapaŋ kölme. Uruŋini miangören alget ahöiga yaŋön mönö galöm köl enŋiba yuai mewöŋi pakpak mi mewöŋanök enŋima.

* **6:29:** 1 Kiŋ 10.4-7; 2 Hist 9.3-6

34 “Mewö aiga inġini mönö uran malmeanġö waimanjatġi kude ahakġe. Urangö waimanjatġi mi urangöra. Silim mohot mohotkö waimanjatġini mönö nanġök nanġök bisiinga dopġine akġa.” Mewö.

7

Jimtekötekö tonġi ewö kude akġe.

Luk 6.37-38, 41-42

¹ Jiśösnöġ toroġeba kewö jiyök, “Anutunöġ keuġini kewöta jim teköi etpepuköra mönö tosatġi yeġö keuġini kude kewöta jim teköme. ²*Mianġö könaġi kewö: Inġini tosatġi yeġö keuġini kewöta jim tekömei, Anutunöġ mönö dop mohot mianġönök nanġini keuġini kewöta jim teköma. Inġini tosatġi yeġöra jimkutukutu ala memba öġġöba eta kewöt enġimakzei, Anutunöġ mönö mianġö dop nanġini ak enġii öġġöba erakġe.

³ “Gi alagahö jeġe gödöwöröt morörökġi ekzanmö, nangi jeġe ip sahöġni ketanġi ahözawi, mia mönö wuanöġgöra kude ek kutuzan? ⁴ Me denöwögöra aka amġeba alagahöra kewö jizan, ‘Alani mötnöġ, ni ölöp jeġeyök gödöwöröt itaköbi etma?’ Mewö amġeba jizänmö, ip sahöġni ketanġi mi nange jeġe ahöza.

⁵ “O gi urumelenġö silesile azia, gi mönö mutuk nange jeġeyök ip sahöġni (tametġi) ketanġi memba gilman. Mi mem gilagun törörök ek kutuba alagahö jeġeyök gödöwöröt morörökġi mi ölöp itakönöġga etma. ⁶ Yuaigöra mötketka tök-kutukutuġi qainġi kun akzawi, mi mönö kiam

* 7:2: Mak 4.24

kude engime. Guli damandan qeqeņi mi mönö bau wösöņine kude gilget anma. Mewö akņe ewö, yeņön mönö mi könaņinan tiahöm engiba dumņe melenđa nanņini engöhöba yöhöqöhötım engibepuk.” Mewö.

Mönö qesiba jaruba Anutugö nanņunje qeba malme.

Luk 11.9-13

⁷ “Mönö Anutu köuluköme. Köulukögetka kewöta engima. Urugö yuaigö Anutugöreņ böröjaņ memba jarume. Mi jarugetka kondeliga miwikņaime. Kinda nanņunöņ qeme. Qegetka nanņunji öröm engima. ⁸ Kunņan Anutu köulukömakzawi, yaņön mönö likepņi buņa qem aņguma. Yuaigö jarumakzawaņön mönö mi miwikņaima. Nanņunöņ qemakzawaņgöra mönö nanņunji öröm waņgima.

⁹ “Mötket, ambazip engöreņök danjon kewö akawak: Nahönņan bisketköra qesiiga köt waņgima? ¹⁰ Me nahönņan söragöra qesiiga qatö waņgima?

¹¹ “Mewö aiga iņini ambazip bölöņi aka töndup kalem ölöpņi ölöpņi nahönböraturupņini engibingö dop akze ewö, engö Iwiņini Suep mire maljawaņön mönö kalemņi denöwö aņgön kölbawak? Yaņgö uruņaņgö ahakmemenji mi neņgöņgita tandökņi kun akza. Mianğöra iņini yuai ölöpņağgöra köuluköba qesim waņgime ewö, yaņön mönö sihimņan mi engima.

¹² * “Mianğöra ambazipnöņ yuai pakpak nanņinaņgö ak engimegö mörakzei, mianğö dop mönö nanņini mewöyök i ak engimakņe. Mewö

* **7:12:** Luk 6.31

aketka Mosesgö Köna Keu aka kezapqetok ambazip Buzup Kimbi keuñini mianjon mönö öljinambuk aketka mindimindiri könanan aukne asuhuma.” Mewö.

Mönö kiripo nanju giwikñi kutuba anme.

Luk 13.24

¹³ “Könöp sianöñ gebingö könañi mi amqeqeñi aka numbuñangö nanjuñi mi ketañi. Ambazip sehisehiñan nanju mi kutuba köna mi mötöteiba anme. Miangöra inini mönö kiripo nanju giwikñi kutuba mianjö uruñe anme.

¹⁴ “Malmal köhöikne angotpingö könañi mi pökpökñi (pipitñi) osukosubuk aiga numbuñangö nanjuñi mi giwikñi. Ambazip awamdökñan nanju mi miwikñame.” Mewö.

Ipkö könañi mi ölñi eka möt kutume.

Luk 6.43-44

¹⁵ “Kezapqetok ambazip takapulakañi yeñön lamagö sile ewö esuñini löngöta engören kamakzemö, uruñinan ubibi kiam kalñi ewö akze. Miangöra inini mönö yengöra aka tihitñini möta galöm mem anguba malme. ¹⁶ Nupuñangö ölñi eketka könañini kondeli ölöp möt kutume. Nejon kötñi mi jömnöñ asuhumakza me qahö? Warun kötñi mi koururuknöñ (köwörörök) asuhui tokomakzin me qahö? Qahö.

¹⁷ “Mianjö dop ip ölöpñi pakpak mienön ölñi ölöpñi kuñgumakzemö, ip bölöñan mönö kötñi bölöñi kuñgumakza. ¹⁸ Ip ölöpñan ölñi bölöñi kuñgumamgö osiza aiga ip bölöñan kötñi ölöpñi kuñgumamgö osiza.

19 **“Ip pakpak ölni ölöpnî qahö kuŋgumakzei, mi mönö galömŋan kutuba memba kônöpnöŋ giliga geme. 20 *Miangö dop ambazip miengö nupŋinangö ölni eketka kônaŋini kondeli ölop möt kutume.”* Mewö.

Gwarek ölnangö kônaŋi

Luk 13.25-27

21 *“Nöŋgö Suep Iwinangö jitsihitŋi tem kölakzawaŋön mönö yangö bemtohoŋnöŋ aŋgotma. Gwötpuk yeŋön nöŋgöra ‘Kembuni, Kembuni!’ qeta jimakzemö, körek yeŋön Suepkö bemtohoŋnöŋ qahö aŋgotme.*

22 *“Jimtekötekögö nalö ketanî miangöreŋ gwötpuk yeŋön kaba nöŋgöra kewö jime, ‘O Kembu Kembu, neŋön mönö göhö qetke yuai asuhumapkö kezapqetok keu qeljiŋe jiba malin. Neŋön mönö göhö qetkahö ösumnöŋ ömewöröme eŋguatanğöba malin. Göhö qetkan mönö nam köl neŋgiiga aŋgöletot ösum-mumuŋinambuk gwötpuk memba malin. Mi ölum guhuza me?’ 23 *Mewö jigetka nalö miangöreŋ kônaŋini aukŋe kewö jibi mötme, ‘Nöŋön iŋini nalö kunöŋ qahö möt eŋgial. Iwilele ahak ambazip, iŋini mönö nömosöta kesalget.’ ”* Mewö.

Miri memegö mötkutukutu ölöpnî aka piromŋi

Luk 6.47-49

24 *“Mewö aiga denike yeŋön keu jitni jizali, mi möta miangö dop tem köla memakzei, nöŋön körek yeŋö kônaŋamŋini kondela mötkutukutu azigö dop ala kewö jimam, Yaŋön miriŋi jamönjiŋ köt qakŋe*

* **7:19:** Mat 3.10; Luk 3.9

* **7:20:** Mat 12.33

* **7:23:** Sum

meyök. ²⁵ Mewö meiga kie uru nalöne kie römbum yöhöba eriga göulu luhuiga luhut ketanji qeiga o göulu köhöiknji gila miri selne kunjuyökmö, miri mi jamönjinj köt qakne mei kinöhañgöra aka qahö kusuyök.

²⁶ “Denike yenön keu jitni jizali, mi möta mianğö dop qahö tem köla memakzei, nöñön körek yenğö kónañamñini kondela azi mötkutukutuñi piromñanğö dop ala kewö jimam, Yanön mirinji sak kösahet qakne meyök. ²⁷ Mewö meiga kie uru nalöne kie römbum yöhöba eriga o luhuiga luhut ketanji qeiga o göulu köhöiknji gila miri selne kunjui kusuiğa goromororonğöba erök.” Mewö.

Ambazipnöñ Jisösgö kukösumñanğöra welipköget.

²⁸ *Jisösnöñ keu mi jim teköiga ambazip kambunji kambunji yenön mötketka kusum enğiyöhi, tandök mianğöra auruba welipköget. ²⁹ Yanön yenğö Kóna keugö böhiurupñinanğö tandök qahö kusum enğiyökmö, kukösum Tonji akzawañğö dop ambazip kusum enğiiga möta tandök mianğöra welipkögetka nembönini teköyök. Mewö.

8

Jisösnöñ uzikuku azi kun mem solaniyök.

Mak 1.40-45; Luk 5.12-16

¹ Jisösnöñ kundunji mi mosöta eri könagesö kambuleleme ketanjan andöne wuatañğöget. ² Mewö kagetka mianğoreñ uzikuku azi kunöñ kaba simin köla Jisösgö wösöne geba kewö jiyök, “O Kembu, gönön sihimgan mem ölöwak niñgimangö mötzan ewö, mönö ni ölop mem solanim niñgiman.”

* **7:28:** Mak 1.22; Luk 4.32

³ Mewö jiiga böröni boraŋda silenji misiriba jiyök, “Nöŋön mi akŋamgö mötzal. Gi mönö solani-man.” Mewö jiiga uzikukuŋi mi mianğöreŋök solanii ölöwahök. ⁴ *Solaniiga kewö jim kutum waŋgiyök, “Mötnöŋ, kianğö buzup keuŋi mi kun kude jinöŋ mötme. Qahöpmö, mönö jike nup galömgöreŋ anda silegi kondel waŋgiman aka Mosesgöreŋ jimkutukutuŋi wuatangöba solani-zanaŋö saiwap nalukuŋi ala jöwöwöl ohoman. Mi ohonöŋ ehiga ambazipnöŋ könaŋamgi möt kutume.” Mewö.

Jisösnöŋ suahö galöm kungö nup aziŋi mem ölöwahök.

Luk 7.1-10

⁵ Jisösnöŋ Kaperneam taonöŋ kaŋgoriga Rom suahö galöm kunŋan yaŋgöreŋ kaba köuluköba kewö jiyök, ⁶ “O Kembu, nöŋgö nup azinaŋgö silenji likepŋan kömukömuŋi aiga sihimbölo kan-jaŋambuk möta mire ahöza.”

⁷ Mewö jiiga kewö jii mörök, “Nöŋön mönö anda i mem ölöwakŋam.” ⁸ Mi möta kewö melenja jiyök, “O Kembu, ni mewöröpŋan malbiga nöŋgö miri boŋan goalöŋmapkö gamuni mötzal. Mianğöra keu jitkanök jinöŋga welen azinan ölöwakŋa.

⁹ “Mi kewögöra: Ni nanak mewöyök galömnangö kukösum bapŋe al niŋgigetka maljal. Nöŋgö bapne yarö azi malgetka mi jim kutum eŋgimakzal. Yeŋgöreŋök kungöra ‘Anman,’ jim kutubi yaŋön anma. Kungöra ‘Kanöŋ,’ jim kutubi yaŋön kama aka welen azini kungöra ‘Nup ki meman,’ jibiga yaŋön mi mema.”

* **8:4:** Lew 14.1-32

10 Jisösnöŋ keu mi möta welipköba ambazip wuatangöba kageri, yeŋgöreŋ lilingöba kewö jiyök, “Nöŋön keu ölni kun kewö jibi mötme: Israel könagesö sutŋine mewöyök mötnarip ketanji mewöŋi mi kungö uruŋe qahö miwikŋaial.

11 **“Nöŋön keu kewö jibi mötme: Ambazip kambulelembenöŋ mönö wehön kotkotŋeyök aka wehön gegeŋeyök kaba Suepkö bemtohoŋ uruŋe kaŋgota Abraham, Aisak aka Jeikob yembuk nene sösöŋgai aka malme. 12 *Yeŋön mewö malmemö, bemtohoŋgö nahönböraturup mi mönö eŋgömosöta aköm eŋgigetka pandamanöŋ yaigep geme. Miangöreŋ malmei, yeŋön mönö sahöt gigilahöba irimŋini yöhözömgögetka qetŋi qeri malme.”*

13 Mewö jiba suahö galömgöra kewö jiyök, “Gi mönö mirige anman. Mötnaripkahö dop mönö asuhum gihima.” Mewö jiiga welen aziŋan mönö aua miangöreŋök ölöwahök. Mewö.

*Jisösnöŋ kawöl ambazip gwötpuk meiga ölöwaket.
Mak 1.29-34; Luk 4.38-41*

14 Jisösnöŋ Pitögö mire anda Pitögö suhunŋan silekönöp kawöl yöhöi ahöiga ehök. 15 I eka böröŋe misiriiga silekönöpŋan mosöri wahöta könahiba Jisös nene ohoba gumohom waŋgiyök.

16 Mewö malgetka miri söŋauiga miangöreŋ ambazipnöŋ alaurupŋini ömeŋnambuk mi gwötpuk eŋguaŋgita yaŋgöreŋ kaget. Kagetka ömewöröme mi keuŋan jiba közöl eŋgiiga kota anget aka kawöl ambazip pakpak mi mem ölöwak eŋgiyök.

* **8:11:** Luk 13.29 * **8:12:** Mat 22.13; 25.30; Luk 13.28

17* Mewö mianjon Anutunon keunji kezapqetok azi Aisaiago uruñe ali jii ahözawi, mianjon olñambuk ahök. Keu mi kewö, “Yañon mönön neñgö uzi kawölnini meiga qakñe öngöiga bisiyök.” Mewö.

Jisös wuatangöbingö möndömöndö keunji

Luk 9.57-62

18 Jisösnon ambazip kambu ketanji lilikom wangiget engeka nalö miangöron gwarekurupñi yembuk o angö kutuba likep angotpingö jim kutuyök. 19 Köna keugö böhi kunjan Jisösgöron kaba kewö jii mörök, “Böhi, gi denike denike anmani, nonon mönön miangöron gi guatangöba kamam.”

20 Mi möta Jisösnon kewö jii mörök, “Arökñangö kiam yeñon köteñine ahögetka könakemba nei yeñon öngot jajonjini memba malakzemö, Suep gölmegö azi olñan mönön denike anda nöronñi wani qömböñnon nariba luhut membawak?”

21 Mewö jii gwarek yeñgöronök kunon kewö jii mörök, “Mi ölöpmö, iwinan kömumangö aiga mutuk jinonga anda galöm kölbi kömui löm kölbigun.” 22 Mewö jiyökmö, Jisösnon melenja jiyök, “Mosötnon, köhömuñi yeñon qamötnjini köhömuñi mi ölop löm kölmemö, gönön mönön kaba ni nuatangöman.” Mewö.

Jisösnon jüiga raidimbom göron qeyök.

Mak 4.35-41; Luk 8.22-25

23 Jisösnon anda wange uruñe öngöiga gwarekurupñan wuatangöba yambuk mohotñe anget. 24 Angetka raidimbom ketanjan ömtöröp (töronñanök) o angönon asuhuba gilök. Giliga

* 8:17: Ais 53.4

sirinöŋ waŋge uruŋe geiga numbunje qemamgö ahökmö, Jisösnöŋ gaun ahöyök. ²⁵ Gaun ahöiga gwarekurupŋan anda möndöba jiget, “Hei Kembu, mönö bauköm neŋginöŋ. Nini aŋgönöŋ ayuhubingö akzin.”

²⁶ Mewö jigetka melenđa kewö jim enġiyök, “O inġini mötnaripŋini morörökŋi, mönö wuanöŋgöra keŋgöt mötmöt azia akze?” Mewö jiba wahöta luhut aka siri jim qetal etkiiga sirinöŋ nöŋ qeba ahöyök. ²⁷ Mewö aiga awöwöliba qesiba jiget, “Yei! Azi kia mönö denöwöŋan malja. Yaŋön mönö luhut aka köwet jim kutum etkiiga jitŋi tem köl waŋgizahot.” Mewö.

*Ömenöŋ bau uruŋine gegetka azinöŋ ölöwahot.
Mak 5.1-20; Luk 8.26-39*

²⁸ Mewö asuhuiga o aŋgö kutuba likepŋe Gadara yeŋgö gölmenöŋ aŋgorök. Miangöreŋ aŋgota azi ömeŋirambuk yahöt yetkön qaksirinöhök kaba Jisös miwikŋaiyohot. Yetkön irimsesewöl azi urukönöpŋirambuk ahotka kunŋan köna miangöreŋ anmamgö osiyök. ²⁹ Yetkön Jisös miwikŋaiba silata kewö qet gigilahöyohot, “Aek! Gi Anutugö Nahönŋi akzan. Gi mönö denöwö ak neŋgimamgöra kazan? Sihimbölö mötmöt nalöŋan qahö kam kuŋguiga qeljŋe mi könöpŋambuk ak neŋgimamgö ki kazan me?”

³⁰ Miangöreŋök köröwen qahöpmö, kösutŋine miangöreŋ bau kambu ketanġi kun gwözözak uruŋe kulunđa malget. ³¹ Miangöra ömenöŋ kewö jiba Jisös ulet waŋgiget, “Göŋön nini közöl neŋgiman ewö, mönö melaim neŋginöŋga ölop bau kambu miengö uruŋine gebin.”

³² Ulet wanğigetka Jisösnöŋ “Mönö anda geget,” jiba jim kutuyök. Mewö jim kutuiga miangöreŋök azi uruŋireyök kota anda bau uruŋine geget. Gegetka bau kambu körek yeŋön mönö luhuba nembönembönöŋ anda jororonğöba o aŋğönöŋ geba nemulahöba kömuget.

³³ Kömugetka bau galöm yeŋön ölöŋ unjurata taonöŋ anda keu buzupŋini pakpak jiget. Azi ömeŋjirambuk yetköreŋ yuai asuhuyöhi, miangö buzupŋi mewöyök jiget mötket. ³⁴ Jiget möta taon ambazip pakpak yeŋön mosöta Jisös miwikŋaiba ekingö kaget. Kaba eka Jisösnöŋ yeŋgö mindi-mindiri sel gölme mosöta anmapkö ulet wanğiget. Mewö.

9

*Jisösnöŋ azi sile likepŋi kömukömuŋi möhamğöyök.
Mak 2.1-12; Luk 5.17-26*

¹ Jisösnöŋ wange uruŋe öngöba kunbuk o aŋgö kutuba likepŋe aŋgota nanŋe taonöŋ kayök. ² Nalö miangöreŋ azi tosatŋan alanini sile likepŋi kömukömuŋi tumbulahöpnöŋ ahöyöhi, mi kululunöŋ ala aŋguba kaget. Mewö kaba Anutu möt narim wanğigeri, Jisösnöŋ yeŋgö tandökŋini mi ehi dop köliga kawöl azigöra kewö jiyök, “Nahöni, nöŋön siŋgisöndoki mosötzal. Mönö köhöiba ewebibigabuk saitingit malman.”

³ Mewö jiiga Köna keugö böhi tosatŋan kinda uruŋinan kewö mötmöriget, “Azi kianğön mönö Anutu ilita mepaqepaik akza.”

⁴ Mewö mötmörigetmö, Jisösnöŋ mötmöŋini mi möt kutuba kewö jiyök, “İŋini mönö wuanöŋgöra keu bölöŋi uruŋinan mötmörize? ⁵ Nöŋön

‘Siŋgisöndoki mosötzal,’ jizali, keu mianjon mönö awamjanök jijiŋa. Kunjan mewö jiiga tosatjan keu miangö ölni qahö ekne. Miangöra mi keu awamjanögö dop. Nöjon keu kun kewö jimamgö mötzal, ‘Mönö wahöta anöŋ.’ Keu mi mönö lömbötjanbuk jijiŋa akza. Mewö jibiga ölni ahuma me qahöwi, mianjon mönö aukne asuhui ekne.

⁶ “Mötket, gölmenöŋ siŋgisöndok mosötmosötkö kukösumŋi mi Suep gölmegö azi ölnangören ahözawi, iŋini miangö könanangöra janjun malbepuk. Miangöra keu lömbötŋi mi azi kiangöra jibi ölni eket.” Mewö jiba azi sile likepŋi kömükömuŋangö jeŋe eka jiyök, “Gi mönö wahöta tumbulahöpki memba mirige anöŋ. Keu lömbötŋi mi ölnambuk akŋa ewö, keu awamŋi mi mönö mewöyök denöwögöra omani akawak?”

⁷ Mewö jiiga miangörenök wahöta miriŋe anök.
⁸ Mewö asuhuiga ambazip kambu yejon mi eka welipköba Anutu möpöseim wanget. Gölme azigöra kukösum mewöŋi wanjiyöhängöra Anutu möpöseiget. Mewö.

Jisösnöŋ Matyu (Liwai) oholök.

Mak 2.13-17; Luk 5.27-32

⁹ Jisösnöŋ miangörenök anda takis ofis ongitmamgö aiga miangören azi qetŋi Matyu tariga eka jii mörök, “Gi mönö nöngö andöne kanöŋ.” Mewö jii möta wahöta takis nup mosöta Jisösgö andöŋe anök.

¹⁰ *Anda Matyugö mire anda nene namba tatkeri, nalö miangören takis meme azi tilipqilipŋinambuk aka siŋgisöndok azi gwötpukjan

* **9:10:** Luk 15.1-2

kaba Jisös aka yangö gwarekurupni yembuk tata nene mohotje neget. ¹¹ Mewö negetka Farisi (Köna keugö kapaṅkölköl) yeñon mi eka Jisösgö gwarekurupni kewö jim engiget, “Aek! Engö böhiñinan mönö wuanöngöra takis meme tilipqilipñinambuk aka siṅgisöndok ambazip yembuk tata nene neza? Mi qahö dop kölja.”

¹² Mewö jim engigetka Jisösnöñ likepni kewö jii mötket, “Sile unditundit ambazipnöñ doktagöra qahö ak engimakzapmö, kawöl ambazipnöñ mönö doktagöreñ anakze. ¹³ *Nöñon siṅgisöndok ambazip engoholmamgöra kaba maljalmö, ambazip nanñinaṅgö mötketka solanñi akzei, i qahö. Miangöra keu kiangö könañi mönö anda kusum aṅguba mötme, ‘Nöñon jöwöwöl ohobingö qahöpmö, ak kömum aṅgubingö sihimñi mötzal.’” Mewö.

Nene siṅgi malmalgö keuñi

Mak 2.18-22; Luk 5.33-39

¹⁴ Nalö miangöreñ Jon O-melun azigö gwarekurupni yeñon Jisösgöreñ kaba kewö qesiget, “Neñon aka Farisi (Köna keugö kapaṅkölköl) yeñon Anu-tugöra nene siṅgi gwötpuk malahakzin. Nangi gwarekurupkan mönö wuanöngöra nene siṅgi qahö malje?”

¹⁵ Mewö qesigetka kewö meleñnök, “Ölña, nini wani nalönöñ nene siṅgi malakzin? Ambi meme nalöñe azigö andöurupñan könöpni algetka ambigö sepkitipurupñan yuai mi tökömakze me qahö? Nöñon nani gwarekurupni yeñgö azi buñaya aka yeñgö sutñine köisirik tatzal. Tatpiga yeñon

* **9:13:** Mat 12.7; Hos 6.6

miaŋgöra aijölöŋ söŋgaiba tata siŋgi malbingö osimakze. Osimakzemö, Anutunöŋ noaŋgiri kömumbiga yeŋön mönö nalö miaŋgöreŋ ölop siŋgi malakŋe.

¹⁶ (“Inini malmal walŋi aka sösoŋgai Buŋa dölökŋi mi mindirim etkibingö osime. Miaŋgö keu pasetŋi mi kewö jibi mötket:) Löŋgölöŋgöt walŋi jurariga kunöŋ opo dölökŋi qahö saŋgoŋsaŋgoŋi mitiba mianön opo su jöhanŋi qahö ala umgöreŋgömakza. Opo su jöhanŋi dölökŋi mewöŋan mönö waziba löŋgölöŋgöt walŋi öröiga kunbuk tiŋgiriga kinimŋan qariba böliqölibapuk.

¹⁷ “Mewöŋanök kunöŋ wain o dölökŋi mi jobö me toru walŋi lama sileŋan memeni miaŋgöreŋ qahö kusuiga gemakza. Mewö akawak ewö, wain o dölökŋan mönö qariba toru qesiŋniga jula mokoiga gölmenöŋ eta sohoiga toruŋan böliqölibepuk. Miaŋgöra wain o dölökŋi mi toru dölökŋeyök mokoin geiga dop kölma. Möwö ahiŋga mietkön ölöwakŋahot. (Mewöŋanök o ölopŋi mi gina gisagisahöŋe qahö umakzin. Mewö ubinak ewö, mianön mönö jula kisipisirik eriga namba kawöl neŋgöhöbapuk. Mewö akapuköra o ölopŋi mi gina ölopŋe umakzin. Inini mewöyök malmal walŋi aka Ölöwak Buŋa dölökŋi mi mindirim etkibingö osime.) Mewö.”

Jairusnöŋ böratŋaŋgöra Jisös köuluköyök.

Mak 5.21-43; Luk 8.40-56

¹⁸ Jisösnöŋ keu mi jii mötketka keu galöm kunŋan kaŋgota Jisösgö wösöŋe geba simin köla kewö köuluköm waŋgiyök, “Nöŋgö böratnan mönö dölki

kömuzapmö, mönö kaba börögan sileŋe misirinöŋga guliba toroqeba malma.”¹⁹ Köulüköm waŋgiiga wahöta gwarekurupŋi yembuk i wuataŋgöba anget.

Kawöl ambi kunöŋ Jisösgö malukuŋi misiriyök.

²⁰ Angetka miangören ŋutŋine ambi kun malök. Yaŋön (yara) yambu 12 miangö dop köiŋnön ehiga nalö dop kawöl yöhöiga malök. Ambi miangön Jisösgö andöŋe kaba malukuŋangö kitip ŋuŋi misiriyök.²¹ Mi misiriba nanŋangöra kewö jiyök, “Nöŋön i oseimangö möt lömböriba malukuŋeyök borom kun misiribileŋak ewö, mönö ölöp ölöwakŋam.”

²² Mewö jiba misiriiga Jisösnön miangörenök lilingöba i eka kewö jii mörök, “Böratni, mötnaripkan mönö mem ölöwak gihiza. Mönö köhöiba ewebibigabuk saitŋgit malman.” Mewö jii möta aua miangörenök ölöwahök.

Jisösnön Jairusgö böratŋi mem guliyök.

²³ Toroqeba angetka Jisösnön keu galömŋangö mire öngöba ambazip jingŋe köla awölop ugeri aka ambazip kambu göju gilgeri, mi eŋgeka kewö jim kutum eŋgiyök,²⁴ “Mönö yaigep anget. Ambi moröŋan qahö kömuzapmö, gaunök ahöza.” Mewö jim kutum eŋgiiga mötketka gönahit ewö aiga gön köl waŋgiŋet.

²⁵ Gön köl waŋgiŋetmö, ambazip kambu ketani mi jiiga yaigep angetka ambi moröŋangö ahöahö miri uruŋe öngöba böröŋe meiga wahörök.²⁶ Wahöriga miangö buzup keuŋan sehiba mindi-mindiri sel mi körek dop köla anök. Mewö.

Jisösnöñ jegömöl azi yahöt mem ölöwak etkiyök.

²⁷ Jisösnöñ miri gölme mi mosöta anmamgö ani jegömöl azi yahötñan wuatangöba andöñe kaba kewö qerohot, “Deiwidkö gwölönarökñi, gi mönö ak kömum netkiman.”

²⁸ Mewö qerohotka miri kungö uruñe öngöiga jegömöl azi yetkön Jisösgöreñ kayohotka kewö qesim etkiyök, “Jeniri mem tohomamgö kukösumñi nöngöreñ ahözawi, mi möt narizahot me qahö?” Qesim etkiiga kewö melen wangiyohot, “Kembuniri, mi ölop möt narizit.” ²⁹ Mewö melen wangiyohotka je dapötñire misiriba jiyök, “Mötnaripñiranğö dop mönö asuhuma.”

³⁰ Mewö jiiga jeniran tohoyök. Mewö asuhuiga galöm meme keu köhöikñi al etkiba kewö jiyök, “Mörohot, kiangö buzupñi mi kun kude jiyohot mötme.” ³¹ Mewö jiyökmö, yetkön mosöta anda miangö buzupñi jim sehiyohotka mindimindiri sel mi körek dop kölök. Mewö.

Jisösnöñ mötök azi kungö keuñi möhamgöyök.

³² Jeniri tohoi anohotka töñöt azi keu jijini qahö mi wangita Jisösgöreñ kaget. ³³ Kagetka Jisösnöñ ömeñi közöli mötök azinöñ keu jiiga ambazip kambu yeñön mi eka welipköba jiget, “Tandök kewöñi mi Israel uruñe mönöwök nalö kungen qahö ehin. Qahö. Dölki je murutña ekzin.”

³⁴ *Mewö jigetmö, Farisi (Köna keugö kapañkölköl) yeñön jiget, “Yañön mönö öme yeñgö kembuñinanğö ösumnöñ ömewöröme enğuatangömakza.” Mewö.

* **9:34:** Mat 10.25; 12.24; Mak 3.22; Luk 11.15

Jisösnöŋ könağesö yeŋgö wösöŋi mörök.

³⁵ *Jisösnöŋ anda miri aka taon dop liliköba ambazip köuluk miriŋine kusum eŋgiba bemtohongö Ölöwak Buŋa jim asariba mianöŋ uruŋini kuŋguba uzi kawöl aka jepajerepe könaŋi könaŋi mem ölöwak eŋgiba malök. ³⁶ *Mewö mala ambazip kambuŋi kambuŋi eŋgehiga lama galömŋini qahö tandök simbisembel aka iliŋgösöŋ qeŋgalaŋga malgetka yeŋgöra wösöŋi mörök.

³⁷ *Mewö eŋgeka gwarekurupŋi kewö jii mötket, “Anutugö nupnöŋ nene öŋi gwötpuk öliba ahözapmö, mi tokobingö nup meme ambazipnöŋ mönö awamdökŋi malje. ³⁸ Miangöra nene öliöliŋaŋgö Kembuŋan nup meme ambazip melaim eŋgimapköra mönö köuluköba malme. Köuluköm waŋgetka nup ambazip asuhuba öŋi mi mem tokome.” Mewö.

10

Aposol 12 yeŋgö qetŋini

Mak 3.13-19; Luk 6.12-16

¹ Jisösnöŋ gwarekurupŋi 12 eŋgoholi yaŋgöreŋ kagetka ömewöröme közöl eŋgimegö kukösumŋi al eŋgiyök. Mewöyök uzi kawöl qemjem-mamjeŋ könaŋi könaŋi mem ölöwakŋegö kukösumŋi al eŋgiyök. ² Melaimelai azi aposol 12 miengö qetŋini kewö: mutukŋi yaŋöŋ Saimon, qetŋi kun Pitö qetket aka yaŋgö munŋi Andru. Miangö andöŋe Jeims aka munŋi Jon, iwiŋiri qetŋi Zebedi.

* **9:35:** Mat 4.23; Mak 1.39; Luk 4.44
22.17; 2 Hist 18.16; Eze 34.5; Mak 6.34

* **9:36:** Jan 27.17; 1 Kin
* **9:37:** Luk 10.2

³ Filip aka Bartolomyu, Tomas aka Matyu takis meme azi, Jeims Alfiusgö nahönñi aka Lebeus qetñi kun Tadius, ⁴Saimon Zelot-politik azia * aka Judas Iskariot. Kariot azi mianñön könangen Jisös mamalolo mem wanñiyök.

Jisösnöñ gwarekurupñi 12 melaim enñiyök.

Mak 6.7-13; Luk 9.1-6

⁵ Jisösnöñ azi 12 mi melaim enñiba kewö jim kutum enñiba jiyök, “Injini kian kantrigö ambazip yengören kude anme. Mewöyök Samaria prowins yengö taonñini kunöñ kude anme. ⁶ Mianğören kude anmemö, Israel könagesögö lama sohogeri, mönö yengören anme. Mi nup mutukñi. ⁷ *Denike denike anmei, mianğören mönö Buña keu kewö jiba jim asarime, ‘Suepkö bemtohoñan mönö dowe kazawa mianğö uruñe anñotme.’

⁸ “Ambazip kawölñinambuk mönö mem ölöwak enñiba kömükömuñi mi mem gulim enñiba malme. Uzikuku ambazip mönö mem solanim enñigetka öme wöröme közöl enñiba malme. Anutunöñ yuai kalema enñiyöhi, mi mönö toroqeba kalema enñiba malme.

⁹ “Köna anmeañgöra soujeñi goul me silwö me ain kopönöñ memeñi mi mönö irimunğañine kude jöhöme. ¹⁰ *Ambazipnöñ nup meme ambazip malmalñini nanğömeañgö dop akze. Mianğöra köna anmeañgö yuaini ki mi kude memba anme: gösö qahö, maluku semönñi qahöpmö, mohot meme, köna esu qahö, öröp qahö.

* **10:4:** Nesönöl pati Zelot yeñön Rom gawman tuarenñon aka nanñine kinkin membingöra tuaköpek memba malget. * **10:7:**

Luk 10.4-12 * **10:10:** 1 Kor 9.14; 1 Tim 5.18

11 “Anda taon me miri denike denike angotmei, mianğoreñ mönö danğon azi ipñi qetbuñambuk akzawi, mianğöra qesigetka miri engimei, mönö mianğoreñök mala nup memba taon mi mosöta köna anme. 12 Miri kunöñ öngöba luainöñ yembuk ahömapkö jime. 13 Mi jigetka luainini anğon kölmeanğö dop akze ewö, luaininan mönö yeñğö qakñine öngömapmö, mi anğon kölmeanğö dop qahö akze ewö, luaininan mönö lilingöba nanñine kama.

14 **“Anda mala miri kunöñ angotketka qahö köl öröm engiba keuñini qahö mötketka nesampurekñini mönö kewö jiba kondel engime, ‘Nini engö gölmenöñ kainga sölbuham köna tambönine mekötahözawi, mi mönö tim tönjöraringa nanñine lilingöba gema.’ Mewö jiba ölop miri me taon mi mosöta toroqeba anme. 15 *Nöñon keu ölni kun kewö jibi mötme: Anutunöñ nalö ketançe qemasolokepñinangö likepñi melenñi taon mianğö qakñe öngömawi, dop mianğon mönö Sodom aka Gomora gölme yeñğö dop onğita toroqem engima.”* (Sodom Gomora yeñon bölöñi kanjamñambuk memba uruñini qahö melenğetka Anutunöñ könöpnöñ köndenğ engiyök.) Mewö.

*Anda nup megetka sesewerowero asuhuma.
Mak 13.9-13; Luk 21.12-17*

16 **“Mötket, lama yeñon arökñangö kiam kalñi yeñğö sutñine gegetka luhuba engöhöbepuk, nöñon inñini mianğö tandök ewö melaim engibi anme.*

* **10:14:** Apo 13.51 * **10:15:** Mat 11.24; Jen 19.24-28 * **10:16:** Luk 10.3

Miangöra mönö mokoleŋ † ewö mötkutukutu qakŋe galöm mem aŋguba mala kembö ewö ambazip böñjöŋi köpösihitkö keuŋini qahö malme.

17 *Ambazipnöŋ iŋini öröba keu jakeŋine al eŋgiba köuluk miriŋine keu nupŋini memba ihilek wahinambuknöŋ tauköm eŋgime. Miangöra ambazip mewöŋi yeŋgöra mönö galöm mem aŋguba malme.

18 “Tosatŋan nöŋgöra aka eŋguanŋitketka kantriŋi kantriŋi yeŋgö kiŋ kembu aka premiö yeŋgö jemesoholŋine kinme. Mewö kinda nöŋgö könaŋamni naŋgöba jigetka azi ipŋi mi aka kian kantri könaŋesö yeŋön mi mötme. 19 Mi mötmemö, keu jakeŋe al eŋgigetka kinmei, nalö miangöreŋ wani keuya denöwö jibinak, miangö waimanjatŋi kude mötme. Keu jime, mi Uŋa Töröŋan aua miangöreŋök eŋgima. 20 Nanŋine uruŋineyök keu kude jimemö, Iwiŋinaŋgö Uŋa Töröŋan mönö uruŋini sölölohöiga keu jime.

21 * “Urumeleŋgö kopa kunöŋ darumunŋan uruŋi melenö-haŋgöra aka i mamalolo meiga keu jakeŋe algetka qeget kömuma. Mewöyök iwi kunöŋ nahönböratŋi mamalolo meiga kömuma aka nahönbörat yeŋön iwinamurupŋini qetal eŋgiba jigetka eŋguget kömume. 22 *Nöŋgö qetnaŋgöra aka kantriŋi kantriŋi yeŋön körek kazik al eŋgigetka

† **10:16:** Mokoleŋ aka raskol yeŋön aukŋe bim qegetka zilaŋ miwikŋaiba jöhöm eŋgibeak. Miangö dop lömböribapuköra gwarek neŋön maslim, komyunist aka tosatŋi yeŋgö sutŋine qetnini misi-nari mi aukŋe qahö jimakzin. Mötkutukutu mi ölöpŋi. * **10:17:**

Mak 13.9-11; Luk 12.11-12; 21.12-15 * **10:21:** Mak 13.12; Luk 21.16 * **10:22:** Mat 24.9, 13; Mak 13.13; Luk 21.17

malmemö, kunñan kapan köla nalö tekömawanğö dop köhöiba böñ qeba kinmawi, yanñon mönö oyaenköyaen buña qem anğuma.

²³ “Taon kunöñ sesewerowero ak enğime, mi mönö kök ala taon kunñan anme. Nöñön keu ölni kun kewö jibi mötme: Inini Israel taonñi taonñi qahö liliköm tekögetka Suep gölmegö azi ölnan mönö lilingöba kama. ²⁴ *Gwarek kunñan böhiñi onğita mötmötñambuk qahö akza aka welenqeçe kunñan ketañamñi onğita nupkö mötmöt qahö memba malja.

²⁵ *“Gwareknöñ böhiñi ewö mötmötñambuk aiga dop kölma aka welenqeçenöñ ketañamñi ewö nupkö mötmöt memba maliga dop kölma. Miri uruñi kungö saiwa galömñi jim böliba qetñi Katakömulat † qetket ewö, yanğö saiwaurupñi yeñğö qetñini mönö amqeba awamñanök mewö qerakñe.” Mewö.

Dagöra keñğötñini mötketka dop kölma?

Luk 12.2-7

²⁶ *“Ambazipnöñ yuai önun meget ahözawi, mi pakpak mönö lulungetka aukñe ahuma. Mewöñanök keu asambötket ahözawi, mi pakpak mönö indelgetka möt kutume. Mianğöra ambazip yeñğöra keñğötñini kude möta malme. ²⁷ Nöñön keu söñaupnöñ ölöñ jimami, mi mönö asakñe

* **10:24:** Luk 6.40; Jon 13.16; 15.20 * **10:25:** Mat 9.34; 12.24; Mak 3.22; Luk 11.15 † **10:25:** Juda yeñğöreñ Katakömulat qetñi Belzebul. Mi ömewöröme yeñğö ketañamñini. Matyu 9.34 mianğöreñ Jisösgöra qet bölöñi mi qetket. Mianğö dop Jisösgö alaurupñi neñğöra qet bölöñi könañi könañi qerakñe. * **10:26:** Mak 4.22; Luk 8.17

jime. Keu sanjep algetka kezapņine gei mōtmei, mi mōnō sombemnōņ aukņe jime. Mianģōra mōnō keunjanģō galōm memba malme.”

Dagōra keņģōtnini mōringa dop kōlma.

²⁸ “Tosatņan silenini qem kōmumbeakmō, uņaņini qem kōmumbingō osime, yengōra keņģōtņini kude mōta malme. Mi qahōpmō, yuai mutukņi ki: Kunņan kukōsum memba uņa aka sile mohot ayuhum etkiiga kōnōp sianōņ gemahori, yaņģōra mōnō keņģōtņini mōta malme. ²⁹ Tosatņan bekōsōm (jōjōrōm, ulisit) yahōt moneņ kōtņi mohot-tōpnōņ sōņģōrōņi memegōra alakzemō, etkerigetka Iwiņinan oņ qahō jūiga yetkōreņōk mohotnōņ gōlmenōņ qahō etma.

³⁰ “Anutunōņ kōyan kōl eņgiba nōrōp juņņini pakpak mewōyōk oyoņ tekōba jaņģōņini mōtza. ³¹ Ambazip eņģō sōņģōrōņini mi bekōsōm ulisit gwōtpuk eņģoņgita oņģōņģōņi akza. Mianģōra keņģōtņini mōnō kude mōta malme.” Mewō.

Kraist jim miwikņaime me qaņ kōlme?

Luk 12.8-9

³² “Mewō aiga kunņan ni ambazip jeņine jim miwikņaim niņģimawi, nōņōn mōnō mewōņanōk i Iwini Suep mire maljawaņģō jeņe jim miwikņaimam. ³³ *Mewōmō, kunņan ni ambazip jeņine qaņ kōl niņģimawi, nōņōn mōnō mewōņanōk Iwini Suep mire maljawaņģō jeņe qaņ kōlmam.” Mewō.

Jisōsgōra luai qahōpmō, kazik asuhuma.

Luk 12.51-53; Luk 14.26-27

* **10:33:** 2 Tim 2.12

³⁴ Jisösnöj toroqeba kewö jiyök, “Kewö kude mötmörime: Jisösnöj luai qemangöra aka gölmenöj erök. Nöjön luai qemangöra qahöpmö, nöngöra aka jula dengetka bimgö sou ketanjan aume.

³⁵ **“Mi kewögöra jizal: Nöngö Buja keunan ambazip uruñini kuñgui melengerangöra kewö asuhuma, ‘Iwi morö yetkôn jula kerök-kerök ahotka nam morö yetkôn tötal anguyohotka iranñan iranñi qetala julmahot. ³⁶ Ambazip nanñini saiwaurupñinan mönö kerökurupñini akje.’*

³⁷ “Kunñan ni göragöra al niñgiba iwiñi me namñi jegep ala jöpakömawi, yañön mönö nöngöreñ qahö dop kölma. Kunñan ni göragöra al niñgiba nahönñi me böratñi jegepñe ala jöpakömawi, yañön mönö nöngöreñ qahö dop kölma. ³⁸ *Sisitñini megetka kunñan ni nuatangöba sihimbölö möta maripomnöj kömumangö qahö jöjörömawi, yañön mönö nöngöreñ qahö dop kölma.

³⁹ **“Kunñan nanñi malmal siyoñsayoñi qahö mi miwikñaimawi, yañö malmalñan mönö sohoma. Kunñan nöngöra aka malmalñi köleñniga sohomawi, yañön mönö oyaenköyaen malmal miwikñaima.” Mewö.*

Anutunöj nupñinangö töwanñi engima.

Mak 9.41

⁴⁰ *Jisösnöj jiyök, “Kunñan inñini miriñe köl öröba köyan köl engimawi, yañön mönö ni köl öröm niñgima. Kunñan ni köl öröm niñgimawi,

* **10:35:** Mai 7.6 * **10:38:** Mat 16.24; Mak 8.34; Luk 9.23

* **10:39:** Mat 16.25; Mak 8.35; Luk 9.24; 17.33; Jon 12.25 * **10:40:** Mak 9.37; Luk 9.48; 10.16; Jon 13.20

yañön melaim niñgiyöhi, mönö i miriñe köl öröm wañgima. ⁴¹ Kunñan kezapqetok ambazip kun kezapqetok nupñangöra aka miriñe köl öröba köyan kölmawi, yañön mönö kezapqetok ambazipkö töwañi buña qem añguma. Kunñan ambazip solanñi kun solanñi akzawañgöra aka miriñe köl öröba köyan kölmawi, yañön mönö ambazip solanñangö töwañi buña qem añguma.

⁴² “Kunñan morö kienğöreñök kungöra nöñgö gwarekni akzawañgöra aka o amöñti qambiñambuk nemapköra wañgimawi, Anutunöñ mönö mianğö töwañi melenđa wañgima. Nöñön keu ölñi kun kewö jibi mötme: Nañgöm engimei, mienñön mönö töwa meme.” Mewö.

11

Jongö gwarekyahötñi Jisösgöreñ kayohot.

Luk 7.18-35

¹ Jisösnöñ gwarekurupñi 12 keu mewö kusum engii teköiga miri mi mosöta toroqeba Galili prowinsgö taon tosatñe anda Buña keu kusum engiba mianñön uruñini kuñguba malök.

² Nalö mianğöreñ Jon O-melun azinöñ kösö mire tata Kraistnöñ nup mewö meyöhi, mi möta gwarekyahötñi melaim etkii Jisösgöreñ anohot. ³ Kewö qesim wañgimahotköra melaim etkii anda jiyohot, “Mem ölöwak azi kamapköra mambörakzini, göñön mia akzan me azi kun bian kamapköra mambötpin?”

⁴ Mewö qesim wañgiyohotka kewö melenñök, “Yuai eka mötzahori, mianğö kösohotñi mönö

anda Jon kewö jiyohot mötma: ⁵ *Jegömöl yeñön jeñini uba eketka lokon yeñön köna anda kagetka uzikuku yeñön solanigetka kezapduhup yeñön keu mötketka kömuget yeñön guliba wahötketka etqeçeni yeñgöra Ölöwak Buña jim asaribiga mörakze. ⁶ Mewö asuhui eketka kungö uruñan qahö bölü andö nuñgumawi, yañön mönö simbawoñ akza.”

⁷ Mewö jiiga Jongö gwarek yetkön anohotka Jisösnöñ könahiba Jongö könañi ambazip kambu yeñgöra kewö jim asariyök, “Inini gölme qararañkölkölne miangören wania ekingöra anget? Luhutnöñ jehot uwutapköba metali anjanbanjan ahakzawi, inini azi mewöñi ekingöra anget me? ⁸ Me wanat yuaia ekingöra anget? Azi malukuñi aködamunñambuk löngöta malöhi, mi ekingöra me? Mötket, ambazip malukuñini eksihimñinambuk löngörakzei, miñön mönö kiñ yeñgö jakömbuak miriñine malje. Mi gölme qararañkölkölne qahö.

⁹ “Me wanat yuaia ekingöra anget? Kezapqetok azi kun ekingöra me? Öña, nöñön kewö jibi mötket: Azi ekeri, yañön mönö kezapqetok ambazip pakpak eñgoñgita tandökñi kun akza. ¹⁰ *Yañgö könañi mi mönöwök kewö ohoget ahöza, ‘Mötnöñ, nöñön kolekni garata kun melaibiga qeljiñe anda ambazip uruñini mindiñgöba göhö könañi mesariga göñön mönö yañgö andöñe gölmenöñ emu geman.’

¹¹ “Keu mewö ahözapmö, nöñön keu öñi kun kewö jibi mötket: Ambinöhök morö pakpak

* **11:5:** Ais 35.5-6; 61.1 * **11:10:** Mal 3.1

asuhugeri, yengö sutñine Jonöñ mönö körek enğonğita qetbuñañambuk kinja. Kinjapmö, Suepkö bemtohoñ uruñe aņgota Anutugö qetbuñañi miwikñaimakzei, yengö sutñine eretñi kondikñi yañön mönö Jon oņgitza.

12 *“Jon O-melun azinöñ Buña keu jiiga nalö miangörenök könahiba Suepkö bemtohoñi könöpñambuk tuarenjoñ aka yarö gilakzemö, töndup ösumñan anda qarimakza. Könöpñinambuk yarö gilakzeañön mönö bemtohoñ mi nanñinañğora öröba buña qem aņgumakze. 13 Bemtohoñgö könañi mi Mosesğoreñ Köna keunöñ aka kezapqetok ambazip körek yengö Buzup Kimbiñine ohogetka oyoñda mala koringa Jonöñ asuhuba öñi aukñe indelök. 14 *Keu ki möt aņğön kölbingö mötze ewö, Elaija (Elia) asuhumawañgö dop ahöhi, Jonöñ mönö mia akza. 15 Kunñan urukezapñambuk maljawı, yañön mönö keu mi kezap ala möt kutuma.

16 “Ambazip merak gölmenöñ maljei, mi mönö wanatpuk dop al enğibileñak? Yeñön namande ewö akze. Mienñön maket sombemnöñ tata keu gön gila lañ qeta kewö jimakze,

17 ‘Nini awölop uinga iñini liñet gwawet qahö unduget. Nini jıñgeñ kölinga iñini qahö toroqeba sahötket.’

18 “Miangö könañi kewö: Jon O-melun azinöñ kaba nene siñgi mala wain o qahö neiga yañğora jimakze, ‘Öme kunöñ uruñe geiga malja.’

* 11:12: Luk 16.16 * 11:14: Mal 4.5; Mat 17.10-13; Mak 9.11-13

19 “Suep gölmegö azi ölnan kaba nene nem söngaip aiga yangöra kewö jimakze, ‘Mötket, yanön bau numbu tandök közöjeriba wain o gwötpuk namba takis tilipqilipninambuk aka bölöni meme yengö alanina malja!’ Anutugö mötkutukutu köl gulimakzei, yengö ahakmemenaningö ölnan mönö mötkutukutu-ninan dop köljawı, mi kondelakza.” Mewö.

Jisösnöy taon 3 yengöra Yei wösöbirik! jiyök.

Luk 10.12-15

20 Miangö andöne Jisösnöy könahiba taon tosatni tembul engiyök. Taon tosatni miengören angöletotni kukösumninambuk sehisehini meiga asuhugetmö, töndup urunini qahö melenget. Miangöra i tembula kewö jim engiyök, ²¹ **“O Korazin toni, nöñön engöra Yei! jiba sahötzal aka Betsaida toni, engöra mewöyök Yei! jiba sahötzal. Nöñön yengören anbiga keuni jibi sösönihii angöletotni kukösumninambuk asuhugetmö, urunini töndup qahö melenget. Angöletot mi kian gölmenöy Taiö aka Saidon sitinöy asuhubeak ewö, yanön mönö nalö köröpni urunini melenbingö kaisöpsöpni kondela dodohonöy angömiriba kau ariba sahötpeak.*

22 *“Sahötpeakmö, nöñön kewö jibi mötme: Anutunöy könangep Korazin aka Betsaida yengö keunini jim teköba likepni meleni sihimbölä mötmei, nalö ketani miangören mi mönö Taiö aka Saidon yengö sihimbölä dopni ongita mötme.*

* **11:21:** Ais 23.1-18; Eze 26.1-28.26; Joel 3.4-8; Amos 1.9-10; Zek 9.2-4

23 **“Aka Kaperneam tonji, Anutunöŋ inini ölöp mem wahöt enġii Suep mire öŋgöbeak me qahöpto? Qahöpmahöp! Inini mönö kömupkö senjom mire kölöhoba geme. Nöŋön yeŋgöreŋ anbiga keuni jibi sösonii aŋgöletotni kukösumŋinambuk asuhugetmö, uruŋini töndup qahö melenget. Aŋgöletot mi Sodom taonöŋ asuhubeak ewö, taon miaŋön mönö nalö kewöŋe mewöyök toroqeba kinbawak.*

24 **“Kinbawakmö, nöŋön kewö jibi mötme: Anutunöŋ könaŋgep Kaperneam enġö keuŋini jim teköba likepŋi melenġni sihimbölö mötmei, nalö ketanji miaŋgöreŋ mi mönö Sodom gölme yeŋgö sihimbölö dopŋi oŋgita mötme.” Mewö.*

Lömbötŋinambuk enġön mönö nöŋgöreŋ kaba luhut meget.

Luk 10.21-22

25 Nalö miaŋgöreŋ Jisösnöŋ keu kewö jiyök, “O Iwini, göŋön Buŋa keugi mötkutukutu ambazip mötmöt ketanji megeri, yeŋgöreŋ asambötnöŋmö, ambazip nahönbörat ewö nannjanŋöra mötketka gukmaulem akzei, mi mönö yeŋgöreŋ indelnöŋga möt asarize. Miaŋgöra nöŋön Suep gölmegö Kembuŋi gi möpöseim gihizal. 26 O Iwini, gi nangak mewö asuhumapköra mötnöŋ dop köli ölöwahök.

27 **“Iwinan mönö yuai pakpak jim kutuiga nöŋgö buŋaya ahök. Iwinan Nahönŋaŋgö könaŋi nanjök möt yaköiga kunöŋ mi qahö mötza. Mewöyök Nahönŋan Iwiŋaŋgö könaŋi möt yaköiga kunŋan mi qahö mötza. Mewöyök kunŋan*

* **11:23:** Ais 14.13-15; Jen 19.24-28 * **11:24:** Mat 10.15; Luk 10.12 * **11:27:** Jon 3.35; 1.18; 10.15

Iwinaŋgö könaŋi qahö möt yaköiga Nahönŋanök mi mötza aka ambazip möwölöhöm enġiba yeŋgöra mi indelmawi, yeŋön mönö Iwi möt waŋgime.

²⁸ “Nup memba urulömbötŋinambuk maljei, iŋini mönö körek nöŋgöreŋ kaġetka uruawam enġibi luhut meme. ²⁹ *Nöŋgö temni mönö awötŋine ala aŋguġetka Buŋani kusum enġibi mi möt soroköba malme. Nöŋön uruni memba et ala ġuŋböŋjönjön azia akzalaŋgöra ölöp uruawam enġibi luhut mi-wikŋaime. ³⁰ Nöŋgö temni meġet aŋġuinga dopŋine akza aiga lömböt enġibi bisime, mianŋön mönö awamŋi akza.” Mewö.

12

Jisösnöŋ Sabat kendongö Kembuŋi akza.

Mak 2.23-28; Luk 6.1-5

¹ *Miaŋgö andöŋe Sabat kendon kunöŋ Jisösnöŋ wit padi nup köröŋi ketanŋi kutuba anök. Aniga ġwarekrupŋan wösöŋini enġuiga wit ölnŋi mohot mohot könaħiba böröŋinan misiba neġet. ² Neġetmö, Farisi (Köna keuġö kapaŋkölköl) tosatŋan mi eka Jisös kewö ġiget mörök, “Mötnöŋ, göhö ġwarekurupkan mönö Sabat kendongö nup meme soŋgoŋi oŋġitze?”

³ *Mewö ġigetka kewö meleŋnök, “Kiŋ Dei-widnöŋ yarö aziurupŋi yembuk liliköba wösöŋini enġuiga yuai akeri, mi lök oyonġet me qahö?”

⁴ *Yaŋön mönö Anutugö opo seri ġikenöŋ öŋgöba beret kömbukŋi Anutugö jemesoholŋe altanöŋ alġet tariga ösumŋan walöŋniga qekögeri, mi mönö

* **11:29:** Jer 6.16 * **12:1:** Dut 23.25 * **12:3:** 1 Sml 21.1-6

* **12:4:** Lew 24.9

meiga neget. Beret kömbukñi mosötmosötñi mi jike nup galöm yeñönök nezema. Yañön aka yañgö sunğurumurupñan mi nembepuköra sonğo ahöyökmö, mi töndup neget. ⁵ *Mewöñanök jike nup galöm yeñön Sabat kendonöñ jöwöwöl jikenöñ kinda nup memba nup memegö sonğonji onğita töndup keuninambuk qahö ahakze. Keu mi Köna keunöñ oyonget me qahö?

⁶ “Mi oyonget, mewö mötzalmö, nöñön kewö jibi mötme: Ki kinjawi, yañön mönö jöwöwöl jike onğita öngöñgöñi akza. ⁷ *Buña Kimbigö keu kun kewö ahöza, ‘Nöñön jöwöwöl ohomegöra qahöpmö, sutñine ak kömum anğumegöra mötzal.’ İñini keu mianğö könañi mötpeak ewö, ambazip pinjtkö keunini qahö neñgö keunini mönö lañ qahö jim teköbeak.

⁸ “Mi kewögöra jizal: Suep gölmegö azi ölñan mönö Sabat kendongö Kembuñi akza.” Mewö.

Jisösnöñ azi böröñi sösröngöñi mem ölöwahök.

Mak 3.1-6; Luk 6.6-11

⁹ Jisösnöñ miri mi mosöta köuluk miriñine öngöyök. ¹⁰ Mianğöreñ azi böröñi sosoholiñi kun tarök. Ambazipnöñ Jisös keu jakeñe al wañgibingöra kewö qesim wañgiget, “Azi Sabat kendonöñ möhamgöba Köna keu onğitpin me qahö?”

¹¹ *Qesim wañgigetka kewö melenök, “Enğöreñök dañön kewö akza: Azi kungö lamanji mohok-kunñan Sabat kendonöñ lömnöñ gema ewö, yañön mi qahö memba öröiga kotma?

* **12:5:** Jan 28.9-10 * **12:7:** Mat 9.13; Hos 6.6 * **12:11:** Luk 14.5

¹² Azigö bohonjan mönö lamagö bohonji gwötpuk ongitzawi, mönö mi mötmörime. Mianğöra Sabat kendonöñ nup ölopñi memba mewö Köna keu qahö ongitpin.”

¹³ Mewö melenja azi mianğö jiyök, “Gi mönö börögi qötöteinöñ.” Mewö jiiga qötöteiiga mutuk ahöhi, mianğö dop ölöwaka böröñi alañğö dop ahök. ¹⁴ Mewö asuhuiga Farisi (Köna keugö kapanğölköl) yeñön yaigep anda totoko ala Jisös denöwö aka qein kömumapkö keu jim jaruget. Mewö.

Anutugö nup meme azi tök-kutukutuñi kewö:

¹⁵ Jisösnöñ keuñini mi ek kutuba mianğöreñök miri mi mosöta kungen anök. Aniga gwötpukñan yangö andöñe wuatangöba angetka yeñgö sutñine kawöl ambazip pakpak mem ölöwak engiyök. ¹⁶ Mi mem ölöwak engiba könani aukñe jibepuköra köhöikñanök qetal engiyök. ¹⁷ Mewö aiga Anutunöñ kezapqetok azi Aisaia sölölohöiga keu kun jiyöhi, mianñön mönö mewö öljambuk ahök. Keu mi kewö jii ahöza,

¹⁸ **“Eket, ki mönö nöngö nup azini aiga i möwölöhöm wangial. Nöñön wölböt alani yangöra mötpi ölöwahiga urunan yangöra söngaimakzal. Nöñön Uñani Töröñi yangö uruñi dop kölmapköra melaibi geiga yanñön keu diñdiñanök jim tekömakzalañgö Buñani indela jim sehiiga kantriñi kantriñi yeñgöreñ anma.*

* **12:18:** Ais 42.1-4

- 19 Yanjön anğururuk qahö aka keu töhöreñ qahö qer-akña. Ambazip kunñan yanğö qet kourukñi mi rowoñqeçe könanöñ qahö mötma.
- 20 Jehot qölökögeri, yanjön mi qahö qesiñma.
* Lambegö wikñan jem kutuba sanjöp aiga bölamñan jem bökbök ahakzawi, yanjön mönö mi qahö qömbököma. Mewö nupñi memba ambazipnöñ keu diñdiñi wuatangömegöra bim qeba maliga keu mianjön luhut aliga köirañ alme.
- 21 Kantriñi kantriñi yeñön mönö yanjön bauköm eñgimapköra mamböta jörömqörömqini yanğö qetne ala malme.” Mewö.

Jisösnöñ öme yeñgö ösumñini oñgita qei etza.

Mak 3.20-30; Luk 11.14-23

22 Ömenöñ azi kun töñöt aka numbuñi jöhöiga jeñan gömölii mötök malöhi, mi wañgita Jisösgöreñ kaget. Jisösnöñ i mem ölöwahiga ömeñan kota mosöri nesilamñan lolohoiga kunbuk keu jiba uba ehök. 23 Uba ehiga ambazip kambu pakpak yeñön mi eka auruba Jisösgöra jiget, “Azi kianjön mönö Deiwidkö gwölönarökñi akza me?”

24 *Mewö jigetmö, Farisi (Köna keugö kapañkölköl) yeñön mi möta kewö jiget, “Azi kianjön kungö ösumnöñ qahöpmö, öme yeñgö Kembuñini Katakömulat yanğö ösumnöñ ömewöröme eñgutañgömakza.”

* **12:20:** Jehot aka lambegö wikñi mi ambazipköra jiza. Ambazipnöñ kun qeba jañgauranga ak wañgigetka mötnariñan pömsöm qemapkö akzawi, Jisösnöñ i mem ölöwakña. * **12:24:** Mat 9.34; 10.25

²⁵ Mewö jigetmö, Jisösnöŋ urumötmötŋini möt teköba kewö jii mötket, “Kāntri denike yeŋgö galömurupŋinan sutŋine aŋgururuk aka julmei, yeŋön mönö ayuhum aŋgugetka kantriŋinan böliba sahopŋanök aka qeqelanŋaŋ ahöma. Mewöyök siti me miri kungö könagesö yeŋön sutŋine aŋgururuk aka julmei, yeŋön mönö galömkölköl nupŋini memba kinbingö osime.

²⁶ “Mötket, Satanöŋ mönö alaŋi Satan kun wu-ataŋgöbawak ewö, yeŋön mönö sutŋine aŋgururuk aka julbeak. Mewö aiga gawman nupŋini membingö osigetka ömetohöŋinan mönö denöwö kinbawak?

²⁷ “Mötket, nöŋön Katakömulatkö ösumnöŋ ömewöröme közöl eŋgibileŋak ewö, eŋgö alaurupŋinan mönö dagö ösumnöŋ mi közöl eŋgibeak? Miaŋgöra yeŋön mönö keuŋini ölni me qahö, mi kewöta jim teköme. † ²⁸ Mi jim tekömemö, Anutugö ösumŋan nöŋgö börö kesötni sölölohöi öme eŋguataŋgömakzal ewö, Anutugö bem-tohoŋan mönö eŋgöreŋ kam kuŋguza. ²⁹ Kunŋan azi köhöikŋaŋgö köna böröŋi mutuk qahö jöhöma ewö, yaŋön mönö denöwö miriŋe öŋgöba qezaŋda sukinapŋi membawak? Mutuk i jöhöi tarigun mönö ölop miriŋeyök öröyuaiŋi pakpak waŋgita memba anma. (Miaŋgö dop nöŋön mewöyök Satan jöhöba andöŋe ömeŋi eŋguataŋgömakzal.)

³⁰ *[“]Kunŋan nömbuk qahö maljawi, yaŋön

† **12:27:** Nanŋini silegalömurupŋinan Anutugö qetŋi öme mi Katakömulatkö kukösumnöŋ közöl eŋgigetka nöŋön mi Anutugö ösumnöŋ közöl eŋgimakzal. Öroröŋ qahö kinjinaŋgöra daŋön keu muneŋi wuataŋgömakza? Yeŋön me nöŋön? * **12:30:** Mak 9.40

mönö qetal niŋgimakza. Kunŋan ambazip nönğö qetne tokomeğöra qahö öröm enğimakzawi, yaŋön mönö menden enğimakza. ³¹ Mianğöra nönön keu kun kewö jibi mötme: Ambazip siŋgisöndok aka mepaqepaik pakpak ahakzei, mi Anutunöŋ ölop mosörakzadmö, kunŋan Uŋa Töröŋi ilita mepaikömawi, mianğö siŋgisöndokŋi Anutunöŋ mönö nalö kunöŋ qahö mosötma. Saumbaŋ!

³² **“Kunŋan Suep gölmegö azi ölni qetala keu jima ewö, Anutunöŋ mi ölop mosötmapmö, kunŋan Uŋa Töröŋi qetala keu yuai jimawi, yaŋğö siŋgisöndokŋi mi Anutunöŋ gölmenöŋ malmawaŋğö dop me kömup andöŋe mianğören qahö mosötma.”*

Ipkö könaŋi mi ölni eka kewöta möt kutume.

Luk 6.43-45

³³ **“Ipkö könaŋi mi ölni eka kewöta mötzin. Mianğöra mönö ip galöm kölgetka ölöwaka ölni ölopŋi kuŋgumakŋa me ip mem böligetka ölni bölöŋi kuŋgumakŋa. ³⁴ *Azi uruŋan yuai kokolak qei ahözawi, mia mönö numbuŋan aukŋe jimakza. Mianğöra qatögö moröŋi injini, nanŋinak bölöŋi aka mönö denöwö keu ölopŋi jibeak? ³⁵ Azi ölopŋaŋğö uru köweŋe ölopŋaŋğö möriamŋi ahözawi, yaŋön mönö ölopŋi mi aukŋeyök jimakza. Azi bölöŋaŋğö uru köweŋe bölöŋaŋğö möriamŋi ahözawi, yaŋön mönö bölöŋi mi aukŋe jimakza.*

³⁶ **“Mewö jimakzadmö, nönön keu ölni kun kewö jibi mötme: Ambazipnöŋ soŋgo walöŋda keu jit omaŋi omaŋi jimei, yeŋön mönö keu pakpak*

* **12:32:** Luk 12.10 * **12:33:** Mat 7.20; Luk 6.44 * **12:34:** Mat 3.7; 23.33; 15.18; Luk 3.7; 6.45

miaᅅgö könaᅅi mi jimtekötekögö nalö ketane Anutugöra jim asarigetka kewötma. ³⁷ Miaᅅgö könaᅅi kewö: Anutunöᅅ mönö keu jitki kewöta miaᅅgö dopkeugi jim teköi solaniman me keugabuk aka lömböt miwikᅅaiman.” Mewö.

Böhi tosatᅅan aᅅgöletoköra kapaᅅ köla uletket.

Mak 8.11-12; Luk 11.29-32

³⁸ *Nalö miaᅅgöreᅅ Farisi (Köna keugö kapaᅅkölköl) aka Köna keugö böhi tosatᅅan Jisösgöra kewö jiget, “Böhi, gi ölop aᅅgöletot kun menöᅅga mi ekingö mötzin.”

³⁹ *Mewö jigetka kewö melenᅅ eᅅgiyök, “Ambazip merak gölmenöᅅ maljei, mi kambu bölöᅅi aka serowilin ahakze. Yeᅅön Anutugö aiwesökᅅaᅅgöra kapaᅅ kölakzemö, aiwesök kun kezapqetok azi Jonagöra lök asuhuyök. Anutunöᅅ aiwesök murutᅅi kun qahö al eᅅgima. ⁴⁰ *Jonanöᅅ suᅅgem silimᅅi karöbut köwet sömbupkö (gajugaju) gölöᅅᅅe malöhi, miaᅅgö dop Suep gölmegö azi öᅅᅅan mewöyök suᅅgem asak karöbutkö dop gölme uruᅅe ahöma.

⁴¹ *“Jonanöᅅ Niniwe ambazip sutᅅine anda Anutugö keunöᅅ uruᅅini kuᅅgui möta miaᅅgöreᅅök uruᅅini melenᅅgetmö, mötket, nöᅅön sutᅅine asuᅅuba kinda Jonagö ahakmemenᅅi oᅅgita ahakzal. Mewö ahakzalmö, iᅅini töndup nesampurek ak niᅅgimakze. Miaᅅgöra Niniwe ambazipnöᅅ jimtekötekögö nalö ketane ambazip kambu ki kinjei, embuk öröröᅅ kömupnöᅅök

* **12:38:** Mat 16.1; Mak 8.11; Luk 11.16 * **12:39:** Mat 16.4; Mak 8.12 * **12:40:** Jon 1.17 * **12:41:** Jon 3.5

wahöta engö qöhöröjine mohotje kinme. Mohotje kinda Niniwe yejön keu kewö engö silenine alme, 'Inini Suep gölmegö azi ölni nesampurek ak wanğigetka Anutunöŋ likepni melenj engii sihimbölö öngöngöŋi mötme.' Niniwe yejön mewö jigetka ahakmemeninan nanjini könaŋamjini indelgetka gamuŋini mötme.

42 *“Könaŋamjinaŋgö kaisöpsöpni kun kewö: Anutunöŋ mönöwök mötkutukutu öngöngöŋi ketanji mi kiŋ Solomon wanğiga Saut görökenök kantri kungö qin ambinöŋ Solomongö mötkutukutuŋi mötmamgö sihimni mörök. Sihimni möta gölme göraŋeyök wahöta köna köröp tiŋtiŋi kaba mala Solomongö mötmötŋi mörök.

“Mi mörökmö, mötket, nalö kewöje nöjön sutjine asuhuba kinda Anutugöreŋ mötkutukutu öngöngöŋi memba kazali, mi Solomongö mötkutukutuŋi oŋgitza. Oŋgitzapmö, injini töndup nesampurek ak niŋgiba tönpin kingetka qahö dop kölja. Miaŋgöra Anutunöŋ könaŋep ambazip körek pakpak öröm engii keuŋini jim tekömapköra jeŋe aŋgotmei, nalö miaŋgöreŋ Saut kantrigö qin ambi miaŋön mönö mewöyök aŋgotma. Yaŋön ambazip kambu ki kinjei, embuk öröröŋ kömupnöhök wahöta engö qöhöröjine mohotje kinma. Mohotje kinda keu kewö engö silenine alme, 'Inini Jisös nesampurek ak wanğigetka Anutunöŋ likepni melenj engii sihimbölö öngöngöŋi mötme.' Yaŋön mewö jüga silikni kewöta nanjinaŋgöra gamuŋini mötme.” Mewö.

* **12:42:** 1 Kiŋ 10.1-10; 2 Hist 9.1-12

Öme yeñön azi uruñe lilingöbingö kapan kölje.

Luk 11.24-26

⁴³ “Ömenöñ azi uruñeyök kota gölme qararañkölkölñe anda lañ liliköba mala luhut memangö miri jaruba kun qahö miwikñaima.

⁴⁴ Mi qahö miwikñaiba osiba kewö jima, ‘Mirini mosöta kazali, miangören mönö kunbuk lilingömam.’ Mewö jiba lilingöba miriñi usuñda meñölöi ahöyöhi, mi gwamönñi ahöi miwikñaima.

⁴⁵ “Mewö miwikñaiba anda öme tosatñi 7 enğuaņgitma. Öme 7 mi nannñi oņgita bölöñi kötökñi akze. Yañön mi enğuaņgiriga kaba miri mi öngöba miangö uruñe malme. Mewö aiga azi miangö könanñi mutuk kilenkilen ahökmö, könanğep bölöqölim teköma. Ambazip kambu bölöñi ki merak gölmenöñ maljei, enğören mewöyök mewö asuhuma.” Mewö.

Jisösgö nam-munurupñi

Mak 3.31-35; Luk 8.19-21

⁴⁶ Jisösnöñ toroqeba ambazip kambu yeñgöra keu jiba maliga nam-munñan kaba yaigep kinda yambuk keu jibingö mötket. ⁴⁷ Mötketka kunñan kewö jii mörök, “Mötnöñ, göhö nam-mungan mönö yaigep kinda göbuk keu jibingö mötze.”

⁴⁸ Keu mi jii mörökmö, yañgöra melenđa kewö jiyök, “Nöñgö namni dañön? Nöñgö munurupni mi dañön?” ⁴⁹ Mewö jiba böröñi gwarekurupñi yeñgören göröken borañda jiyök, “Eket, nöñgö namni aka munurupni öññi mönö ki.” ⁵⁰ Denike yeñön nöñgö Suep Iwinanğö jitsihitñi tem kölakzei, körek mienön mönö nöñgö namni aka nenmunurupni akze.” Mewö.

13

Qesinqesin azigö dopkeu.

Mak 4.1-9; Luk 8.4-8

¹ Nalö mianğöreñök Jisösnöñ miri mi mosöta o anğö jitne geba tarök. ² *Tariga ambazip kambulembenöñ yanğöreñ anda tokogetka wanğenöñ öngöba tarök. Tariga ambazip kambu pakpak yeñön anğö gorañe saknöñ tokoget.

³ Mewö tokogetka dopkeu gwötpuk jii mötketka kewö jiyök, “Mötket! Azi kunñan nene köñji qesin gilmangöra nupnöñ anök. ⁴ Anda qesin giliga köñji tosatñan köna jitne geba kölget. Geba kölgetka (warawen) neiñi neiñi kanğota mi nem teköget.

⁵ “Köñji tosatñan köt jamönjiñnöñ geba kölget. Geba köla mianğöreñ gölme gwötpuk qahö mi-wikñaiget. Gölme dutñi qahö ahöyöhangöra korapñi zilañ kotket. ⁶ Kotketmö, wehönöñ kota enguba jem kutum enğiiga jalöñini qahöpköra soholiba gororongöget.

⁷ “Köñji tosatñan siriuret wahiñinambuknöñ geba kölget. Geba kölgetka mienöñ kota qem turuba böbölohot mem engiget. ⁸ Mewö pömsöm qeyökmö, köñji tosatñan gölme ölopñe geba kölget. Geba köla tosatñi mienğö köñjini 100 asuhuget. Tosatñan köñjini 60, tosatñan 30 mianğö dop ahum sehiğet. ⁹ Kunñan urukezapñambuk malja ewö, yanön mönö dopkeu ki kezap ala möt kutuma.” Mewö.

Jisösnöñ wanigöra dopkeu jiyök.

Mak 4.10-12; Luk 8.9-10

* 13:2: Luk 5.1-3

¹⁰ Mewö jiiga gwarekurupñan kaba Jisös kewö qesim wanğiget, “Gi mönö wuanöngöra ambazip yeŋgö ‘Keu jimam,’ jiba dopkeunöŋ ala jimakzan?”

¹¹ Qesim wanğigetka kewö melenđa jiyök, “Mi kewögöra: Suepkö bemtohone anğota malbingö keu tölapñi mi enğöra aukne jibi möt kutuzemö, yeŋgöra mi mewö qahö.

¹² *“Mianğö könani kewö: Kunñan mötkutukutuñambuk maljawi, Anutunöŋ mönö mi toroqem wanğiiga köl guliba möriamñambuk malmapmö, kunñan mötkutukutuñi qahö maljawi, Anutunöŋ mönö mötmötñi moröñi ahözawi, mi mewöyök qeköba wanğitma.

¹³ “Ambazip yeŋgö keu jimam jiba kewögöra dopkeunöŋ ala jimakzal: Yeñön nanñini jeñinan yuai ekagun könani töndup qahö ek kutume. Nanñini kezapñinan keu törörök mötagun könani töndup qahö möt asarime. ¹⁴ *Kezapqetok azi Aisaianöŋ qeljine keu kun jiba ohoyöhi, mianñön ambazip mewöñi yeŋgöreñ ölnambuk ahakza. Keu mi kewö, ‘Keu möt bibihibagun könani töndup kude möt asarime. Yuai ek bibihibagun könani töndup kude ek kutume.

¹⁵ Ambazip kambu kiengö uruñinan mönö köhöikñi gwözöŋda ahöza. Kezapñinan keu möt bibihiba jeñini kömaziliköba (kömazilihiwa) malje. Mewö qahö akeak ewö, mönö jeñinan yuai ek kutuba kezapñinan keu möta uruñinan könani möt asariba uruñini melenğetka nöñön i ölop mem ölöwak enğibileñak.’

* **13:12:** Mat 25.29; Mak 4.25; Luk 8.18; 19.26

* **13:14:** Ais

16 **“Keu mewö ahözapmö, engö jeñinan yuai ek kutuzawañgöra mönö simbawoñ akze. Kezapñinan keu möt kutuzawañgöra mönö simbawoñ akze. 17 Nöñön keu öl töhöññi kun kewö jibi mötket: Kezapqetok ambazip aka Anutugöreñ ambazip solaññi gwötpukñan inini yuai ki ekzei, mi ekingö awöweñgöba malgetmö, qahö eket. Inini keu ki mötzei, yeñön mi mötpingö awöweñgöba malgetmö, qahö mötket.”* Mewö.

Jisösnöñ dopkeugö könañi jiyök.

Mak 4.13-20; Luk 8.11-15

18 *“Qesiñ gilgil azigö dopkeu jizali, miangö könañi mi kezap ala mötme. 19 Nene kötni qesiñ giliga köna jitñe geba kölöhi, mi kewö: Kunñan bemtohongö Buña keuñi möta könañi qahö möt asariiga Bölöñangö Toñan kaba uruñe kötni kömötkeri, mi qeköma. 20 Nene kötni qesiñniga köt jamönjiñnöñ geba kölöhi, mi ambazip söpsöpñi kun. Yeñön Buña keu möta mi miangöreñök sösongai qakñe möt angön kölakze.*

21 *“Mewö ahakzemö, uruñine jalöñi qahö ahöm engimapmö, nalö töröptökñi miyök kin köhöiba malme. Buña keugöra aka kahasililiñ me sesewerowero asuhuiga nalö miangöreñök mönö tala enguma. 22 Nene kötni qesiñniga siriuret wahinambuknöñ geba kölgeri, mi kewö: Yeñön Buña keu mötketka uruñine gezapmö, gölmenöñ malmalgö waimañjatñi aka moneñ inap memegö urukönöpñi ahuba lömbörim engimakza. Qetbuñañinambuk akingöra köpösöngögetka sihim kömbönañi bölöñi tosatñan mewöyök uruñine*

* **13:16:** Luk 10.23-24

dumgöba Buja keu böbölöhöt mem wanğize. Mewö aiga ölnjini qahö gilipitnji (ambetaknji) aknje.

²³ “Nene kötnji gölme ölöpnje qesijniga geba kölgeri, mi ambazip kewöni: Yenjon Buja keu kezap ala möta möt asariba pöndanj kinda ölnjini miwiknjaimakze. Tosatnan keu jit mohotnöhök kötnji 30 miwiknjaimakze. Tosatnan ölnjini 60, tosatnan keu köt mohot mohot miengö ölnjini 100 mem sehiba miwiknjaimakze.” Mewö.

Dorowetkö söpsöp keu

²⁴ Jisösnön söpsöp keu kun kewö jii mötket, “Suepkö bemtohoñangö könañi mi azi kewöñangö dop ala jimam. Yanjon nupnje anda nene kötnji ölöpnji qesij gilök. ²⁵ Qesij gilökmö, sunjem ahögetka mianğoreñ kerök azinan kaba wit padi sutnjine mianğoreñ dorowetkö kötnji qesij gila mosöta anök. ²⁶ Wit padi kötnjan jula wahöta öngöba ölnji asuhuyöhi, nalö mianğoreñ dorowetnöñ mewöyök auknje asuhuyök.

²⁷ “Mianjon auknje asuhuiga welenqeçeurupnan mi eka nup toñangöreñ kaba kewö jigetka mörök, ‘Ketanamnini, nupke nene köt ölöpnji qesij gilnön me qahö? Dorowetkö kötnji mi mönö denikeyök mianğoreñ geba asuhuza?’

²⁸ “Mewö jigetka möta kewö jii mötket, ‘Kerök azinön mi qesij gilök.’ Mewö jii möta welenqeçe yenjon kewö jiget, ‘Nini ölop anda dorowet mi qözöla tokobingö mötzan me qahö?’ ²⁹ Mewö jigetmö, kewö jii mötket, ‘Qahö! Inini dorowet qözöla tokoba mianğoreñ padi tosatnji mi mewöyök qözölbepuk.

30 “Mönö mosötketka mohotje qariba wahörohokun ölni meme nalöñan kam kuñguiga nalö mianğoreñ nöhön padi misimisi ambazip yengöra kewö jibi mötme: Mönö mutuk dorowet memba tokoba ohomegöra börungöba kösönöñ jöhöme. Mi jöhöbagun mönö wit padi ölni mi tokoba memba kaba nöhgö köwe mire alme.’” Mewö.

Nejoñ kötñangö dopkeu

Mak 4.30-32; Luk 13.18-19

³¹Jisösnöñ dopkeu kun kewö toroqeba jii mötket, “Suepkö bemtohoñi mi kewö: Azi kunñan nejoñ (nemuya) kötñi memba nanñe nup gölmeñe anda alök. ³²Kötñi mi morö közözömnji. Mi nene köt pakpak miengö eretñini akzapmö, jula wahöta yöha pakpak engoñgita qariba ip akña. Mewö aka kiniga könakemba neiñi neiñi kañgota aipñini ip mianğö böröñe alakze.” Mewö.

Yistkö dopkeu

Luk 13.20-21

³³Jisösnöñ dumñe kunbuk söpsöpkeu kun kewö jii mötket: “Suepkö bemtohoñi mi yist me flaua mem qariqarigö dop kewö akza: Ambi kunöñ ‘Beret ohomam,’ jiba yist memba flaua amae (dis) karöbut mianğoreñ mindiriba melenqeleñ aka anda anda tari körekñanök qariyök.” Mewö.

Jisösnöñ denöwögöra söpsöpkeuñi keuñi jiyök?

Mak 4.33-34

³⁴Jisösnöñ keu pakpak mi könagesö yengöra söpsöp keunöñ jiyök. Söpsöpkeu qahö mewö keu kun qahö jii mötket. ³⁵*Mewö aiga Anutunöñ

* 13:35: Sum 78.2

kezapqetok azi kun sölölöhöiga keu kun jiyöhi, mianjön öljambuk ahök. Yanjön keu mi kewö jii ahöza, “Nöngö numbunan mönö amqeiga söpsöp keunji keunji jimam. Anutunöŋ gölme miwikŋaiiga asuhuyöhi, nalö miangöreŋök keu tölapŋe ahöi mala korini, nöjön mönö keu mi aukŋe jim indel-mam.” Mewö.

Dorowetkö söpsöpkeugö könaŋi

³⁶ Jisösnöŋ söpsöp keu mi jim teköba ambazip kambu ketani enjömosöta miri uruŋe öngöyök. Öngöiga gwarekurupŋan yanjöreŋ kaba kewö qe-siba jiget, “Dorowet nene nupnöŋ asuhuyöhi, gi mönö söpsöp keu miangö könaŋi jim asarim nenjiman.”

³⁷ Mewö jigetka kewö melenäda jiyök, “Suep gölmegö azi öljän mönö nene kötnji ölöpnji ölöpnji qesiŋ gilakza. ³⁸ Nene nup mi gölmegö kantri pakpak. Nene kötnji ölöpnji mi bemtohongö nahönbörat enjöra jizal aka dorowet mi azi bölöŋangö nahönbörat yenjöra jizal. ³⁹ Keröknöŋ mi qesiŋ gilöhi, mi Bölöŋangö Toŋangöra jizal. Padi misimisi nalöŋi mi gölmegö nalöŋan tekömawanöŋö nalö ketani mi. Padi misimisi ambazip mi Suep garata yenjöra jizal.

⁴⁰ “Dorowet tokoba könöpnöŋ ohoget jemawi, miangö dop mönö gölmegö nalöŋan tekömawanöŋö nalö ketane asuhuma. ⁴¹ Suep gölmegö azi öljän mönö garataurupŋi melaim enjiiga kaba keu areŋ bölöŋi pakpak Kraistkö bemtohoŋ uruŋe siŋgisöndok akingö kondorakzawi, mi qeapköba

mindinqöme aka bölöni meme ambazip pakpak mi qözöla qezaköm engime. *

⁴² “Mewö mindinqindiq aka ambazip mi gil engigetka owen imarurubuk jeba ahözawi, mianğoreñ geme. Mianğoreñ gemeañoñ mönö sahöt gigilahöba irimñini yöhözömgögetka qetñi qeri malme. ⁴³ Nalö mianğoreñ ambazip solanñi mienñoñ mönö wehön tandök aka Iwiñinañgö bemtohoñ uruñe asariba mal öngöme. Kunñan urukezapñambuk maljawi, yañoñ mönö keu mi kezap ala möt kutuma.” Mewö.

Guli dötnam mesamesambötñangö söpsöpkeu

⁴⁴ “Suepkö bemtohoñi mi guli damandan söngöröñi öngöngöñi mianğö dop kewö akza: Mi nupnöñ mesambötket ahöiga azi kunñan mi miwikñaiba anğön köla kunbuk gölmenöñ mesambörök. Mesamböta mianğöra söñgaiba anda sukinapñi pakpak bohoñi memegöra ali moner kaiga mianñoñ nup gölme mi bohoñi meyök.” Mewö.

Sorom kötñangö dopkeu

⁴⁵ “Suepkö bemtohoñi mi stua azigö dop ala söpsöp keu kun kewö jimam: Yañoñ sorom kötñi ekjeritñambuk jaruba malök. ⁴⁶ Jaruba mala sorom kötñi mohot söngöröñi ketanji miwikñaiba anda sukinapñi pakpak bohoñi memegöra ali moner kaiga mianñoñ sorom kötñi mi bohoñi meyök.” Mewö.

* **13:41:** Keu areñ (ideology) bölöñi yauerñ mötmöt, komyunist, maslim aka mötmöt areñ tosatñi mi ambazip jöhöm engiget qakögetka malmalñinan böliba sohomakzawi, garata yeñoñ mönö mi pakpak qeapköba mindinqöme.

Mösak örörögö söpsöpkeu

⁴⁷ “Suepkö bemtohoŋi mi mösakö dop ala söpsöpkeu kun kewö jimam: Mi o aŋgönöŋ gilget geiga söra tandökŋini könaŋi könaŋi gegetka eŋgömem tokoyök. ⁴⁸ Tokoi kokolak qeiga ambazipnöŋ mi örögetka körökŋe koriga eta tata söra ölopŋi kewöta sakapnöŋ tokogetmö, bölöŋi mi gilgetka anök. ⁴⁹ Keu miangö dop mönö gölmegö nalöŋan tekömawangö nalö ketane asuhuma. Suep garata yeŋön kaba ambazip bölöŋi mi solanŋi miengöreŋök kewöt eŋgime. ⁵⁰ Kewöt eŋgiba ambazip bölöŋi mi gil eŋgigetka owen imarurubuk jeba ahözawi, miangöreŋ geme. Miangöreŋ gemeaŋön mönö sahot gigilahöba irimŋini yöhözömgögetka qetŋi qeri malme.” Mewö.

Keu kötŋi walŋi aka dölökŋi

⁵¹ Jisösnöŋ söpsöp keu mi jim teköba kewö qesim eŋgiyök, “Keu pakpak jizali, mi möt asarize me qahö?” Qesim eŋgiiga melenŋa “Oŋ!” jiget. ⁵² “Oŋ!” jigetka kewö jii mötket, “Miri toŋan miriŋangö köweŋeyök inap yuai walŋi aka dölökŋi uzeta alakza. Miangö dop Köna keugö böhi pakpak Suep bemtohoŋgö gwarekurupŋi akeri, yeŋön mönö mewöyök uruŋinaŋgö köweŋineyök keu aködamunŋinambuk dölökŋi aka keu ölop sorokŋi walŋi uzeta jimakze.” Mewö.

Nazaret yeŋön Jisös andö qeget.

Mak 6.1-6; Luk 4.16-30

⁵³ Jisösnöŋ dopkeu mi jim teköba miri gölme mi mosöta anök. ⁵⁴ Anda malqarip taonŋe aŋgota köuluk miriŋine öngöba Buŋa keu kusum eŋgiyök.

Kusum enjiiga auruba welipköba kewö jiget, “Yei! Kezapjupjup! Yanön mötkutukutu ki aka anğöletot kukösumñinambuk mi mönö denikeyök meza? ⁵⁵ Azi ki mönö miri kiangö mitimqege azigö nahönña. Namñangö qetñi Maria aka munurupñi Jeims, Josef, Saimon aka Juda. Mi ölop mötzin. ⁵⁶ Nenurupñan mönö körek sutnine ki malje. Miangöra yuai pampak ki mönö denikeyök memba kaba akza?”

⁵⁷* Nazaret yenön mewö jigetka uruñinan bölüiga miangören qaköget. Qakögetmö, Jisösnön kewö jii mötket, “Kezapqetok azi mi nanñi taonön aka nanñi mire jijiwilit ak wañgimakzemö, miri tosatñe mewö qahö.” ⁵⁸ Mewö jiiga mötnaripñinan qahö asuhuiga yangisenñinangöra aka anğöletot kukösumñinambuk mi miangören gwötpuk qahö meyök. Mewö.

14

Jongö jölñi kutugetka kömuyök.

Mak 6.14-29; Luk 9.7-9

¹ Nalö miangören gölme bahönangö (Galili prowinsgö) kin Herod yanön Jisösgö qetbuñani mörök. ² Mi möta welen-qequeurupñi yengöra kewö jiyök, “Mi mönö Jon O-melun azia. Yanön mönö kömupnöhök wahöta nupñi meiga anğöletot kukösumñinambuk asuhumakze.” Waimanjat möta mewö jiyök.

³* Mi kewögöra jiyök: Herodnön munñi Filipkö anömñi Herodias ölon meiga Jon O-melun azinön kin jim wañgiiga opotöröp melaim enjiiga anda

* **13:57:** Jon 4.44 * **14:3:** Luk 3.19-20

Jon memba jöhöba kösö mire al wanğiget. ⁴*Jonön Herodköra keu kewö jiyök, “Gi qambötki memba mala Köna keu onğitzan.” ⁵Mewö jiiga Herodnön Jon qeget kömumapkö mörökmö, könagesö yeñön Jongöra mötketka kezapqetok azia malöhi, mianğöra könagesö yeñğöra kenğötñi mörök.

⁶Kenğötñi mörökmö, Herodkö ahياهو nalöñan kaiga ketaurupñan tokoba tatketka Herodiasgö börtatñan yeñgö jeñine danis aliga Herodnön mianğö eksihimñi gwötpuk mörök. ⁷Mianğöra ambi seram mianön wani yuaigöra qesibawak, kiñnön mi tököm wanğimangö keu jöhöba keu mi jöjöpañ keunön jim köhöiyök. ⁸Mewö jim köhöiiga namñan ambi seram mi kuñgum wanğiiga kewö jiyök, “Mönö qesinöñga Jon O-melun azigö jölñi yandigetka nöropñi memba ki kaba köndenön niñgima.”

⁹Mewö jiiga kiñgö uruñan kömbuhiiga wösöbirik mörökmö, jöjöpañ keuñan jöhöi ketaurupñan mi mötketka yeñgö jemesoholñine etpapuköra möta nöropñi wanğimegöra jim kutuyök. ¹⁰Mewö jim kutuba opotöröpñi kun melaiba jiyök, “Gi mönö kösö mire anda Jongö jölñi yandiba nöropñi memba kaman.” ¹¹Mewö jiiga Jongö nöropñi köndenön ala memba kaba ambi seram mi wanğiiga memba anda namñi wanğiyök. ¹²Jongö gwarekurupñan mianğö buzupñi möta anda qamötñi memba qak-sirigö köt köteñnön ala löm kölget. Löm köla anda keu mi Jisös jiget mörök. Mewö.

*Jisösnön azi 5000 nene gumohom enğiyök.
Mak 6.30-44; Luk 9.10-17; Jon 6.1-14*

* **14:4:** Lew 18.16; 20.21

¹³ Jisösnöŋ Jongö kösohotŋi möta miri mi mosöta waŋgenöŋ öngöba gölme kötikŋi kunöŋ nanŋinök malbingöra anget. Ambazip kambu yeŋön miaŋgö buzupŋi möta taon aka miriŋini mosöta Jisösgö andöŋe wuatangöba gölme köna anget. ¹⁴ Angetka Jisösnöŋ waŋgenöhök eta ambazip kambulelemebe engeka yeŋgöra wösöŋi mörök. Wösöŋi möta sutŋine kawöl enghöŋi malgeri, mi mem ölöwak engiyök.

¹⁵ Mewö aka mali mare aiga gwarekurupŋan Jisösgöreŋ kaba kewö jiget, “Böhi, nini gölme kötikŋi kiaŋgöreŋ malinga wehön jeŋan teköba gemamgö akza. Miaŋgöra gi ölop ambazip kambu ki melaim enŋinöŋga miriŋi miriŋi miengöreŋ anda numbu nenenŋini söŋgörüŋi memba neme.”

¹⁶ Mewö jigetmö, Jisösnöŋ kewö jii mötket, “Yeŋön ölop kiaŋgöreŋ tatme. Enön mönö nanŋinak i nene gumohom enŋime.” ¹⁷ Mewö jii möta jiget, “Nini beret 5 aka söra yahöt miyök memba maljin.” ¹⁸ Mewö jigetka jiyök, “Mönö mi memba kaba niŋgime.”

¹⁹ Mewö jiba ambazip kambu mi kegwan luplupnöŋ eta tatmegöra jim kutum enŋiiga tatket. Tatketka beret 5 aka söra yahöt mi memba Suenöŋ ui öngöiga kötuetköba beret mindipköba gwarekurupŋi enŋiiga ambazip kirip dop mendenä enŋiget. ²⁰ Mendenä enŋigetka ambazip körekmakörek nemba nem timbireŋ aket. Nem timbireŋ aka nene kitipŋi kitipŋi mosötkeri, mi gwarek yeŋön qezakögetka sakap 12 miaŋgöreŋ geba kokolak qeyök. ²¹ Azi beret negeri, yeŋgö jaŋgöŋini mi 5000. Ambi nahönbörat yeŋgö jaŋgöŋini mi qahö meget. Mewö.

Jisösnöŋ o aŋgö qakŋe tiba tiba anök.

Mak 6.45-52; Jon 6.15-21

²² Neget teköiga Jisösnöŋ miangöreŋök gwarekurupŋi jim kutum eŋgiba kewö jiyök, “Inini mönö waŋgenöŋ öŋgöba qeljiŋe o aŋgö kutuba likepŋe anme. Nöŋön ölop nalö sutŋe ambazip kambu ki melaim eŋgibagun kamam.”

²³ Ambazip melaiba eŋgubula kunduje öŋgöba nanŋök mala köuluköyök. Köuluköba mali mare aiga kunduje nanŋik kötikŋi tarök. ²⁴ Tariga waŋgeŋinan lök o aŋgö bibiŋe köröwen aniga luhutnöŋ angerangöreŋök gila kaiga sirinöŋ waŋgenöŋ giliŋa kekwilik anda kayök.

²⁵ Mewö ahiga miri awöraŋgöiga (3-6 kilok) miangöreŋ Jisösnöŋ o aŋgö qakŋe tiba tiba gwarekurupŋi yeŋgöreŋ kayök. ²⁶ Kaba o aŋgö qakŋe tiba tiba kaiga gwarekurupŋan mi eka keŋgötporiŋ aka “Köwet Soŋgoriŋnöŋ kaza,” jiba sömbuŋini möta qeta silatket.

²⁷ Qeta silatketmö, Jisösnöŋ miangöreŋök keukeu jiba kewö jii mötket, “Alaurupni, mönö ewebibiŋinambuk saitŋgit malme. Nanak kazal. Keŋgötŋini kude mötme.” ²⁸ Mewö jii möta Pitönöŋ melenŋa kewö jii mörök, “Göŋön Kembuya akzan ewö, mönö ölop jinöŋga nöŋön o qakŋe tiba tiba göhöreŋ kamam.”

²⁹ Jisösnöŋ mi möta “Ölop kanöŋ,” jiyök. Mewö jüiga Pitönöŋ wange mosöta o aŋgö qakŋe tiba tiba könahiba Jisösgöreŋ anök. ³⁰ Könahiba anökmö, luhutnöŋ gwötpuk gili mi eka keŋgötporiŋ aka könahiba o uruŋe geba kewö qerök, “Kembu, bauköm niŋginöŋ.” ³¹ Qeriga Jisösnöŋ miangöreŋök

böröñi börañda Pitögö böröñe memba kewö jiyök, “Mötnaripki morörökñi. Mönö wuanöñgöra uruyahöt akzan?”

³² Mewö jiba bauköm wañgii wañgenöñ öñgöyohotka luhutnöñ nöñ qeba göröñ alök. ³³ Göröñ aliga azi wañgenöñ tatkeri, yeñön waikñi memba möpöseim wañgiba kewö jiget, “Alakña, gi Anutugö nahönña.” Mewö.

*Jisösnöñ Genesaret mala mem ölöwak nup meyök.
Mak 6.53-56*

³⁴ O añgö kutuba likepñe Genesaret mire añgota wañge mosöta saknöñ geget. ³⁵ Saknöñ gegetka miri miangö ambazipnöñ Jisös möt kutum wañgiget. Möt kutum wañgiba keu algetka miri pakpak kösutñe tatkeri, miangören aniga buzupñi möta kawöl ambazip körek enjuañgita Jisösgören kaget. ³⁶ Kagetka kinda Jisös malukuñangö suñe misiribingö ulet wañgiba malget. Misirigeri, körek yeñön mönö ölöwak teköget. Mewö.

15

Ambösakon yeñön keu kusum sohoget.

Mak 7.1-13

¹ Miangö andöñe Farisi (Köna keugö kapañkölköl) aka Köna keugö böhi tosatñan Jerusalem sitiyoök Jisösgören kaba kewö qesim wañgiget, ² “Göhö gwarekurupkan wuanöñgöra köna walöñda ambösakoninañgö silikñini qeze? Yeñön mönö böröñini sañgoñda dom-amöt qahö qeba töndup könahiba nene neze?”

³ Mewö qesim wañgigetka kewö jii mötket, “Nanñinak mönö wuanöñgöra ambösakoninañgö

siliknini wuatangöbingöra köna walönda Anutugöreŋ jöjöpaŋ keu qeze? ⁴ *Miangö keuŋi kun kewö: Anutunöŋ kewö jim kutuyök, ‘Twinamgi mönö göda qem etkimakŋan,’ aiga ‘Kunŋan iwiŋi me namŋi qesuahömawi, i mönö qegetka kömuma.’

⁵ “Mewö jim kutuyökmö, inini keu mi oŋgita kewö jimakze, ‘Kunŋan iwiŋangöra me namŋangöra kewö jima: Wösöni mötzal. Nöŋgö naŋgönaŋgö yuaini buŋa qem aŋgubanak, mi lök Anutugö saiwap naluköra kewöta albi ahöza. Kunŋan mewö jiba iwiŋi me namŋi göda qem waŋgamawanö dop qahö akza.’

⁶ “Mewö jiba siliknini walŋangöra aka Anutugö jöjöpaŋ keuŋi utalgetka omaŋi aka pömsöm qemakza. Mi qahö dop kölja. ⁷ O urumelengö silesile ambazip, kezapqetok azi Aisaianöŋ mönö engö könaŋamŋini törörök qeljiŋe indela kewö jii ahöza, ⁸ *‘Ambazip kambu kianön mönö numbu jitiŋinan ölöŋanök göda qem niŋgimakzemö, uruŋinan nönöŋgan ak niŋgiba kungen algetka köröwen ahöza.

⁹ Mewö ahöiga nöŋgö waikni öne töhön memba möpöseim niŋgimakze. Köna keu kusum engibin, jiba salupŋe ambazip yeŋgö jimkutukutuŋini mi numbu o alakze.’ ” Mewö melenj engiyök.

Azi uru mi denöwö tölohoba lantiza?

Mak 7.14-23

¹⁰ Jisösnöŋ ambazip kambu kunbuk engoholi kagetka kewö jii mötket, “Inini mönö keu

* **15:4:** Eks 20.12; 21.17; Dut 5.16; Lew 20.9 * **15:8:** Ais 29.13

ki kezap ala möt asarime. ¹¹ Yuai azigö numbuñeyök uruñe gemakzawi, mianñon qahö tölohom wañgimakzapmö, nannji numbuñeyök keu erakzawi, mianñon mönö tölohom wañgimakza.”

¹² Mewö jii mötketka gwarekurupñan kaba kewö qesiget, “Farisi (Köna keugö kapañkölköl) yeñon keu mi mötket engui uruñinan bölizawi, mi mötzan me qahö?” ¹³ Qesigetka kewö meleñnök, “Nöñon warök pakpak nöngö Suep Iwinan qahö kömöröhi, mi mönö jalöñinambuk qözölmam. ¹⁴ *Muat, i mönö engömosötme. Yeñon ‘Jegömöl ambazip enğuangitpin,’ jimakzemö, nannjini jeñinan mönö gömöliza. Jegömöl kunñan jegömöl alañi kun böröñe memba wañgitma ewö, yetkön mönö mohotñe lömnöñ geba etkuma.”

¹⁵ Mewö meleñniga Pitönöñ jiyök, “Dopkeu miangö könañi mönö jim asarinöñ mörin.” ¹⁶ Mewö jiiga Jisösnöñ jiyök, “O alaurupni, inñini mewöyök toroqeba mötmötñini ölöpñi qahö akze me? ¹⁷ Yuai pakpak azi numbuñeyök uruñe gemakzawi, mi kömgokñe geba yaigep erakza. Mi möt kutuze me qahö?”

¹⁸ *“Mi erakzapmö, keu uru könömñeyök kota numbuñeyök erakzawi, mianñon mönö tölohom wañgimakza. ¹⁹ Ambazip uru könömñineyök yuai kewöñi asuhuba korakza: Keu bölöñi mötmöriba suña jinan memba ambazip enğuget kömumegö mörakze. Qesabulum aka serowilin akingö mörakze. Yongorö membingö mörakze. Jitnöñ alal keu muneñi jibingö mörakze. Andöqege keu yöhösañ jiba Anutu mepaiköbingö mörakze. ²⁰ Yuai

* **15:14:** Luk 6.39 * **15:18:** Mat 12.34

mewöjan mönö ambazip tölohöm enġimakzapmö, böröñini qahö sanġonda nene nemakzei, mianġön azi kun qahö tölohömakza.” Mewö.

Kenan ambi kunġan kapan köla köuluköyök.

Mak 7.24-30

²¹ Jisösnöñ Genesaret gölme mosöta siti qetñiri Taiö aka Saidon mietkö distrik qetñi Fonisia mianġö uruñe anök. ²² Aniga Kenan ambi, gölme mianġö toñi kunġan kaba Jisös uleta kewö qeta jiyök, “Kembu, Deiwidkö gwölönarökñi, mönö ak kömum niñġiman! Ömenöñ böratni kölköljinjin ak wañgiiga sihimbölo ketanji mörakza.”

²³ Qeta jiyökmö, Jisösnöñ keu kun qahö melenök. Mewö aiga gwarekurupñan kaba kewö kuñġum wañgiba jiget, “Ambi mi sahöta qeta könanine kazawañgöra mönö bauköm wañġinöñga anma.” ²⁴ Mewö jigetka melenök, “Iwinan Israel könagesögö lama sohosohoñi miyöhök amöt qem enġimamgöra aka melaim niñgiiga kazal.” ²⁵ Mewö meleniiga ambi mianġön kösutñe kaba simin köl wañgiba jiyök, “Kembu, mönö bauköm niñġinöñ!”

²⁶ Mewö jiyökmö, Jisösnöñ kewö melen wañgiyök, “Qahö, morö yeñgö miriñneyök beret memba kiam enġiinga qahö dop kölbapuk. Juda nini kianurup enġö qetñini kiam qerakzin. Nöñön mutuk Juda ambazip bauköm enġibiga kantri tosatñi enġön mönö kiamgö dop mamböta malme.”

²⁷ Melen wañgiyökmö, ambinöñ jiyök, “Kembu, mi ölop mötzalmö, kiam moröñi yeñön mönö mewöyök toñinañgö tebolnöhök nene boromñi eriga nemakze.” ²⁸ Mewö jiiga Jisösnöñ kewö jii mörök, “O ambi, göhö mötnarički mi ketanji.

Miangöra ulet ningzananğö ölni mönö asuhuma.” Mewö jii möta bōratņan aua miangōreņök ölöwahök. Mewö.

Jisōsnōņ kawöl ambazip sehisehiņi meiga ölöwaket.

²⁹ Jisōsnōņ gōlme mi mosōta kaba Galili o aņğögō jitņe kaņgota kunduņe oņğōba eta tarök.

³⁰ Tariga ambazip kambulelebenōņ yangōreņ kaba ambazip kewōņi eņguanğitket: Simalokon aka jegōmōl ambazip, tosatņi kōna bōrōņini heramheramğōņi, tosatņi keuņini mōtōkņi aka kawöl tosatņi gwōtpuk eņğōhōi malgeri, mi eņguanğita Jisōsgō kōna kōsutņe al eņğigetka mem ölöwak eņgiyök.

³¹ Mem ölöwak eņgiiga ambazip keuņini mōtōkņi yeņōn keu jigetka kōna bōrōņini heramheramğōņi yeņōn ölöwaka diņğigetka simalokon yeņōn kōna tiba anda kagetka jeņini dōndōņğōņi yeņōn je uba eketka ambazip kambu yeņōn mi eka welipkōba Israel neņğō Anutunini mōpōseiget. Mewö.

Jisōsnōņ azi 4000 nene gumohom eņgiyök.

Mak 8.1-10

³² Jisōsnōņ gwarekurupņi eņgoholi yangōreņ kagetka kewō jii mōtket, “Nōņōn ambazip kambu kienğōra wōsōni mōtzal. Yeņōn nōņğōreņ kaba wehōn karōbut lōk mala kotketka nenenini qahōwahiga ekzal. Kōnanōņ anda mala kemaņe jeņini gili tirinbirin akepukōra i öne melaim eņğimamğō tōkōzal. Miangōra i nene gumohom eņğimamğō mōtzal.”

³³ Mewö jii gwarekurupņan melenđa kewō jiget mōrök, “Gōlme qararaņkōlkōlņe kianğōreņ neņōn

mönö denikeyöhök numbu nene gwötpuk mi-wikñaiba ambazip kambulelembe ki gumohom enjibinak?”³⁴ Mi möta Jisösnöñ kewö qesim enjiyök, “Enjöreñ beret dawik ahöza?” Qesim enjiiga “Beret 7 aka söra moröñi tosatñi ahöza,” jiget.³⁵ Jigetka Jisösnöñ ambazip kambu mi gölmenöñ geba tatmegöra jim kutum enjiiga geba tatket.

³⁶ Geba tatketka beret 7 aka söra mi memba Anutugö saiwap jiba mindipköba gwarekurupñi enjiiga yeñön mi ambazip kambu dop toto qem enjiget.³⁷ Toto qem enjigetka nembra nem timbireñ-göget. Nem timbirengöba nene kitipñi mosötket geyöhi, mi sakap 7 miangöreñ qezakögetka numbuñe qeyök.³⁸ Azi nene negeri, yeñgö jañgöñini mi 4000. Ambi nahönbörat yeñgö jañgöñini mi qahö meget.³⁹ Jisösnöñ ambazip kambu melaim enjiiga angetka nanñi wañgenöñ öngöba Magadan gölmenöñ anök. Mewö.

16

Böhi tosatñan anjöletot ekingöra kapañ kölget.

Mak 8.11-13; Luk 12.54-56

¹ *Farisi (Köna keugö kapañkölköl) aka Sadyusi (Jike nupkö kapañkölköl) tosatñan Jisösgöreñ kaba keugö bötaknöñ örömap-köra esapköm wañgiba kewö qesiget, “Mönö jinöñga Suepnöhök anjöletot kun asuhuiga ekin.”² Mewö jigetka kewö melejnök, “Wehön gemangö ahiga miangöreñ kewö jimakze, ‘Suepnöñ pisi hizawañgöra uran wehön ölöpnji akña.’

* **16:1:** Mat 12.38; Luk 11.16

³ “Mewöyök söñanök kewö jimakze, ‘Suepnöñ pisihiiga kousunöñ töwizawanğöra mönö kie luhut gilma.’ Mewö mewö jiba suepkö tandökñi eka kie wehöngö könañi ölop kewörakzemö, nalö maljini, mianğö aiwesökñi kewötpingö qahö mötze. Mi qahö dop kölja. ⁴ *Ambazip kambu bölöñi gölmenöñ mala qesabulum ahakzei, yeñön Anutugö aiwesökñi asuhumapköra kapan kölakzemö, Anutunöñ kezapqetok azi Jonagö aiwesökñi lök enğıga aiwesök tosatñi qahö toroqeba kondel enğima.” Mewö jiba enğömosöta kungen anök. Mewö.

Farisi aka Sadyusi yeñön wösökömbuk ewö akze.

Mak 8.14-21

⁵ Jisösnöñ gwarekurupñi yembuk o anğö kutuba likepñe anğota semön memingö ölüm enğuyöhi, mi eket. ⁶ *Mi eketka Jisösnöñ kewö jii mötket, “İñini Farisi aka Sadyusi pati yahöt yeñğö wösökömbukñini aka gipñi kakñi mietköra mönö galömñini meme. Mi ölopñanök qahö kewöta andö qegetka mietkön mönö yist ewö qariba mem bölim enğimahot.”

⁷ Jiiga keu pasetñi mi qahö möt asariba sutñine kewö eraum mötket, “Nini beret qahö memba kazin. Mianğöra jiza me denöwö?” ⁸ Mi eraum mötket kezapñe geiga kewö jii mötket, “O inñini mötnaripñini morörökñi, wuanöngöra ‘Beret qahö mezin,’ jiba nanñini eraum mötze? ⁹ *Nöngö könañamni mi wuanöngöra qahö möt kutuze? Nöñön beret 5 mi 5000 yeñğöra mindipköbiga

* **16:4:** Mat 12.39; Luk 11.29 * **16:6:** Luk 12.1 * **16:9:** Mat 14.17-21

mianğö kitipni qezakögetka könde dawiknön geba numbuñe qeyök? Mi ölum enğuza me qahö?

10 **“Mewöyök beret 7 mi 4000 yengöra mindipköbiga mianğö kitipni qezakögetka sakap dawiknön geba kokolak qeyök? Mi ölum enğuza me qahö? 11 Ni beretköra keu qahö jizali, mi denöwö aka qahö möt kutuze? Nönön beretköra qahöpmö, Farisi aka Sadyusi pati yengö wösökömbukñini aka gipni kakni kewöta andö qemegöra jizal.”* 12 *Mewö jiiga mianğöreñök keuñanğö könañi kewö möt asariget, “Aha! Plaua mem qariqari yistkö galöm mem aņgubingöra qahö jiyökmö, Farisi pati aka Sadyusi pati yengöreñ keu lolonqaloñi andö qebingöra jiyök.” Mewö.*

Pitönön Jisösgö könañi jim miwikñaiyök.

Mak 8.27-30; Luk 9.18-21

13 *Jisösnön Sisaria Filipai taongö kösutñe anda mianğöreñ gwarekurupni kewö qesim enğiyök, “Ambazipnön Suep gölmegö azi ölni nöngöra denöwö jimakze? Ni niñia akzal?” 14 *Jiiga melenđa kewö jiget, “Tosatñan ‘Gi Jon O-melun azia akzan,’ jimakzemö, tosatñan ‘Gi Elaija akzan,’ jimakze aka tosatñan toroqeba kewö jimakze, ‘Gi Jeremaia me kezapqetok azi walni yengöreñök kun akzan.’”*

15 *Mewö jigetka kewö qesim enğiyök, “Aka nanñinak nöngöra denöwö jize? Ni niñia akzal?”*

16 **Qesim enğiiga Saimon Pitönön melenđa jii mörök, “Gi Amötqeqe Tonj Kraist aka malmal Tonj Anutugö Nahönñi akzan.”*

* **16:10:** Mat 15.34-38 * **16:14:** Mat 14.1-2; Mak 6.14-15; Luk 9.7-8 * **16:16:** Jon 6.68-69

17 Mewö jiiga Jisösnöŋ melenđa kewö jii mörök, “O Saimon Jonagö nahönŋi, gölme azi sep busuŋambuk kunŋan qahöpmö, nöŋgö Iwini Suep mire maljawi, yaŋön mönö keu mi göhöreŋ indelök. Mianğöra göŋön mönö simbawoŋ akzan. 18 Nöŋön kewö jibi mötman: Gi Pitö (nanine keunöŋ jamönjiŋ) aknöŋga nöŋön jamönjiŋ mianğö qakŋe urumelen könagesönaŋgö tandöŋi albi naŋgöm enğinöŋga uruŋini möhamğöba köhöiba kinme. Göŋön i galöm köl enğinöŋga kömup Toŋan i senjom mirigö kiripo naŋguŋe öröm enğimamğö osima. Ömewöröme tosatŋi yeŋgö kukösumŋinan mewöyök i köndenđa luhut al enğibingö osime.

19*“Nöŋön Suep bemtohoŋaŋgö ki moröŋi yahöt gihimam. Gi gölmenöŋ siŋgisöndok jöhönöŋga mianöŋ mönö Suep mire mewöyök jöhöjöhöŋi ahöma. Gi gölmenöŋ siŋgisöndok mosöta pösatnöŋga mianöŋ mönö Suep mire mewöyök pösatpösatŋi ahöma.” 20 Mewö jiba Amötqeçe Toŋi Kraist ahöhi, mi aukŋe jiget kunŋan mötpepuköra gwarekurupŋi yeŋgöra soŋgo köhöikŋi al enğiyök. Mewö.

Jisösnöŋ kömumamğö keuŋi jiyök.

Mak 8.31-9.1; Luk 9.22-27

21 Nalö mianğöreŋök Jisösnöŋ könahiba gwarekurupŋi yeŋgöra keu kewö indelök, “Nöŋön Jerusalem anda sihimbölö gwötpuk mötman. Kantrigö jitŋememe, jike nup galöm aka Köna keugö böhi yeŋön nuŋgugetka kömumam. Kömumbiga wehön karöbut aiga kömupnöhök wahötmam.”

* **16:19:** Mat 18.18; Jon 20.23

22 Jisösnöŋ mewö jüiga Pitönöŋ öröm waŋgiba göraŋe anda könahiba qetala kewö jim waŋgiyök, “O Kembu, mi nalö kunöŋ asuhum gihibapüköra Anutunöŋ mönö sel jöhöm gihima.” 23 Qetal waŋgiiga lilingöba Pitö kewö jim waŋgiyök, “Gi keu mötmörizani, mi Anutugöreŋ keuya qahöpmö, gölme ambazip aka Satangö sihima. Gi nöŋgö köna utumamgö mötnöŋga urunan böliza. Miangöra Satan, gi mönö döлки nöŋgö jemesoholneyök ke-salnöŋ!” Mewö.

Kraist wuatangöbingö söŋgörüŋi

24 *Nalö miangöreŋ Jisösnöŋ gwarekurupŋi keu kewö jii mötket, “Kunŋan nöŋgö andöne kamamgö mötzawi, yaŋön mönö nanŋi urusileŋangö sihim kömbönaŋi bölöŋi andö qeiga sisitŋi megetka sihimbölö mi bisimakŋa. Mi maripomnöŋ kömumawaŋgö dop mökösoŋda ni nuatangöba kama. 25 *Kunŋan malmalŋi nanŋangöra aŋgön köla nanŋi imbi-imbi maljawi, yaŋön mönö malmalŋi ölni jöhöi sohoma. Sohomapmö, kunŋan gölmegö malmalŋi nöŋgöra aka köleŋda tököm niŋgimawi, yaŋön mönö malmal ölnangö könaŋi miwikŋaiba köhöiba malma.

26 “Kunŋan gölmeŋi gölmeŋi miengö öroyuaiŋi pakpak köl öroiga buŋaŋi an teköiga uruŋangö malmalŋi mem sohoba silebile mala kömuiga Anutunöŋ keuŋi jim teköiga uŋaŋan ayuhuiŋa qahö dop kölma. Sukinapŋi mianöŋ mönö urusösöŋgai qahö ak waŋgima. Qahöpmahöp. Körek neŋön mönö bohonini jöhöm aŋgubingö osibin.

* 16:24: Mat 10.38; Luk 14.27 * 16:25: Mat 10.39; Luk 17.33; Jon 12.25

27 **“Suep gölmegö azi ölnan könangep Suep garata töröni yembuk ki etketka Iwiñangö asakmararani eka aurume. Nalö miangören mo-hot mohot nengö ahakmemenini kewöta likepni miangö dop nengima. 28 Nöñön keu ölni kun kewö jibi mötme: Kiangören kinjei, engö sutñineyök tosatnan Suep gölmegö azi ölnan kin aka asuhumawi, mi ek kutume. Jebuk mala kömupkö sihimbölöni qahö mötketka asuhum tñiriga mi ekne.” Mewö.*

17

Jisösgö sileje letotqetot ahök.

Mak 9.2-13; Luk 9.28-36

1 **Wehön 6 teköiga Jisösnöñ Pitö, Jeims aka Jeimsgö munni Jon enjuangita nanñinök kundunji köröpni kunöñ öngöba kötikne malget. 2 Malgetka jemesoholjine kiniga Jisösgö sile tandökñan letota murutni ahök. Jemesoholñan wehön jeni ewö kölköl-bilikbilikñambuk asariiga malukuñan tuat lalamni aka asakñambuk ahök.*

3 *Mewö aiga eketka Moses aka Elaija yetkön asuhum engiba Jisösbuk keukeu jiget. 4 Jigetka Pitönöñ könahiba keu jiba Jisösgöra kewö jiyök, “Kembu, neñön kiangören uruölöwak mötzin. Miangöra sihimgan mötzan ewö, nöñön ölop koum karöbut qemam. Göhö kun, Mosesgö kun aka Elaijagö kun.”*

* **16:27:** Mat 25.31; Sum 62.12; Rom 2.6 * **17:1:** 2 Pitö 1.17-18

⁵ *Mewö jiba kiniga unuñunuñ tuat lalamñi asakmararañambuk kunöñ eta aumñan esuhum enñiiga miangö uruñeyök qet kun kewö eriga mötket, “Azi ki mi nani wölböt nahöna. Nöngö urusihimni ketañan mönö yangören ahöza. Mönö yangö keuñi möta malme.” ⁶ Gwarek yeñon keu mi möta jönömñini undui sipköba gölmenöñ eta kenğötñini gwötpuk mötket.

⁷ Mewö mötketka Jisösnöñ yengören kaba sileñini oseiba kewö jii mötket, “Mönö wahötket. Kenğötñini kude mötme!” ⁸ Keu mi möta uba wahöta tosatñi qahö enğeketmö, Jisösnöñ nanñök kiniga eket. Mewö.

Jon O-melun-azi mi Elaijagö salupñi akza.

⁹ Kunduñeyök etketka Jisösnöñ sörokñi miangören kewö jim kutum enñiyök, “Inini yuai ekzei, miangö buzupñi mi ambazip kun kude jiget mötme. Suep gölmegö azi ölnan kömupnöhök wahöriga miangö andöñe mi ölop jim asariba malme.”

¹⁰ *Mewö jim kutum enñiiga gwarekurupñi karöbut yeñon Jisös kewö qesim wangiget, “Köna keugö böhi yeñon keu kewö mi wuanöngöra jimakze, ‘Kezapqetok azi Elaijanöñ mönö mutuk Suepnöhök eriga Amötqeqe Toñan miangö andöñe asuhuma?’ ”

¹¹ Qesim wangigetka melenđa kewö jiyök, “Elaijanöñ mutuk eta asuhuba malmal pakpak möhamgöma. Keu mi ölnapmö, ¹² *nöñon kewö jibi mötme: Elaijanöñ lök eta asuhuyökmö, i

* **17:5:** Jen 22.2; Dut 18.15; Sum 2.7; Ais 42.1; Mat 3.17; 12.18; Mak 1.11; Luk 3.22 * **17:10:** Mal 4.5 * **17:12:** Mat 11.14

eka kōnanji qahō mōt kutugetmō, ambazipnōñ i nanñini sihimñini wuatangōba lañ ak wañgiget. Mewōñanōk Suep gölmegō azi ölnji mewöyök lañ ak wañgigetka Juda yengō börōñine geba sihimbölö mōtma.”¹³ Elaijagōra mewō jiba ölnja Jon O-melun azigōra keu jii mōtkeri, gwarek yeñōn mi mewō mōt asariget. Mewō.

Jisōsnōñ öme wuatangōi morōnōñ ölöwahök.

Mak 9.14-29; Luk 9.37-43

¹⁴ Jisōs aka gwarek karōbut yeñōn kunduneyök eta ambazip kambu yengören kagetka azi kunōñ Jisōsgō kösutñe kaba simin köl wañgiba kewō jii mörök,¹⁵ “Kembu, göñōn mōnō nahōni ak kōmum wañgiman. Kawölnōñ yöhōiga tala eta qeiga bözok mitiba semben auba sihimbölö gwōtpuk mōrakza. Nalō gwōtpuk tala kōnōpnōñ me onōñ gemakza.¹⁶ Nōñōn i wañgita gwarekurupki yengören kazalmō, yeñōn i mem ölöwak wañgibingō osize.”

¹⁷ Mewō jiiga melen wañgiba jiyök, “Yei, gölmegō yangiseñ aka misimkaulup ambazip, mōnō nalō dawik embuk mala qatōn engubiga Anutu qahō mōt narigetka sihimbölö mōtmam? I mōnō wañgita nōngören ki kaget.”¹⁸ Wañgita kagetka Jisōsnōñ öme mi jim wañgii mosōta ani morōnōñ nalō mianğörenjök ölöwahök.

¹⁹ Ölöwahiga gwarekurupñan mi eka nanñinōk Jisōsgören kaba tata kewō qesim wañgiget, “Neñōn mōnō wuanōngōra mi naninōk wuatangōbingō osizin?”

²⁰ *Qesim wañgigetka kewō jii mōtket, “Mōtnaripñinan morörökñi akzawangōra mi

* **17:20:** Mat 21.21; Mak 11.23; 1 Kor 13.2

wuatangöbingö osize. Nöjön keu ölni kun kewö jibi mötme: Mötnaripñinanö ölni mi nejön kötnangö dop ahöbawak ewö, enön ölop kundunji kiangö Tonangöra kewö jim kutubeak, ‘Gi mönö kundunji mi meköba wahöta anda likepñe endu alman.’ Mewö jiba möt narigetka mianö dop aiga endu anma. Anutu möt narigetka inahöm enjiiga yuai kungöra qahö qaköbeak.” ²¹ (Öme tandökñi mewöñi mi mönö köuluköba nene sinji mala wuatangöbin. Yuai murutñi kun ahinga qahö kota anma. Mewö.)

Jisösnöñ kömumangö Buñani jiiga yahöt ahök.

Mak 9.30-32; Luk 9.43b-45

²² Jisösnöñ gwarekurupñi yembuk mohotñe Galili prowins uruñe liliköba könanöñ angetka Jisösnöñ keu kötni kewö jii mötket, “Anutunöñ Suep gölmegö azi ölni mi gölme ambazip yengö böröñine al wanji gema. ²³ Geiga i qegetka kömuma. Kömuiga wehön karöbut aiga mönö kömupnöhök wahötma.” Gwarekurupñan mi möta uruñinan lömböriiga wösöbirik mötket. Mewö.

Jisösnöñ jöwöwöl jikegö takisñi alök.

²⁴ *Jisösnöñ gwarekurupñi yembuk Kaperneam taonöñ kanötketka jöwöwöl jikegö takis meme azi yeñön Pitögöreñ kaba kewö qesim wanji get, “Engö böhiñinan jöwöwöl jikegö takisñi alma me qahö?”

²⁵ Qesim wanji getka “On!” jiyök. Mianö andöñe Pitönöñ miri uruñe öngöiga Jisösnöñ keu mutukñi kewö qesim wanji yök, “Saimon, gi denöwö mötmörizan? Denike yeñön kölköl-örörögö töwanji

* **17:24:** Eks 30.13; 38.26

aka takis tosatŋi mi gölmegö kiŋ azi kembu yeŋgöra alakze? Kantri toŋi neŋön me kian yeŋön mi algetka tokomakze?”

²⁶ Mewö qesim waŋgiiga melenđa “Kian yeŋön,” jiyök. Mewö jiiga Jisösnöŋ kewö jii mörök, “Mewö aiga kantri toŋi neŋön mi albinanğö dop qahö akzin. ²⁷ Mewö akzinmö, takis qahö alinga azi miengö uruŋinan bölipapuköra mönö anda kösö kawiki o anğönöŋ gilman. Gila söra mutukŋi öröba memani, mönö miangö numbuŋi mesaköba moner kötŋi miangören miwikŋaiman. Moner kötŋi mi azi yahöt netkö takisniranğö dop. Mönö mi memba engiba miangön nöngö aka nangi takisniri alman.” Mewö.

18

Gwarek sutŋine danğon mutukŋi akza?

Mak 9.33-37; Luk 9.46-48

¹ *Nalö miangören gwarek yeŋön Jisösgören kaba kewö jiget, “Suepkö bemtohoŋ uruŋe danğon öngöŋgöŋi akza?” ² Mewö jigetka namande moröŋi kun qeri kaiga sutŋine ali kinök. ³ *Kiniga kewö jiyök, “Nöŋön keu ölni kun kewö jibi mötme: Uruŋini qahö melenđa nahönbörat ewö qahö akŋe ewö, inini mönö nalö kunöŋ Suepkö bemtohoŋnöŋ qahö anğotme.

⁴ Miangöra kunŋan nanŋi memba et ala morö kianğö dop akŋawi, yaŋön mönö Suepkö bemtohoŋ uruŋe öngöŋgöŋi akza. ⁵ Kunŋan namande kewöŋi kun nöngö qetne köl öröba köyan kölmawi, yaŋön mönö ni köl öröm niŋgima.” Mewö.

* **18:1:** Luk 22.24 * **18:3:** Mak 10.15; Luk 18.17

Singisöndokö kölgorom mönö qetal engime.

Mak 9.42-48; Luk 17.1-2

⁶ Jisösnöñ toroqeba kewö jiyök, “Morö kewöñi möt narim niñgizei, kunñan yengöreñök kun kölgorom ak wañgiiga siñgisöndok akñawi, azi mianjön mönö lömböt öngöñgöñi miwikñaima. Anutunöñ lömböt mianjö likepñi denöwö wañgiiga dopñe akawak? Kemuñ jamönñiñ jölñe jöhöba köwet röndumnöñ gilget mulungöi gebawak, mianjön mönö awamñi ahum wañgii tandök akawak.

⁷ “Siñgisöndokö supatitikñan mönö awamñanök asuhumakza. Mianjöra gölme ambazip engöra Yei wösöbirik! mötzal. Kunñan supatitik anjön kölmamgö osimakzapmö, kun danjön tosatñi kölgorom ak engiiga siñgisöndok akñei, yanjöra mönö Yei! jiba sahötzal. Sihimbölö öngöñgöñan mönö yanjö qakñe öngöma.

⁸ *“Börögan me könagan siñgisöndok akñangö kölgorom ak gihima ewö, mönö yandim gilman. Yandim gilagun börötak me könatohot mala malmal köhöikñi miwikñaiiba oyaenköyaen akñanmö, köna börö yahötpuk malnönga könanjep könöp sianöñ gil gihigetka gebanbuk. Sia könöpñi mi teteköñi qahö jema.

⁹ *“Mewöñanök jegan siñgisöndok akñangö kölgorom ak gihima ewö, mönö qözöla gilman. Qözöla gilagun je-ilik mala malmal köhöikñe angota oyaenköyaen akñanmö, je yahötpuk malnönga könöp siagö könöpnöñ gil gihigetka gebanbuk.” Mewö.

* **18:8:** Mat 5.30 * **18:9:** Mat 5.29

Lamanöŋ sohöyöhi, miangö dopkeu

Luk 15.3-7

¹⁰ “Ambazip moröŋi kiengöŋök kun memba et al wanġibe-puköŋa mönö galömnini meme. Nöŋön keu kewö jizal: Yenġö kölközizip garataurupŋinan mönö Suep miri miangöŋ nöŋö Suep Iwinanġö kösutŋe mala jemesoholŋi sundan ehakze. Miangöŋa jijiwilit kude ak engime. ¹¹ (Suep gölmegö azi ölnan mönö ambazip sohosohöŋi mem letot engii oyaenköyaen akŋegöŋa erök.)

¹² “Keu kiangöŋa denöwö mötmörize? Azi kungö lamaurupŋi 100 malgetka miengöŋök kunŋan sohoba janjuŋ aniga tonan denöwö akŋa? Yanöŋ mönö 99 mi kundunġe engömosöta anda mohot janjuŋ anöhi, miangö jaruba anma. ¹³ Jaruba anda mala miwikŋaima ewö, nöŋön keu ölni kun kewö jibi mötme: Yanöŋ 99 janjuŋ qahö angeri, miengöŋa nalö miangöŋ gwötpuk qahö söŋgaimapmö, mohot miangöŋa önöŋi qahö söŋgaiba malma. ¹⁴ Miangö dop engö Iwiŋini Suep mire maljawanöŋ mönö ambazip moröŋi kiengöŋök kunŋan sohoba könöp sianöŋ gebapuköŋa mörakza.” Mewö.

Alagan siŋgisöndok ak gihiga kewö akŋan:

¹⁵ * “Urumelenġ alagan siŋgisöndok ak gihima ewö, gi mönö yanġöŋ anda mesohol köŋ wanġiba köna siŋgiyöhi, mi kondel wanġiman. Mewö aknöŋga keugi möta bapŋe anma ewö, göŋön mönö alagi luhut al wanġinöŋga kunbuk urumohot aka malmahot. ¹⁶ * Mewö aknöŋga keugi möta miangö bapŋe qahö anma ewö, göŋön mönö toroqeba ala mohot me yahöt etkuangita yanġöŋ anme.

* **18:15:** Luk 17.3 * **18:16:** Dut 19.15

Mewö Buña Kimbigö keu kiangö dop akñan, ‘Keu pakpak mi ambazip yahöt karöbutñan nanğöba jigetka köhöima.’

17 “Mewö aketka keunini möta miangö bapñe qahö anma ewö, gönön mönö urumelen könagesögö jitñememe yeñgöra jinönga yambuk eraum mötme. Eraum mötmemö, yeñgö keu bapñe mewöyök qahö anma ewö, mi mönö aukñe jigetka jabö ahui urumelenğö kopa ewö ak wañgiba malman. Takis tilipqilip-ñinambuk megetka sisitñini memakzei, miangö tandök ewö i mönö mosötnönga yaigep malma.”

Singisöndokö jöhöjöhöni aka pösatpösatñi

18 * “Nönön keu öl töhöññi kun kewö jibi mötme: Eñön singisöndok gölmenöñ jöhömei, mi pakpak mönö Suep mire mewöyök jöhöjöhöni ahöma aka singisöndok gölmenöñ mosöta pösatmei, mi pakpak mönö Anutunöñ mosöri Suep mire mewöyök pösatpösatñi ahöma.

19 “Toroqeba keu kewö jibi mötme: Gölmenöñ engörenök yahötñan keu mi me mi miangöra urumohok aka köuluköbitkö keu jöhömahori, mi nöngö Iwini Suep mire maljawanön mönö etkiiga buña qem añgumahot. 20 Mi kewögöra: Ambazip yahöt me karöbutñan nöngö qetne igen me waigen tokomei, nönön mönö miangören yeñgö sutñine malmam.” Mewö.

Welenqege ak-kömükömuñi qahöpkö söpsöp keu

21 * Nalö miangören Pitönöñ Jisösgören kaba keu kewö jii mörök, “Kembu, alanan singisöndok

* **18:18:** Mat 16.19; Jon 20.23 * **18:21:** Luk 17.3-4

ak niŋgimakzawi, nõhõn mi indimŋi dawikö dop mosötpiga dop kölma? Indimŋi 7 mi gwötpuk. Mianğö dop mosötpiga dop kölma me qahö?”²² Jisösnõŋ mi möta kewö melen waŋgiyök, “Indimŋi 7 qahöpmö, 70 taims 7* mi mosötnõŋga dop kölma. Nõhõn göhöra mewö jizal.²³ Mianğö kõnaŋi mi kewö jim tuarimam. Suepkö bemtohoŋi mi kiŋ azi kembugö dop albi kewö akza: Kiŋnõŋ welenqequeurupŋi eŋgohola moneŋini galöm kölgeri, mianğö areŋ papiaŋi kondelget mindiŋgömapkörä kapaŋ kölök.

²⁴ “Mewö kõnahiba moneŋaŋgö kösohotŋi kewöta mindiŋgögetka mianğöreŋ azi kun waŋgita kagetka yaŋgö jeŋe kinök. Tosaŋi 10 milyõn kina mi yaŋgöreŋ ahöyök.²⁵ Mi ahöyökmö, tosaŋi mi mekömamgöra moneŋi qahö dop köli osiyohaŋgöra aka ketaŋamŋan kinda kewö jim kutuyök, ‘Sukinaŋi ahözawi, mi pakpak mönõ söŋgörüŋi memegöra alme. I aka anöm-morõŋi i mewöyök mönõ söŋgörüŋini memegöra algetka moneŋ kaiga mianğõn tosaŋi mi meköme.

²⁶ “Mewö jim kutuiga welenqegeŋan wösõŋe eta simin köla sipköba kewö ulet waŋgiyök, ‘Gi mönõ urukönöp kude aka mökösoŋda mamböt niŋginõŋga göhöreŋ tosaŋi pakpak mi ölop meköm gihimam.’²⁷ Mewö ulet waŋgiiga ketaŋamŋan welenqegeŋaŋgöra wösö mötmöt aka tosaŋi mi kutuba mosöta pösari erök.²⁸ Erökmö, yaigep anda mianğöreŋ welenqege alaŋi kun miwikŋaiba ehök. Yaŋgö tosaŋi mi silim 100:kö töwaŋi (Kina500,-)

* **18:22:** 70 taims 7 = 490. Mianğö dop alagahö siŋgisöndokŋi mi mönõ qösösök mosötman.

mianğö dop yanğöreñ ahöyök. I eka memba jölñi köhöikñanök mözöhöla kewö jiyök, ‘Nöñğöreñ tosa göhöreñ ahözawi, mi mönö meköm niñgiman me?’

²⁹ “Mewö jiiga welenqeçe alañan wösöñe eta simin köla sipköba kewö ulet wañgiyök, ‘Gi mönö urukönöp kude aka mökösoñda mamböt niñginöñga göhöreñ tosagi mi ölop meköm gihimam.’

³⁰ “Mewö jiyökmö, yañön mi tököba anda jii memba jöhöba kösö mire alget tari tosañi mekögetka etma. ³¹ Yuai mi asuhuiga welenqeçe alaurupñan tandök mi eka uruñinan kömbuhiiga wösöbirik möta anda mianğö kösohotñi mi körek ketañamñinanğöra jigetka mörök.

³² “Mi möta ketañamñinan welenqeçe mutukñi mi qeri jeñe kañgoriga kewö jii mörök, ‘Gi nup meme azi bölöñi! Gi tosagi kutuba mosöt mamgö qesim niñginöñga nöñön mi pakpak mosöt gihizal. ³³ Nöñön gehoriba ak kömum gihibiga göñön mewöyök mianğö dop welenqeçe alagi ak kömum wañginöñga dop kölbawak.’

³⁴ “Ketañamñan mewö jiiga irimñi seholiiga welenqeçe mianğö keuñi jim teköba kösö mirigö galöm yeñgö böröñine al wañgiiga sihimbölo gwötpuk möta tatma. Mianğöreñ tata tosañi kiñğöreñ ahöyöhi, mi pakpak meköm teköiga etma. ³⁵ Söpsöp keu kianğö ölñi kewö: Inini mohot mohot alañinanğö siñgisöndokñi uruñinan qahö mosötme ewö, nöñgö Sup Iwinan mönö mewöyök keu mianğö dop ak eñgima.” Mewö.

*Awanöm anğömosötmosötkö keuji**Mak 10.1-12*

¹ Jisösnöŋ keu mi jim teköbagun Galili prowins mosöta Jordan o kutuba likepŋe anda mötöteiba eta kunbuk o mi kutuba Judia prowinsnöŋ kayök.

² Kaiga ambazip kambulelebenöŋ wuatangöba kagetka mianğöreŋ mem ölöwak enğiyök.

³ Mem ölöwak enğiiga Farisi (Köna keugö kapankölköl) tosatŋan yangöreŋ kaba keugö bötaknöŋ örömapkö esapköm wangiba kewö qesim wangiget, “Azinöŋ könaŋi i me waigöra anömŋi mosötmawi, mi Köna keu oŋgitma me qahö?”

⁴ *Qesim wangigetka melenđa kewö jiyök, “Miwimiwikŋai Toŋan lök könakönahiŋeyök i ‘azi aka ambi malmegöra miwikŋaim enğiyök.’ Buŋa keu mi oyoŋget me qahö? ⁵ *Miwikŋaiba kewö jiyök, ‘Mianğöra azinöŋ mönö iwinamŋi etkömosöta anömŋangöreŋ anda qekötahöiga yetkön sile mohot aka malmahot.’ Keu mi oyoŋget me qahö? ⁶ Mewö aka toroqeba yahöt qahö akzahotmö, sile mohot aka malmahot. Anutunöŋ azi aka ambi mindirim etkiyöhi, ambazip kunöŋ mönö i kude menden etkima.”

⁷ *Mewö jii möta kewö jiget, “Azinöŋ anğömosötmosöt papia ohoba anömŋi ölop mosötma. Mosesnöŋ mönö wuanöŋgöra keu mewö jim kutum nenğii ahöza?” ⁸ Mewö jigetka kewö jim enğiyök, “Mosesnöŋ mönö uruköhöikŋinanğöra aka anömŋi mosötmapkö keu mewö jim kutuyökmö, könakönahiŋeyök mewö qahö ahöyök. ⁹ *Nöŋön

* **19:4:** Jen 1.27; 5.2 * **19:5:** Jen 2.24 * **19:7:** Dut 24.1-4;

Mat 5.31 * **19:9:** Mat 5.32; 1 Kor 7.10-11

kewö jibi mötme: Anömñan qesabulum qahö ahiga töndup wuatangöba ambi kun memawi, yañön mönö sero yongorö akña. Kunñan ambi mosötmosötñi memawi, yañön mönö sero yongorö akña.”

¹⁰ Jisösnöñ mewö jüiga gwarek yeñön jiget, “Awanöm sutñire angömosötpitkö songo mewö ahöza ewö, mönö awanöm qahö ahinga dop köлма.”

¹¹ Mewö jigetmö, Jisösnöñ kewö melenök, “Miangö keuñi kusum engizali, ambazip körekñan mi nanninangöra angön köla miangö dop ölop qahö akñemö, Anutunöñ keu mi ambazip tosatñi yeñgöra engiyöhi, yeñönök mönö miangö dop akñe. ¹² Miangö könañi kewö: Tosatñan nam körö uruñe ahuba miangöreñök könahiba awanöm akingö qahö mötze. Tosatñan ambazipnöñ silenini yandiba * kondot engigetka awanöm akingö dop qahö akze. Tosatñan Suep bemtohonangöra aka awanöm qahö akingö keuñi jim jöhöba keuñini mi wuatangömakze. Kunñan keu mia me mia möt angön köla wuatangömangö dop akzawi, yañön mönö miangö dop akña.” Mewö.

Jisösnöñ nahönbörat kötuetköm engiyök.

Mak 10.13-16; Luk 18.15-17

¹³ Nalö miangöreñ tosatñan nahönbörat morömorö enguangita Jisösnöñ böröñi nöropñine ala köulukömapköra yangöreñ kagetmö, gwarek yeñön ambazip mi jim qetal ak engiget. ¹⁴ Mewö aketka Jisösnöñ kewö jiyök, “Nahönbörat moröñi mi ölop engömosötketka nöngöreñ kame. Suepkö

* **19:12:** Azi kötñi kölkölgöra jiza.

Toŋan ambazip mewö mia bemtohoŋi buŋa qem enjima. Mianğöra i kude jöhöm enjime.” ¹⁵ Mewö jiba böröŋi nöröpŋine ala enğömosöta kungen anök. Mewö.

Jisösnöŋ azi pomŋi kungö qambaŋ keu jiyök.

Mak 10.17-31; Luk 18.18-30

¹⁶ Nalö kungen azi kunöŋ Jisösgöreŋ kaba kewö qesim waŋgiyök, “Böhi, nöŋön ahakmeme ölopŋi denöwö aka malmal köhöikŋaŋgö buŋa qem aŋgubilenjak?” ¹⁷ Qesim waŋgiiga kewö jii mörök, “Ahakmeme ölopŋi denöwö, wuanöŋgöra mewö qesim niŋgizan? Mohot-kunŋan mönö ölopŋi akza. Malmal köhöikŋe aŋgotmamgö mötman ewö, mönö jöjöpaŋ keu tem köla malman.”

¹⁸ *Mi möta kewö jii mörök, “Wani jöjöpaŋ keugöra jizan?” Jisösnöŋ mi möta jiyök, “Mönö ki, ‘Ambazip kun kude qeŋöŋ kömuma, Sero yoŋgorö kude akŋan, Yoŋgorö kude meman, Jitnöŋ alal keu kude jiman, ¹⁹ *Iwinamgi mönö göda qem etki-makŋan, aka ‘Nangi jöpaköm aŋgumakzani, mianğö dop mönö ambazip pakpak jöpaköm enjimakŋan.’ ”

²⁰ Mewö jiiga azi gwabönöŋ kewö jiyök, “Mi pakpak mönö tem köla mala kotzal. Wanigöra kunbuk osizal?” ²¹ Mewö jiiga Jisösnöŋ jiyök, “Gi aködamungabuk malmamgö mötman ewö, mönö anda sukinapki söŋgöroŋi memegöra alnöŋ monen kaiga ambazip wanapŋi enjiman. Mewö aknöŋga sukinapki ketani (guli masapu, milyön Kina ewö) mi Sup mire ahöm gihima. Mewö aka ni nu-ataŋgöba kaman.”

* **19:18:** Eks 20.13-16; Dut 5.17-20 * **19:19:** Eks 20.12; Dut 5.16; Lew 19.18

²² Mewö jiyökmö, gwabönöŋ keu mi möta suk-
inapŋi gwötpuk ahöyöhaŋgöra aka wösöbirik möta
jenŋi asöliiga öne mosöta anök. Mewö. ²³ Mosöta
aniga Jisösnöŋ gwarekurupŋi kewö jii mötket,
“Nöŋön keu ölnŋi kun kewö jibi mötme: Yei! Am-
bazip pomŋi yeŋön mönö Suepkö bemtohoŋnöŋ
aŋgotpingö lömböriba kupuk-kapak akŋe. ²⁴ Mi
kewö jim tuarimam: Sömbup ketanŋi kamel mi
kondi kinimŋe ölop qahö aŋgotma. Mianŋö dop
ambazip pomŋi yeŋön Anutugö bemtohoŋ uruŋe
aŋgotpingö lömböriba qaköme.”

²⁵ Mewö jii möta gwarek yeŋön aurum
tililingöba kewö jiget, “Opoŋon! Ambazip danŋön
mönö Suepkö buŋaya akawak?” ²⁶ Mewö jigetka
Jisösnöŋ uba enŋeka kewö jiyök, “Ambazipnöŋ mi
esapköba osiba qakömakzemö, Anutunöŋ mönö
yuaŋi pakpak ölop ahakza. Yanŋön yuaŋi kun aka
memangö qahö osiba qakömakza.” Mewö.

Jisösgö nup memegö töwanŋi

²⁷ Pitönöŋ keu mi möta melenŋa kewö jiyök,
“Mötnöŋ, neŋön mönö yuaŋi pakpak mosöta gi
guatanŋöba kain. Mianŋö likepŋi mönö wani yuaia
membin?” ²⁸* Mewö jiiiga Jisösnöŋ kewö jii mötket,
“Nöŋön keu ölnŋi kun kewö jibi mötme: Yuaŋi pakpak
kölonŋaiiga Suep gölmegö azi ölnŋan jakömbuak
dumŋe tari asakmararaŋan asarimawi, nalö
qainŋi kun mianŋöreŋ ni nuatanŋöba kageri, enŋön
mönö mewöyök jakömbuak dum 12 mianŋöreŋ tata
Israel kambu 12 yeŋö keuŋini kewöta jim teköme.

²⁹ “Kunŋan nöŋgö qetnaŋgöra aka yuaŋi
kun mosöröhi, - mi jike mirinŋi, darumunŋi,

* **19:28:** Mat 25.31; Luk 22.30

nenbehötņi, iwinamņi, nahönböratņi me nup kisiņi - mi engömosöriġa Anutunöġ mönö miangö likepņi onġita melenġ wangiġa sehima. Mewö sehiġa malmal köhöikņi teteköņi qahö buņa qem anġuma. ³⁰ *Mewö asuhumapmö, mutukņi engörenöġ gwötpukņan dagibezupņi aketka dagibezupņi yengörenöġ gwötpukņan mutukņi akņe." Mewö.

20

Wain nup meme ambazip yengö dopkeu

¹ Jisösnöġ jiyök, "Suepkö bemtohoņi mi kewö: Gölme toni kunöġ söġanök wahöta yaigep anda azi tosatņi enġeka wain nupņe monenġ nup memegöra qesim enġiyök. ² Qesim enġiġa 'Ölöp,' jigetka silim mohotkö töwanġini (Kina 5) enġimapkö urumohot aketka melaim enġiġa wain nupņe anget.

³ "Angetka 9 kilok miangö dop aġa kunbuk toroqeba anda azi tosatņi maket sombemņe önewat kingetka enġehök. ⁴ Enġeka kewö jii mötket, 'Inġini mönö mewöyök nöġgö wain nupne anda nup megetka töwanġini dopņeyök enġimam.'

⁵ "Mewö jiiġa wain nupņe anget. Angetka 12 kilok aġa kunbuk anök aka mare 3 kilok miangö dop dumņe kunbuk yaigep anda mewöġanök ahök. ⁶ Mewö aka mare 5 kilok miangö dop yaigep anġa azi tosatņi dumņe kunbuk öne laņ kingetka enġehök. Enġeka kewö qesim enġiyök, 'Inġini mönö wuanöġgöra silim köröp ki öne malje?'

⁷ "Mewö qesim enġiġa kewö melenġet, 'Kunņan monenġ nup membingöra qahö qesim nenġiza.

* **19:30:** Mat 20.16; Luk 13.30

Miaŋgöra öne ki kinjin.’ Melengetka kewö jii mötket, ‘Inini mönö mewöyök nöŋgö wain nupne anda nup meget.’ ⁸*Nup megetka mare aiga wain nup toŋan nup galömnji öröba kewö jii mörök, ‘Gi mönö nup meme azi enghohola töwaŋini enghiman. Mare qöndökŋi kazei, yeŋgöreŋök könahiba enghiba anda söŋanök kazei, yeŋgöreŋ teköman.’

⁹ “Mewö jiiga mare 5 kilok nupnöŋ kageri, yeŋön kaŋgotketka silim mohotkö töwaŋi (Kina 5) mi mohot mohot enghiga meget. ¹⁰ Mutuk nupnöŋ kageri, yeŋön kaŋgota töwaŋini onghita memegöra mötmörigetmö, i mohot mohot mewöyök silim mohotkö töwaŋi (Kina 5) enghiga meget. ¹¹ Töwa mohot miyök memba könahiba gölme toŋaŋgöra uruŋinan ihururuk möta jimongot ak waŋgiba kewö jiget, ¹² ‘Nini wehönngöra nöŋgöp ariba nupkö lömbötŋi bisizinmö, azi mi dölök-kun nup memegöra qesim enghizan. Yeŋön aua mohotkungö dop nup mezemö, göŋön töndup yeŋgöra mötmöriŋga nembuk öröröŋ akze. Mi qahö dop kölja.’

¹³ “Mewö jigetmö, yeŋgöreŋök kungöra kewö melennda jiyök, ‘Alani, ni göbuk keu jiba silim mohotkö töwa (Kina 5) gihimangö urumohot akzit. Miaŋgö dop töwa miyöhök gihibiga dop kölja. Mönö mi mötmöriman. ¹⁴ Urugi miaŋgöra bölipapukmö, mönö nangi töwagi memba anman. Azi dölök-kun nup memegöra qesim enghizali, yeŋgöra mewöyök töwa gihizali, mönö miyök enghimangö mötzal.

¹⁵ “Nani moneŋnöŋ nani sihimnaŋgö dop akiga

* **20:8:** Lew 19.13; Dut 24.15

dop kölja me qahö? Nöñön ekbonep qahö akiga urugan auiga jegi bosoleiza me? ” 16*Jisösnöñ keu mi jim teköba kewö jiyök, “Miangö dop qöndökñi yeñön mutukñi aketka mutukñi yeñön qöndökñi akrje.” Mewö.

Jisösnöñ kömumamgö keuñi jiiga karöbut ahök.

Mak 10.32-34; Luk 18.31-34

17 Jisösnöñ Jerusalem sitinöñ öngöbingöra gölme köna angetka gwarekurupñi 12 mi öröm enjiba görañe anda kewö jii mötket, 18 “Mötket, nini Jerusalem öngöbin. Miangöreñ kunñan Suep gölmegö azi ölni mamalolo mem wañgiiga jike nup galöm aka Köna keugö böhi yeñgö böröñine gema. Yeñön kömumapkö keuñi jim teköba 19 kian gawman yeñgö böröñine al wañgime. Al wañgigetka mepaiköba ihilek wahiñambukñöñ tauköm wañgime. Tauköm wañgiba maripomñöñ qegetka kömuma. Kömumba wehön karöbut aiga kömupnöñök wahötma.” Mewö.

Jeims Jon namñiran yuaigöra ulerök.

Mak 10.35-45

20 Nalö miangöreñ Zebedigö nahönyahöt yetkö namñiran nahönyahötñi yetpuk Jisösgöreñ kaba simin köl wañgiba yuai qainñi kungöra uletmamgö jiyök. 21 Mewö jiiga qesim wañgiyök, “Gi wani yuai akñamgö mötzan?” Qesim wañgiiga kewö jiyök, “Göñön ölop jim kutunöñga nöñgö nahönyahötñi kietkön mönö göhö bemtohoññöñ eu öngöba kunöñ börögi ölnje aka kunñan börögi qaniñe tata yuai pakpak galöm kölbeak.”

* **20:16:** Mat 19.30; Mak 10.31; Luk 13.30

²² Mewö jiyökmö, Jisösnöŋ melenđa kewö jiyök, “Inini mianğö könaŋi qahö möt yaköba uletze. Nöŋön qambi kakŋambuk nemami, iniri mi ölop namba sihimbölö mötmahot me qahö?” Mi möta “Ölop nembit,” jiyohot. ²³ Jiyohotka kewö jii mörohot, “Mi ölŋa! Nöŋön qambi kakŋambuk nemami, iniri mi mewöŋanök nemahotmö, nöŋö böröni ölŋe me qaniŋe daŋön tatmahori, nöŋön keu mi jim kutumamaŋö dop qahö. Nöŋö Iwinan dum yahöt mi denike yetköra mözözömgöyöhi, mi mönö yetköra etkiiga nömbuk tata galöm kölmahot.” Mewö.

Galöm ölŋan mönö welenqeqeya akza.

²⁴ Darumun yahöt yetkön mewö ulerohotka alaurupŋi 10 yeŋön mi möta urubölö aket. ²⁵ *Mewö aketmö, Jisösnöŋ eŋgoholi kagetka kewö jii mötket, “Gölmegö kantriŋi kantriŋi mienğö jembonŋinan mönö azi kembu tandök ak eŋgimakze. Yeŋö ketaŋamŋinan mönö keu jim kutuba mindiŋgöm eŋgiba kukösumŋini kondelakze. Inini könaŋini mi ölop mötze. ²⁶ *Eŋö sutŋine silik mewö ahöbapukmö, kunŋan eŋö sutŋine ketaŋamŋini akŋamğö mötzawi, yaŋön mönö welen qem eŋgiba malma.

²⁷ “Mewöyök kunŋan eŋö sutŋine mutukŋi mal-mamğö mötzawi, yaŋön mönö eŋö nembö bapŋine mala welenqeqeŋini omaŋi akŋa. ²⁸ Suep gölmegö azi ölŋan mönö mewöyök silik mewöŋi kondela nanŋi welen qem waŋgimegöra aka qahö kayök.

* **20:25:** Luk 22.25-26 * **20:26:** Mat 23.11; Mak 9.35; Luk 22.26

Qahöpmö, mönö welen qem engiba ambazip sehisehini yenjö sohopñini memamgöra aka eta malmalñi kölenđa mosötma.” Mewö.

Jisösnöñ jegömöl azi yahöt mem ölöwak etkiyök.

Mak 10.46-52; Luk 18.35-43

²⁹ Jisösnöñ gwarekurupñi yembuk Jeriko siti mosötpingö aketka ambazip kambulelebenöñ enğuatañgöba andöñine kaget. ³⁰ Mewö kagetka jegömöl azi yahöt köna jitñe tarohot. Tarohotka “Jisösnöñ neñgonñitmamgö akza,” jiget möta kewö qerohot, “Kembu Deiwidkö gwölöñarökñi, mönö ak kömum netkinöñ!”

³¹ Mewö qerohotka ambazip kambu yeñön keu bök tatmahotköra qetal etkigetmö, yetkön mönö kapañ köla kewö qerohot, “Kembu Deiwidkö gwölöñarökñi, mönö ak kömum netkinöñ!”

³² Mewö qerohotka Jisösnöñ dörök ala yangören kamahotköra qeri kayohotka kewö qesim etkiyök, “Alayahötni, nöñön wani yuai ak etkimamgöra mötzahot?”

³³ Mewö qesim etkiiga kewö jiyohot, “Kembu, niri jeniri kunbuk ubitköra mötzit.” ³⁴ Mewö jiyohotka Jisösnöñ yetköra wösöñi möta jeñiri misirii miangörenök tohoiga uba Jisös wuatangöba andöñe anohot. Mewö.

21

Jisösgöra köirañ kölgetka Jerusalem öngöyök.

Mak 11.1-11; Luk 19.28-40; Jon 12.12-19

¹ Jisösnöñ gwarekurupñi yembuk Jerusalem siti dopdowiba Oil ip kundunje Betfage mirinöñ kaget. Kaba gwarekyahötñi yahöt melaim etkimamgöra

aka ² kewö jii mörohot, “Miri wösöñire tatzawi, mönö mianğöreñ anmahot. Anda mianğöreñ anğota doñki ambiñi kösönöñ jöhöget kinjawi aka doñki moröñi mi mianğöreñök miwikñaim etkimahot. Mi mönö pösat etkiba memba nönğöreñ kama-hot.

³ “Pösarohotka kunñan keu kun jiiga kewö jimahot, ‘Kembu-niran mönö mianğöra osiza.’ Mewö jiyohotka doñki mi zilañ al etkiiga ki kama-hot. ⁴ Anutunöñ keu kun kezapqetok azi kungö uruñe ali jiyöhi, mianñön ölñambuk akñapköra mewö asuhuyök. Keu mi kewö,

⁵ * “O Jerusalem ambazip Zaion kundunji liliköba maljei, yeñğöra mönö kewö jigetka mötme, ‘Mötket, eñgö kiñ kembuñinan mönö eñğöreñ asuhuma. Yañön guñbönjönjön aka doñki qakñe tata kama. Doñki lömböt bisimakzawañgö moröñi mianğö qakñe tata kama.’ ”

⁶ Jisösnöñ gwarekyahötñi melaim etkiiga anda keu jiyöhañgö dop ahot. ⁷ Yetköñ doñki ambiñi moröñambuk etkömembra kayohot. Kayohotka malukuñini qeköba doñki qakñire algetka Jisösnöñ moröñañgö qakñe öñgöba tarök.

⁸ Mewö tata aniga ambazip kambulelembenjan göda qeba malukuñini qeköba köna namñe tumbulgetka tosatñan ip uruñe anda böröñi qezuñgata köna namñe tumbulget. ⁹ * Tumbulgetka ambazip kambu jeñe köl öröba angeri aka andöñe wuatañgöba kageri, yeñön kewö jiba qetket, “Hosana! Anutu möpöseizin. Deiwidkö gwölönarökñi owe

* **21:5:** Zek 9.9 * **21:9:** Sum 118.25, 26

owe! Kembangö qetne kamawi, Anutunöŋ mönö i kötuetköma. Hosana! Qetbunagi möpöseininga euyangörej öngöza! Owe owe!”

¹⁰ Mewö qetketka Jerusalem sitinöŋ öngöba sitigö ambazip körekjan auruba göjupmajup aka kewö qesiget, “Azi ki mönö ninja?”

¹¹ Qesigetka ambazip kambulelembe yeŋön kewö melenget, “Yaŋön mönö kezapqetok azi Jisös, Galili prowinsgö Nazaret mirigöra.” Mewö.

Jisösnöŋ jöwöwöl jike jim kömbuhiyök.

Mak 11.15-19; Luk 19.45-48; Jon 2.13-22

¹² Jisösnöŋ jöwöwöl jikegö tohon uruŋe anök. Miangörej ambazip engehiga inap bohonŋi memegöra algetka söngöröŋi megeri, yaŋön mi pakpak közöl engiiga etket. Moneŋ utekutek ambazip yeŋgö jakeŋini metali anget. Mewöyök kembö bohonŋini memegöra algeri, miengö dum tatatŋini mi tok tötaliga anget. ¹³*Mewö aka kewö jii mötket, “Aisaianöŋ keu kun kewö ohoi ahöza, ‘Nöngö jikenan mönö köulukö mirinina akŋapkö qetme.’ Keu mi ahözapmö, inini mi utekögetka kegwek-kahasililiŋ yeŋgö banjet ewö akza.”

¹⁴ Mewö aiga jegömöl aka simalokon ambazip jöwöwöl jikenöŋ yaŋgörej kagetka mem ölöwak engiyök. ¹⁵ Mewö asuhuyökmö, jike nup galöm aka Köna keugö böhi yeŋön angöletot meyöhi, mi eket aka nahönbörat jöwöwöl jikenöŋ qeta “Hosana! Deiwidkö gwölönarökŋi owe owe!” jigeri, mi engeka urubölö aket.

* **21:13:** Ais 56.7; Jer 7.11

16 *Urubölö aka kewö jim wanğiget, “Morö mi keu qetzei, mi mötzan me qahö?” Jim wanğigetka kewö melenğ enğiyök, “Ölöp mötzal. İnini nalö kungen Buña keu ki oyoğget me qahö, ‘Göñön mönö nahönbörat aka morösepep juzu nemakzei, mi kusum enğinönga nangi törörök möpöseim gihi-makze.’”

17 Mewö jiba enğömosöta siti mosöta mare aiga Betani anda ahöyök. Mewö.

Jisösnöñ fig ip kun qesuahöiga ululunğöyök.

Mak 11.12-14, 20-24

18 Ahöba söñanök wahöta kunbuk sitinöñ anda nenegö kömuyök. 19 Nenegö kömumba köna jitrje fig ip * kun eka miangö könañe anök. Anökmö, ölni qahö miwikñaiiga sinñanök kiniga ehök. Mewö eka ip mi kewö jim wanğiyök, “Göñön mönö nalö kunöñ ölgü kunbuk kude kuñguman.” Mewö jim wanğiiga fig ip mianön mönö mianğöreñök ululunğöyök.

20 Ululunğöiga gwarekurupñan mi eka auruba kewö jiget, “Fig ipnöñ mönö denöwö ösumok ululunğöza?” 21 *Jigetka Jisösnöñ kewö melenñök, “Nöñön keu ölni kun kewö jibi mötme: Mötnarip töp memba uruyahöt qahö akeak ewö, fig ipköra yuai asuhuzawi, inini miyök qahö akeakmö, ki mewöyök ölop akeak: Kunduñi kianğö toñanğöra kewö jim kutubeak, ‘Mönö kunduñi ki qeköba wahöta anda köwetnöñ alman.’ Mewö jim kutuba Anutu möt nariiga mönö mianğö dop ahuma.

* **21:16:** Sum 8.2 * **21:19:** Fig mi sambu ipkö alañi kun. Mi nupñine kömötkeka kötni nahömñinambuk asuhugetka gwötpuk nemakze. * **21:21:** Mat 17.20; 1 Kor 13.2

22 Wani yuaigöra qesiba köulukömei, mi pakpak buña qem anğubingö möt narigetka mönö buñañini akña.” Mewö.

Jitnememe yeñon Jisösgö kukösumñangö qesiget.

Mak 11.27-33; Luk 20.1-8

23 Jisösnöñ jöwöwöl jikegö tohoñ uruñe anda ambazip kusum enğiiga jike nup galöm aka kantrigö jitnememe tosatñi yeñon yangören kanğotket. Kanğota kewö qesim wañgiget, “Gi kiangören yuai akzani, mi mönö dañon jim kutum gihiiga ahakzan? Mianğö kukösumñi mi dañon gihiyök?”

24 Qesim wañgigetka kewö melen enğiyök, “Nöñon mewöyök keu kun qesim enğimam. Mi melen niñgime ewö, nöñon mewöyök dañon kukösum niñgiiga yuai ki ahakzali, mi jibi mötme.

25 Jonöñ ambazip o-melun mem enğiba malöhi, yañon mianğö kukösumñi mi denikeyök meyök? Suep Toñan wañgiyök me gölme toñan wañgiget?” Mewö qesim enğiiga sutñine eraum möta kewö jiget, “‘Kukösumñan Suepnöhök asuhuyök,’ mewö jibin ewö, yañon mönö kewö jima, ‘Inini mönö wuanöngöra Jon qahö möt narim wañgiget?’ Mi qahö dop kölja.

26 “Me ‘Gölme ambazipnöhök asuhuyök,’ jibin ewö, neñon mönö ambazip kambu yeñgöra kenğötnini möta osibin. Könagesö pakpak yeñon mönö Jongöra ‘Kezapqetok azia akza,’ jiba malje.”

27 Keu mewö kewöta Jisösgöra kewö melenget, “Mi qahö mötzin.” Mewö melengetka Jisösnöñ kewö jii mötket, “Mewö aiga nöñon mewöyök yuai ki

ahakzalaŋgö kukösumŋi daŋön niŋgiyök, mi qahö jibi mötme.” Mewö.

Kungö nahönyahöt yetkö söpsöpkeu

²⁸ Jisösnöŋ söpsöpkeu kun kewö jiyök, “Inini keu kiangöra denöwö mötmörize? Azi kun nahönyahötŋi yahöt malget. Nalö kunöŋ iwiŋiran nahönŋi kungören anda kewö jiyök, ‘Nahöni, gi ölop merak nöŋgö wain kösö nupne anda nup meman.’

²⁹ “Mewö jiiga kewö melenök, ‘Ni töközal.’ Mewö jiyökmö, könaŋgep keuŋi miangö möt böliba elenda anda nup meyök. ³⁰ Miangö andöŋe iwiŋiran nahönŋi kungören anda nahönŋi mutukŋangö jiyöhi, keu miyök jii mörök. Mi möta keu kewö jiba melenök, ‘Oŋ! Ketaŋamni, ölop anmam.’ Mewö jiyökmö, töndup qahö anök.”

³¹ Jisösnöŋ mewö jiba qesim engiyök, “Yahöt yetkörenök daŋön mönö iwiŋiraŋgö jitŋi tem kölök?” Mewö qesim engiiga kewö melenget, “Nahönŋi mutukŋi yaŋön.” Mewö melengetka kewö jii mörök, “Nöŋön keu öl töhöŋŋi kun kewö jibi mötme: Takis meme ambazip tilipqilipŋinambuk aka köna ketaŋi ambi yeŋön mönö inini engoŋgita mutuk Anutugö bemtohon uruŋe öŋgöme.

³² *“Keu miangö könaŋi kewö: Jon O-melun azinöŋ engören kaba Anutugö jeŋe solanibingö könaŋi kondeliga inini yaŋgö keuŋi mi qahö möt narigetmö, takis meme ambazip tilipqilipŋinambuk aka köna ketaŋi ambi yeŋön mönö i möt narim waŋgiget. Yeŋön i möt narim

* **21:32:** Luk 3.12; 7.29-30

wanğigeri, inini mi eka töndup könanğep mewöyök nanñini qahö möt bölim anğuba elenđa i qahö möt narim wanğiget.” Mewö.

*Wain kösö nup galöm bölöni miengö dopkeu
Mak 12.1-12; Luk 20.9-19*

³³ *Jisösnöñ jiyök, “Dopkeu kun kewö mötme: Gölme toni kunöñ wain kösö nup kun köla kömörök. Köla kömöta selñi memba liliköyök. Mem liliköba kötnöñ wain jout ketanñi kötnöñ meyök. Miangören wainğö ölni ala könanöñ tözöhölget oñan lalanöñ geyök. Wain jout ketanñi mi kötnöñ memba wain yonğorö membepuköra galöm meme jake köröñni köwenambuk meyök. Yuai pakpak mem teköba wain nup galöm tosatñi miwikñaim enğiba kewö jiyök, ‘Mönö nup memba ölnanğö bahöñi nanñini memba bahöñi toni ni niñgime.’ Mewö jiba nup mi böröñine ala enğömosöta kantri kunöñ anda malök.

³⁴ “Mala mali ölni öliyöhanğö nalöñi (yambu 5) töriiga miangören welenqeçeurupñi kun melaim enğiiga galöm yenğören anda wain nup ölnanğö bahöñi wanğimeğöra jiget. ³⁵ Jigetmö, galöm yenön i enğömemba jöhöba tosatñi kömbinöñ sepgwörörök enğuba tosatñi enğuget kömugetka tosatñi kötnöñ gila enğuget kömuget. ³⁶ Miangö andöñe welenazi tosatñi toroqeba melaim enğiiga gwötpuk aketmö, i mewöñanök öröm ureim mem enğiget.

³⁷ “Mewö aketka wain nup toñan keu jaruba jiyök, ‘Nani nahöni mönö göda çem wanğime me denöwö?’ Mewö jiba qöndökñi mi nahönña melai-iga yenğören anök. ³⁸ Anökmö, wain nup galöm yenön nahönñi eka sutñine kewö eraum möta jiget,

* **21:33:** Ais 5.1-2

‘Yeñön mönö börösamotñangö tonji akña. Ayop, mönö memba qein kömuiga wain kösö nupñan mönö nanine buñanina akña.’

³⁹ “Mewö jiba memba jöhöba gilgetka nup yaigepñe geiga qeget kömuyök. ⁴⁰ Wain nup tonjan mi möta kaba nup galöm mi mönö denöwö ak engima?”

⁴¹ Jisösnöñ mewö qesiiga kewö jiget mörök, “Galöm bölöñi mi mönö köndenða yayiapaleleñ mem engima aka nup galöm dölökñi miwikñaim engiba wain kösö nupñi yeñgö böröñine alma. Yeñön ölni ölimawanğö nalöñe bahöñi törörök wanğimakñe.” ⁴² *Jisösnöñ mi möta kewö jii mötket, “Buña Kimbigö keu ki nalö kungen oyonget me qahö, ‘Miri meme yeñön köt tandö kun andö qeba öne mosötket taröhi, mianñön mönö tandö kömbönañi aiga miwikñaiget. Mianñön tingiriga mirinöñ gororongöba eta kölma. Kembunöñ tandö mi kuñguiga jeninan ehinga qetbuñabuk aiga welipkömakzin?”

⁴³ “Mianğöra kewö jibi mötme, Anutunöñ mönö bemtohoñi enğuanğita ambazip kambu kun enğiiga yeñön mianğö ölni ölop kuñgumakñe. ⁴⁴ Kunñan tandö bohonñi mianğöreñ tötöñgata eta qemawi, mi mönö silenji kutumutumapmö, ain tandö mianñön jöla tala kungö qakñe eta kölmawi, mi mönö körek qözömözö-zamgöma.”

⁴⁵ Jisösnöñ mewö jiiga jike nup galöm aka Farisi (Köna keugö kapañkölköl) yeñön dopkeuñi mi möta könañi möt asariba kewö jiget, “Mi mönö neñğöra jiza.” ⁴⁶ Mianğöra i memba jöhöbingö mötketmö,

* **21:42:** Sum 118.22-23

ambazip kambu yengöra kenğötjini möta osiget. Ambazip kambu yenjön Jisösgöra mötketka kezapqetok azia ahök. Mewö.

22

Maren lömbuaᅅgö söpsöp keu

Luk 14.15-24

¹ Jisösnöᅅ kunbuk könahiba söpsöp keunöᅅ keu kewö jiyök, ² “Suepkö bemtohoᅅi mi kianğö dop akza: Kiᅅ azi kembunöᅅ nahönᅅaᅅgöra maren lömbuaᅅ areᅅgöba mözözömgöyök. ³ Mözözömgöba welenqeᅅeurupᅅi melaim eᅅgiba kewö jiyök, ‘Nöᅅön ambazip tosatᅅi maren lömbuaᅅnöᅅ kamegö mötzal. Inini mönö yengöreᅅ kolek anda kamegö jiget mötme.’ Mewö jii anda jigetmö, ambazip mienjön mi möta kabingö tököba taᅅqaᅅaᅅ aket.

⁴ “Mianğö andöᅅe welenqeᅅeurup tosatᅅi kunbuk melaim eᅅgiba kewö jiyök, ‘Ambazip kamegöra jiali, mönö yengöreᅅ anda kewö jime: Mötket, nöᅅön lömbuaᅅgö neneᅅamni lök mözözömgöbiga tatza. Nöᅅgö bulmakau aᅅiᅅi aka bulmakau tosatᅅi gumohom eᅅᅅinga kelökᅅinambuk akeri, mi eᅅguba ohom qeraköinga yuai pakpak lök jöjöröba ahöza. Inini mönö maren lömbuaᅅnöᅅ kaget.’

⁵ “Mewö jii angetka ambazip mienjön keu mianğö kezap qahö algetmö, nöᅅönᅅan aka laᅅaᅅ anget. Tosatᅅan nene nupᅅine angetka tosatᅅan kölköl-örörö nupᅅine anget. ⁶ Tosatᅅan kiᅅgö welen-qeᅅeurupᅅi qelanjiba eᅅgömemba öröm ureim ak eᅅgiba eᅅguget kömuget. ⁷ Kömugetka kiᅅgö irimᅅi seholiiga yarö kambuᅅi melaim

enjiiga anda kinda enjuget kömükömu azi mi könden enjiba taon mirinjini mi ohogetka jeyök.

8 “Miangö andöne kiñnön welenqeœurupni yengöra kewö jiyök, ‘Maren lömbuan mözözömgöinga jöjöröba tatzapmö, ambazip kamegöra jiali, yeñön mönö sösöngainön kakagö dop ölöpnj qahö akze. 9 Miangöra injini mönö köna soñanön aka miri sombemñi sombemñi miangören anda ambazip mi me mi miwikñaim enjimei, i mönö maren lömbuanñnön kamegöra jiba kapan köla kuñgum enjime.’

10 “Mewö jüiga welenqeœurupñan mosöta könañi könañi miangören anda ambazip mi me mi miwikñaim enjigeri, mi körek pakpak öröm tokom enjiget. Ambazip ölöpnj aka bölönj mewöyök mi mewö kagetka maren lömbuan mirinön kokolak qeiga tebol liliköba tatket. 11 Tebol liliköba tatketmö, kiñnön i engekñamgöra kaba miangören azi kun maren lömbuanö maluku tuatñi qahö köli geiga ehök. 12 Azi mi eka kewö jii mörök, ‘Alani, gi maren lömbuanö malukuñi qahö löngöta töndup denöwögöra miri kianö uruñe kazan?’ Mewö jüiga azi miangön keuñi bököiga ölöñ tarök.

13 *“Mewö tariga kiñnön welenqeœurupni kewö jim kutum enjiyök, ‘Mönö azi mi memba köna börönj jöhöba yaigep gilgetka pandamanön gema.’ Miangören malmeanön mönö sahöt gigilahöba irimñini yöhözömgögetka qetñi qeri malme. 14 Keu miangö dop Anutunön ambazip sehisehñan kamegöra jiyökmö, awamdökñi yeñön keu mi möt anöñ köla kaba Anutunön

* **22:13:** Mat 8.12; 25.30; Luk 13.28

kambu möwölöhöm enjiyöhi, mönö yenjö sutnjine kaŋgotme.” Mewö.

Takis alalgö Jisös esapköm waŋgiget.

Mak 12.13-17; Luk 20.20-26

¹⁵ Mianjö andöŋe Farisi (Köna keugö kapaŋkölköl) yenön anda eraum möta Jisös qesiba keugö bötaknöŋ öröi gwaröhöm waŋgibingö arenji alget. ¹⁶ Mewö arenj ala gwarekurupŋi aka premiö Herodkö pati-alaurupŋi tosatŋi melaim enjigetka Jisösgöreŋ kaba kewö qesiba jiget, “Böhi, göŋön azi ölnji akzani, nini mi mötzin. Göŋön ambazip tosatŋi qahö engek soriba tosatŋi qahö qepureim enjimakzanmö, dop mohotnöŋ kewöt neŋjimakzan. Mianjöra kuŋgum gihigetka qahö goŋgiba ketanji qahö esuhum enjimakzanmö, Anutugöreŋ köna mi keu ölnjaŋgö dop kusum neŋjimakzan. Göŋön Anutugöreŋ keu diŋdiŋi mianjön öngöŋgöŋi eretŋi mohot pakpak jim qindiŋ ak neŋjimakzan. ¹⁷ Mianjöra keu kianjöra denöwö mötmörizan, mi jinöŋ mötpin. Nini sisa-kiŋgöra takis ala mianjön Mosesgö Köna keu siŋgibin me qahö?”

¹⁸ Mewö qesigetka arenjini munenji möt kutuba kewö jii mötket, “O urumelengö silesile azi, inini mönö wuanöŋgöra keugö bötaknöŋ al niŋgibingö esapköm niŋgize? ¹⁹ Ölop takis alalgö monenji kun kondel niŋgigetka eki.” Mewö jiiga silwö monenji (Kina 5) kun memba kaget.

²⁰ Kagetka kewö qesim enjiyök, “Dagöreŋ imut aka qet mi ki ohoget ahöza?” ²¹ “O mi sisa-kiŋgöreŋ,” mewö melenja jiget. Jigetka kewö jii mötket, “Mewö aiga yuai sisa-kiŋgö imutŋambuk buŋanji akzawi, mi mönö yaŋgöra al waŋgime. Yuai

kun Anutugö buŋaya akzawi, mi mönö Anutugö buŋa qeme.”²² Mewö jii möta yaŋgöra gwötpuk welipköba mosöta yaigep anget. Mewö.

Kömupnöhök wahötwahötkö Jisös esapköm waŋgiget.

Mak 12.18-27; Luk 20.27-40

²³ *Sadyusi (Jike nupkö kapaŋkölköl) yeŋön ‘Kömugeri, yeŋön kude wahötme,’ jiba malget. Nalö mianŋöreŋ yeŋgöreŋök tosatŋan Jisösgöreŋ kaba kewö qesim waŋgiba jiget, ²⁴ *‘‘Böhi, Mosesnöŋ kewö jim kutum neŋgiyök ahöza, ‘Azi kun ambi meiga nahönbörat qahö ahui kömuiga munŋan ölop malöŋi memba mala gwölönarök qiwikŋaim waŋgiiga datŋaŋgö qet bisiba malma.’²⁵ Mötnöŋ, nalö kunöŋ darumun 7 malget. Datŋini mutukŋan ambi memba mala gwölönarökŋi qahö öne mala kömuyök. Kömuiga munŋan malöŋi mi meyök.

²⁶ ‘‘Memba mala kömuiga munŋi kunŋan malöŋi mi meyök. Meiga mianŋö andöŋe munŋi kunöŋ ambi miyök meyök. Mewöŋa mewö darumun 7 pakpak yeŋön ambi mohok miyök memba gwölönarök qahö mala kömum teköget. ²⁷ Kömum tekögetka qöndökŋi malöŋini mi mewöyök kömuyök. ²⁸ Göŋön ‘Kömugeri, yeŋön guliba wahötme,’ jizanmö, nini mi qahö möt narizin. Mötnöŋ, azi 7 pakpak mi öröröŋ wahötpeak ewö, ambi mohok mi anöŋŋina meget malöhaŋgöra aka mönö dagö anöŋŋa akawak?’’

²⁹ Mewö qesigetka Jisösnöŋ melenđa kewö jii mötket, ‘‘Inŋini keu jim sohoze. Urumelenŋö Buŋa Kimbiŋi aka Anutugö kukösumŋi qahö

* **22:23:** Apo 23.8 * **22:24:** Dut 25.5

möt kutuzeangöra mönö janjuḡ ahakze. ³⁰ Ölnḡ, kömupnöhök wahöta nalö mianḡoreḡ awanöm qahö akḡemö, garata yeḡön Suep mire maljeangö tandök aka malme.

³¹ “Mötket! Kömugeri, yeḡön guliba wahötmegö keuḡi Anutunöḡ angöra jiyöhi, inini mi lök oyonget me qahö? Keu mi kewö, ³² *Nöhön Anutu Abrahamḡo Kembu, Aisakö Kembu aka Jeikobkö Kembuya mala kota maljal.’ Anutunöḡ kömukömuḡi yeḡö Kembuḡini qahöpmö, malmal köhöikḡi maljei, mönö yeḡö Kembuḡina malja.” ³³ Jisösnöḡ mewö ambazip kambu kusum engii möta welipköget. Mewö.

Jöjöpaḡ keu bohonḡi yahöt mi denöwö?

Mak 12.28-34; Luk 10.25-28

³⁴ Sadyusi (Jike nupkö kapaḡkölköl) yeḡön Jisös qesim waḡigetka melenḡa jim soroköiga keu bök akeri, mi Farisi (Köna keugö kapaḡkölköl) yeḡön möta kaba tokoget. ³⁵ *Yeḡöreḡök böhi kun Köna keu törörök möt kutuyöhi, yaḡön kaba Jisös bötak ala kewö qesim waḡiyök, ³⁶ “Böhi, Mosesḡo Köna keu uruḡe wani jöjöpaḡ keu mi bohonḡi ketanḡi akza?”

³⁷ *Qesim waḡiiga melenḡök, “Bohonḡi ketanḡi mi kewö, ‘Gi urugi jömukḡi, uḡagi jömukḡi aka mötmötki jömukḡi mianḡön mönö Kembu Anutuḡi jöpaköba malman.’ ³⁸ Mianḡön jöjöpaḡ keu bohonḡi aka mutukḡi akza. ³⁹ *Jöjöpaḡ keu mianḡö alanḡi kewö, ‘Nangi jöpaköm angumakzani, mewöḡanök mönö ambazip pakpak jöpaköm engiba malman.’

* **22:32:** Eks 3.6 * **22:35:** Luk 10.25-28 * **22:37:** Dut 6.5

* **22:39:** Lew 19.18

40 Jöjöpaŋ keu yahöt mi mönö Mosesgö Köna keu aka kezapqetok ambazip yeŋgö Buzup Kimbi pak-pak mienjö bohonnina akza.” Mewö.

Kraist mi kiŋ Deiwidkö Kembuni aka gwölönarökŋi.

Mak 12.35-37; Luk 20.41-44

41 Farisi (Köna keugö kapaŋkölköl) yeŋön kaba tokogetka Jisösnöŋ kewö qesim eŋgiyök, 42 “Inini Kraistköra denöwö mötze? Yaŋön mönö dagö nahönŋa akza?” Mewö jiiga melenđa jiget, “Mönö kiŋ Deiwidkö gwölönarökŋa akza.”

43 Jigetka jiyök, “Mewö akzapmö, denöwö aka Uŋa Töröŋan Deiwid sölölohöm waŋgiiga yaŋgöra ‘Nani Kembuni,’ qeta kewö jiyök,

44 *Anutunöŋ kinda nöŋgö Kembuni kewö jii mörök, Göŋön mönö kaba nöŋgö böröni ölje tatnöŋga nöŋön nalö sutŋe kerökurupki tim tötala luhut al eŋgiba göhö köna tambö gwaröŋe al eŋgimam. Nalö mi kam kuŋgumawaŋgö dop mönö asak-mararaŋnöŋ ki tatman.’

45 Deiwidnöŋ nanŋak mewö jiba qetŋi ‘Nöŋgö Kembuni’ jiza. Kembuni jiba mönö denöwö aka yaŋgö gwölönarökŋi mohot akawak?”

46 Mewö jiiga miangö kitipŋi kunöŋ kun melenmamgö osiba keu bök kinget. Sömaŋi miangöreŋök körek yeŋön Jisös kunbuk keu kungö qesim waŋgibingö kölköldömdöm aka mosötket. Mewö.

* **22:44:** Sum 110.1

23

*Urumelenğö silesile malmalgö galöm meme keu
Mak 12.38-39; Luk 11.43, 46; 20.45-46*

¹ Nalö miangören Jisösnöñ ambazip kambulelembe aka gwarekurupñi yeñğöra kewö jii mötket, ² “Köna keugö böhi aka Farisi (Köna keugö kapañkölköl) yeñön Mosesgö jakömbuaknöñ tata Köna keugö könañi kukösum çakñe kusum eñgimakze. ³ Miangöra keu pakpak jim kutum eñgimakzei, mi mönö tem kölmemö, ahakmemeñini mi kude wuatangöme. Yeñön keu jitñinan jim asarimakzemö, nanñinak mi çahö wuatangömakze. Miangöra mönö i ewö kude ahakñe.

⁴ “Yeñön keuñi keuñi jim kutuba miangö könjön lömbötñi ambazip awötñine alagun algetka mi tem kölbingö lömböriiga jarañbarañ ahakzemö, nanñinak i kesötñini moröñi kunöñ bauköm eñgibingö wösömötmötñini kun çahö ahöza.

⁵ * “Yeñön ahakmemeñini pakpak ambazipnöñ eñgekeñegöra aka memakze. Baiböl keu köt (memori wös) irimuñga bokisñini mem qariba aukñe kondela Buña mötmötñinañğöra aiweliköm añgumakze. Malukuñinañğö suñe aködamungö biretñi ketañi ketañi memba möndömakze. *

⁶ Yeñön közölömbuañnöñ dum tatat mutukñe jegep tatpingö mörakze aka köuluk mire çaikñe eu tatpingö sihimñi mörakze. ⁷ Maketnöñ me

* **23:5:** Mat 6.1; Jañ 15.38; Dut 6.8 * **23:5:** Baiböl memori wös irimuñgañi mi (Dut 6.8) koropen me jenjen ewö jöhömalget. Malukuñinañğö suñe aködamungö biretñi mötnöñ memba möndömalgeri, mi Anutugö ambazip öl töhöññi akerangö aiwesökñi ahök.

könanöŋ ambazip engeketa jölöŋini jimegö möta 'O ketaŋamnini,' qetŋini mewö qetmegöra sihimŋini mörakze.

⁸ “Yeŋön mewö ahakzemö, mohok-kun yaŋön enğö Böhiŋini aiga iŋini körekŋan yaŋgö urumelen alaurupŋi akze. Miangöra enğö qetŋini böhinini qetmegöra kude mötme. ⁹ Mohok-kun yaŋön İwiŋini akza. Yaŋön Suep mire maljawaŋgöra gölme azi kungöra neŋgö iwinini qet mewö kude qetme. ¹⁰ Kraist mohok-kun nöŋön enğö ketaŋamnini akzal. Miangöra enğö qetŋini ketaŋamnini qetmegöra kude mötme.

¹¹ * “Mewö qahöpmö, enğö sutŋine bohonŋi akzawaŋön mönö welen qem enğiba malma.

¹² * Mewö malmapmö, kunŋan nanŋi uruŋi memba öngömawi, Anutunöŋ mönö i memba et al waŋgima. Kunŋan nanŋi uruŋi memba etmawi, Anutunöŋ mönö i memba öngöba al waŋgima.”

Jisösnöŋ Farisi yengöra wölköba Yei! jiyök.

Mak 12.40; Luk 11.39-42, 44, 52; 20.47

¹³ “O Köna keugö böhi aka miangö kapaŋkölköl ambazip! İŋini urumelenğö silesile ambazip aketka lömböt qakŋine öngözawaŋgöra mönö wölköba Yei! jizal. Ambazip Suepkö bemtohon uruŋe angotpepukö naŋguŋi köla jöhömakze. Nanŋinak miangö uruŋe qahö angotze aka tosatŋan miangö uruŋe angotpingö akzei, iŋini i jöhöba anğön köl enğimakze. ¹⁴ O Köna keugö böhi aka miangö kapaŋkölköl ambazip! İŋini urumelenğö silesile ambazip aketka lömböt

* **23:11:** Mat 20.26-27; Mak 9.35; 10.43-44; Luk 22.26 * **23:12:** Luk 14.11; 18.14

qakɲine öngözawaŋgöra mönö wöłziköba Yei! jizal. İjini malö yeŋgöreŋ miri yuai bidaŋda gagabe köla eŋguaŋgirakze aka qetbuŋaŋini asuhumapköra aka köuluk köröpŋi köuluköba töptöpŋine qemakze. Miangöra Anutunöŋ keuŋini jim teköba likepŋi öngöŋgöŋi meleni eŋgö qakɲine öngöma.

¹⁵ “O Köna keugö böhi aka miangö kapanjkölköl ambazip! İjini urumelengö silesile ambazip aketka lömböt qakɲine öngöza-waŋgöra mönö wöłziköba Yei! jizal. İjini kunöŋ Juda ambazip kun akɲapköra kapan köla köwetŋi köwetŋi kutuba gölmeŋi gölmeŋi lilikömakze. Mewö aketka kunŋan Juda neŋgö ahakmemenöŋ qekötahömawi, i mönö kusum sohom waŋgigetka könöp siagö buŋaya kun akɲa. Nanŋini ewö qahöpmö, indimŋi yahöt nanŋini eŋgoŋgita böliqölima.

¹⁶ “Jeŋinan gömöliiga ambazip böröŋine memba eŋguaŋ-girakzei, lömböt eŋgö qakɲine öngözawaŋgöra mönö wöłziköba Yei! jizal. İjini keu kewö jimakze, ‘Kunŋan jöwöwöl jikegö qetŋe keuŋi jöjöpäŋ keunöŋ jim köhöima ewö, mianön qahö köhöimapmö, kunŋan jöwöwöl jikegö yuai goulnöŋ memeni miangö qetŋe jöjöpäŋ keuŋi jima ewö, jöjöpäŋ keu mianön mönö jöhöm waŋgima.’

¹⁷ “O jegömöl ambazip mötkutukutuŋini piromŋi! Yuai goulnöŋ memeni aka jöwöwöl jike yahöt mi-etköreŋök wani yuainöŋ öngöŋgöŋi akza? Goulnöŋ nanjak kömbukŋi qahö akzapmö, jöwöwöl jikenöŋ algetka mianön mönö mi mem kömbuhiza.

¹⁸ “Keu kun kewö jimakze, ‘Kunŋan altagö qetŋi qeta keuŋi jöjöpäŋ keunöŋ jim köhöima ewö, mianön qahö köhöimapmö, kunŋan naluk kötin altanöŋ ahözawi, miangö qetŋi qeta jöjöpäŋ

keuñi jima ewö, jöjöpañ keu mianjön mönö jöhöm wanjima.’

19 “O jegömöl ambazip! Naluk kötin aka alta mietköreñök wani yuainöñ öngöngöñi akza? Naluknöñ nanñak eretñi akzapmö, altanöñ algetka mianjön mönö naluk mem kömbuhiza. 20 Mianğöra kunñan altagö qetñe keuñi jöjöpañ keunöñ jim köhöimawi, yañön alta aka yuai pakpak altanöñ ahözawi, mönö mianğö qetñe keuñi jim köhöima.

21 “Kunñan jöwöwöl jikegö qetñe keuñi jöjöpañ keunöñ jim köhöimawi, yañön mönö jike mianğö aka mianğöreñ mal köhöizawañgö qetñe keuñi jim köhöima. 22 *Mewöyök kunñan Suepkö qetñe keuñi jöjöpañ keunöñ jim köhöimawi, yañön Anutugö jakömbuak dum aka mianğöreñ tatzawañgö qetñe keuñi jim köhöima.

23 * “O Köna keugö böhi aka mianğö kapañkölköl ambazip! Inini urumelenğö silesile ambazip aketka lömböt qakñine öngözawañğöra mönö wölköba Yei! jizal. Inini nene pakpak mendenđa bahöñi 10 mianğöreñök mohot Anutugö buñaya qemakze. Gipñi, raki aka kiap kösö köt mi mewöyök mendenđa tenöhök mohot mi Anutugö buña qemakze. Naluk mi törörök alakzemö, Köna keugö kötni bohonñi ki mönö oñgita mosörakze: Gi ambazip sutñine ahakmeme diñdiñi wuatangöba ak kömum añguba keu pöndañ wuatangöba malman. Keu bohonñi mi mönö kapañ köla wuatangöba malme aka keu morömorö mi mewöyök kude oñgita mosötme. 24 Jeninan gömöliiga ambazip böröñine memba

* 23:22: Ais 66.1; Mat 5.34 * 23:23: Lew 27.30

enğuangirakzei, inini söp obuk nembepuköra onini saiyanoñ kewörakzemö, sömbup ketanji kamel mi lañ gwahörakze. ²⁵ O Köna keugö böhi aka miangö kapanjkölköl ambazip! Inini urumelengö silesile ambazip aketka lömböt qakñine öngözawangöra mönö wöziköba Yei! jizal. Inini amöt qem angubingöra qambi aka al nenegö silenji sanğon yakömakzemö, dogo jimamonini qahö galöm köla yuai lañ göröngöba membagun megetka nepaqepalok mianön urunini kokolak qei malje.

²⁶ “O jegömöl azi Köna keugöra kapanj kölakzani, gi mönö mutuk qambigö urunji sanğonönga silenjan mewöyök sarakñi akña. ²⁷ *O Köna keugö böhi aka miangö kapanjkölköl ambazip! Inini urumelengö silesile ambazip aketka lömböt qakñine öngöza-wangöra mönö wöziköba Yei! jizal. Inini qaksirigö maripomñi sanğongetka tuatñi akeak, mönö miangö dop akze. Silenjan eksihimñinambuk tandök akzemö, qaksirigö uruñe qamöt sihit aka yuai imbilonlonambuk mianön kokolak qei ahöza.

²⁸ “Miangö dop enön mewöyök ambazip jenine ölña diñdiñi tandök asuhumakzemö, urumelengö silesile tandök aka qewölonñöñ mönö urunini kokolak qei malje.”

Bölöñi memenangö likepñi

Luk 11.47-51

²⁹ “O Köna keugö böhi aka miangö kapanjkölköl ambazip! Inini urumelengö silesile ambazip aketka lömböt qakñine öngöza-wangöra mönö wöziköba Yei! jizal. Inini kezapqetok ambazip

* **23:27:** Apo 23.3

yeŋgö qaksirinöŋ simen koum memakze aka ambazip solanŋi yeŋgö köt kötenjini meŋölömakze. ³⁰ Mewö aka kewö jimakze, ‘Neŋön ambösakonini yeŋgö nalönöŋ malbinak ewö, mönö yembuk qahö toroqeinga kezapqetok ambazip yeŋgö sepŋinan mönö neŋgö qaknine qahö öŋgöbawak.’

³¹ “Mewö jiba mianŋön nanninak kezapqetok ambazip eŋgugeri, yeŋgö isiurupŋina akzei, mönö keu mi naŋgöba jiba dangunu ewö kinje. ³² Mianŋöra ambösakonŋinan siŋgisöndok könahiba akeri, mianŋö dop iŋini mönö toroqeiba körek ak teköme.

³³ *“O soramen, iŋini mönö qatö moröŋi ewö akze. Anutunöŋ keuŋini jim teköi könöp sianöŋ gebepuköra mönö denöwö unjuratpeak? Mi mönö osime. ³⁴ Mianŋöra mötket, nöŋön kezapqetok aka mötkutukutu ambazip aka Köna keugö böhi melaim eŋgibi eŋgöreŋ kame. Kagetka yeŋgöreŋök tosatŋi i eŋuget kömume aka tosatŋi maripom qakŋe al eŋgime. Tosatŋi köuluk miriŋine örörahöm eŋgiba keuŋini jim teköba ihileknöŋ tauköm eŋgiba közöl eŋgigetka taonŋi taonŋi mianŋöreŋ anakŋe.

³⁵ *“Azi solanŋi Abelgö sepŋan eriga mianŋöreŋök könahiba eŋguba kota mala Zekaraia jöwöwöl jike kömbukŋi aka jöwöwöl alta mietkö sutŋire qeget sepŋi eri mianŋöreŋ teköyök. Ambazip solanŋi yeŋgö sepŋini gölmenöŋ mokomalgeri, sep pakpak mianŋö kitipŋan mönö eŋgö qakŋine öŋgöma. ³⁶ Nöŋön keu ölni kun kewö jibi mötme: Sepŋinanŋö kitipŋi pakpak mi

* **23:33:** Mat 3.7; 12.34; Luk 3.7 * **23:35:** Jen 4.8; 2 Hist 24.20-21

mönö ambazip merak maljei, engö qakñine öngöi Anutunöñ likepñi melenj engii mötme.”

Jisösnöñ Jerusalem könagesö jöpaköm engiyök.

Luk 13.34-35

³⁷ Jisösnöñ jiyök, “O Jerusalem Jerusalem, injini kezapqetok ambazip enguget kömugetka Anutunöñ ambazip melaim engii engören kamakzei, mi kötnöñ kumbuköm engimakze. Poi namñan moröurupñi ginginñi bapñe ala köjöjohom engimakzawi, nöñön mönö mianjö dop nalöñi nalöñi göhö könagesöurupki kötala tokom engimamgö möta malalmö, injini mi tököba mala kotket. ³⁸ *Mötket, Anutunöñ mönö jike mirinini andö qeiga sahopenanök ahöma.

³⁹ *“Mewö ahömapmö, nöñön kewö jibi mötket, injini ni kunbuk qahö nekñe. Könangep nalö kun kam kuñgui mianjöören neka kewö jime, ‘Kembugö qetñe kam neñgizawi, Anutunöñ mönö i kötuetköm wañgima.’ Mewö.”

24

Jöwöwöl jikenöñ köndenmöndenj asuhuma.

Mak 13.1-2; Luk 21.5-6

¹ Jisösnöñ jöwöwöl jike mosöta eriga gwarekurupñan yangören kaba jöwöwöl jikegö tohon uruñe miri tatkeri, mi Jisös kondel wañgiget. ² Kondel wañgigetka melenja kewö jii mötket, “Miri pakpak mi ölop engekzemö, nöñön keu ölna kewö jibi mötket: Mi mönö köndengetka mirigö köt kun mi köt kungö qakñe qahö ahömapmö, qeqelanlan aka sahopenanök ahöma.” Mewö.

* **23:38:** Jer 22.5 * **23:39:** Sum 118.26

Kahasiliñ aka sesewerowero asuhuma.

Mak 13.3-13; Luk 21.7-19

³ Jisösnöñ Oil ip kundunje anda tariga gwarekurupñan nanñinöhök yangören kaba kewö qesim wanğiget, “Böhi, keu jizani, miangö ölni mönö wanat nalönöñ asuhum tingitma aka göñön kanöñga gölmegö nalöñan tekömamgö akñawi, miangö aiwesökñan mönö denöwö asuhum? Mia ölop jinöñ mörin!”

⁴ Mewö qesim wanğigetka melenđa kewö jiyök: “Kunñan isimkakalek aiga janjun anbepeköra mönö galömñini memba malme. ⁵ ‘Ambazip gwötpukñan asuhuba nöñgö qetne kewö jime, ‘Nöñön Amötqege Tonji Kraist akzal’. Mewö jiba ambazip gwötpuk tilipköm engime. ⁶ Inini yarö miengö buzupñini aka ötöñini asuhugetka mörakñe. Mi möta jönömñini undubapüköra mönö galömñini meme. Yuai mewöñi mi mutuhök asuhumapkö jijina. Mi asuhumapmö, gölmegö nalöñan mönö miangörenök zilañ qahö teköma.

⁷ “Kantri kunñan kantri kun engubingöra wahötme. Ambazip kambu kunñan kambu kun yembuk aröñ angubingöra wahötme. Gölmeñi gölmeñi miangören bödiñi bödiñi (buöröñi buöröñi) asuhume aka kenöñ ketañi ketañi mi qözöla memba gölme melenñi gemakña. ⁸ Yuai pakpak mi ambi köröbuknöñ masi könahiba engumakzawangö dop. Gölmegö nalöñan mönö miangö dop könahiba tekömamgö akña.

⁹ *“Mewö akñapmö, nalö miangören tosatñan inini uruñini melenğerañgöra aka gawman yenğö

* 24:9: Mat 10.22

böröñine al engigetka sihimbölö ak engiba enjuget kömume. Kantri pakpak yenjon nöngöra aka kazik ak engimakne. ¹⁰ Nalö mianğoreñ gwötpukñan mötnaripñini mosöta aņğonañ memba kazik ak aņgume. ¹¹ Kezapqetok ambazip takapulakanji gwötpukñan asuħuba ambazip gwötpuk kilikaluk ak engigetka janjuñ anakne.

¹² “Iwilele Toñan seħiba ambazip galöm köl engimawaņğöra aka urumelen ambazip sehiseħini yenğö uruñinan amöriiġa urukalemñinan sörörauma. ¹³ *Kunñan kapan köla köhöiba böñ qeba kinda maliga gölmegö nalöñan tekömawi, yañon mönö oyaenħoyaen buña qem aņguma. ¹⁴ Anutugö bemtohoñagö Ölöwak Buña ki mönö mutuk gölmegö kantriñi kantriñi pakpak mianğoreñ jim sehigetka könagesö dop naņğonaņğö keuñi mötketkun gölmegö nalöñan mianğö andöñe teköma.” Mewö

*Jerusalem sitigö köndenmönden uru-önönñambuk
Mak 13.14-23; Luk 21.20-24*

¹⁵ *“Kezapqetok azi Danielnöñ köndenmönden uru-önön-ñambukö keuñi jii ahöza. Keu mianğö dop tosatñan kaba köndenmönden aka yuai aņğöjörakñambuk mi jöwöwöl jike töröñe alget kiniga ekñei, - keu ki oyoñmawañon mönö ölop kezap ala möt kutuma- ¹⁶ nalö mianğoreñ Judia prowinsnöñ malmei, eñon mönö misiņğöba öröba kundunje anme. ¹⁷ *Miri kösutñe sombemnöñ malmawañon mönö eta gösö yuaiñi memamğöra miri uruñe kude öņğöma. ¹⁸ Nupnöñ anda

* **24:13:** Mat 10.22 * **24:15:** Dan 9.27; 11.31; 12.11 * **24:17:** Luk 17.31

malmawanön mönö mewöyök malukuñi memangöra lilingöba mirinöñ kude anma.

¹⁹ “Yei! Ambi gölömbuk aka morö juzunöñ yeñön nalö miangöreñ denöwö ösumñinan anbeak?

²⁰ Miangöra yuai mi kie uru me Sabat kendongö nalöñe kude asuhumapköra köuluköme.

²¹ *[“]Mi kewögöra: Nalö miangöreñ kahasililin keta bölökñi asuhuma. Kahasililin dopñi mewöñi mi mönöwök nalö kungen kude asuhuba ahöyök. Anutunöñ yuai pakpak miwikñaiyöhi, nalö miangöreñök könahiba nalö kiangöreñ mala kota nalö sutñe kun kude asuhuyök. Mönöwök qahö asuhuyök aka könangep nalö kunöñ kunbuk qahö ahuma. Miangöra mönö köuluköba malme.

²² Kembunöñ wahöjalin nalö mi qahö mem töribawak ewö, ambazip körekñan mönö ayuhum teköbeakmö, ambazip nanñangöra möwölöhöm enñiyöhi, yeñgöra aka wehön miengö qötöñini mem törima.

²³ “Nalö miangöreñ kewö jime, ‘Mötket! Kraistnöñ ki malja,’ me ‘Eket! Amötqege Tonjan endu kinja.’ Kunñan mewö jima ewö, mi mönö kude möt narime. ²⁴ Mi kewögöra: Amötqege tonji munenji aka kezapqetok ambazip takapulakani asuhuba anğöletot aka aiwesök ketani ketani megetka letotme. Mewö letotketka Anutunöñ ambazip nanñangöra möwölöhöm enñiyöhi, i mewöyök enjololon mem enñimegö esapköba kapan kölgetka janjuñ akepuk. Enön ölopñanök galömnini memba malgetka mi osibeak. ²⁵ Mötket! Nöñön

* **24:21:** Dan 12.1; Ind 7.14

yuai pampak mi qahö asuhuiga qeljine lök jibi mötze.”

Suep gölmegö azi ölnan mönö asuhum tinjitma.

Mak 13.24-27; Luk 21.25-28

²⁶ *“Miangöra ‘Amötqeçe Tonjan mönö gölme apopamkölkölne malja,’ mewö jiget mötme ewö, miangören mönö kude anme. Me ‘Mötket! Kraistnöñ mönö miri miangö uruñe asuhuba tatzawi,’ mewö jiget möta mi kude möt narime.

²⁷ Mi kewögöra: Suep gölmegö azi ölnan kunbuk kamawi, nalö mi mönö wölbilikö dop kewö akña: Mi wehön kotkotneyök zilañ biliksik ala likepñe wehön gegenë dop köla asariba ani ekzini, yañön mönö miangö dop asuhuma.

²⁸ *“Sömbup gisakñan kungen ahöiga, manu köraraknöñ miangören öröba tokomakzei, miangö dop asuhuma.” Mewö

Suep gölmegö azi ölnan asuhuma.

Mak 13.24-27; Luk 21.25-28

²⁹ *“Wahöjalin nalö mianjön teköiga miangörenök wehön jeñan injañ köliga köiñnöñ ömuñ kölma. Sengelau yeñön suepnöhök teköba etme aka suepnöñ uturuköiga miangö öröyuainji mi tatatñini mosöta enjololon aketka sohoma.

³⁰ *Nalö miangören Suep gölme azi ölnangö aiwesökñan suepnöñ asuhuiga ekñe. Nalö miangören gölmegö könagesö pampak yeñön jinñeñ köla sahötme. Sahöta Suep gölmegö azi ölni yañön suepkö kousu qakñe kañgori ekñe. Kukösumñi

* **24:26:** Luk 17.23-24 * **24:28:** Luk 17.37 * **24:29:** Ais

13.10; 34.4; Eze 32.7; Joel 2.10, 31; 3.15; Ind 6.12-13 * **24:30:** Dan

7.13; Zek 12.10-14; Ind 1.7

ketanjan saköl-diñdiñambuk aukne asuhuiga asakmararanji ekne. ³¹ Kanğori eketka tömunji qainji kun ugetka ötöñi köhöikñi mötketka Suep garataurupñi melaim enğiiga yeñön ambazip Anutunöñ nanñanğöra möwölöhöm enğiyoñhi, i gölme görañi likeplikkep euke emuke miangğorenök kölolohoba enğuanğitme.” Mewö

Geröp ipkö dopkeu

Mak 13.28-31; Luk 21.29-33

³² “Inji geröp ip eka tandökñi mötmöriba dopkeu ki mötme. Böröñan lök oñambuk aiga sinñini yonğoigetka mi eka möta kewö jimakze, ‘Wehön nalöñan mönö dopdowiza.’ ³³ Enñon mewöñanök aiwesök miangğö dop asuhuiga eka möt asariba könañi kewö jime, ‘Jisösnöñ mönö nanğunöñ dopdowiza.’

³⁴ “Nöñon keu ölnji kun kewö jibi mötket: Ambazip ki merak gölmenöñ maljei, yeñön qahö kömugetka yuai pakpak jizali, mi mönö yeğö malmal nalöñine asuhuma. ³⁵ Suep gölmenöñ ayapkömahotmö, nöñgö Buña keunan mönö nalö kunöñ qahö ayapköma.” Mewö.

Jisös kamawangö nalöñi mi kunñan qahö mötza.

Mak 13.32-37; Luk 17.26-30, 34-36

³⁶ “Suep gölmegö azi ölnjan kamapmö, dawinöñ kam kuñgumawi, miangğö wehönñi me aua nalöñi mi kunñan kun kude mötza. Suep garatanöñ mi qahö mötze. Anutugö Nahönñan mewöyök mi qahö mötza. Iwinöñ nanñök mi mötza. ³⁷ *Mönöwök Noagö nalöñe ambazipnöñ malmalñini qemasolokep qakne mala ayuhugerı,

* 24:37: Jen 6.5-8

miaŋgö dop mönö Suep gölmegö azi ölnan kunbuk kamawaŋgö nalöŋe asuhuma.

³⁸ “O göulu ketanjan qahö kaiga qeljiŋe miaŋgöreŋ ambazip nene lömbuan ala o köhöikŋi namba ambi kenam bohonnaŋgö alget anda kaiga aŋgömeget. Ahakmeme mewö aka memba qemasolokep malgetka Noanöŋ wange uruŋe öŋgöyöhi, silim miaŋgöreŋ teköyök. ³⁹ *Teköiga wanat yuai asuhumawi, mi qahö mötketka o göulu ketanjan kaba jinonŋi qahö ayuhum enŋiyök. Könaŋgep Suep gölmegö azi ölnan kunbuk kamawi, nalö miaŋgöreŋ ambazipnöŋ mewöŋanök qemasolokep aka mala ayuhume.

⁴⁰ Nalö miaŋgöreŋ azi yahöt nupnöŋ malohotka yetköreŋök kun waŋgita kun mosötme.

⁴¹ Mewöŋanök ambi yahöt taweŋ urasiba (bunahöba) tatmahori, yetköreŋök kun waŋgita kun mosötme.

⁴² “Kembunöŋ kamawaŋgö nalöŋi me auanji qahö mötzeanğöra mönö uruguliguli aka malme.

⁴³ *Gwölö malbingö keu ki mönö möt kutume: Sunğem aiga kegwek-kahasililiŋ azinöŋ wani nalönöŋ me auanöŋ kamawi, miri toŋan mi mötpawak ewö, yaŋön mönö gwölö mala mirinji ölöŋanök galöm meiga qesiŋda öŋgömamgö osima.

⁴⁴ İŋini ‘Suep gölmegö azi ölnan nalö kianaŋgöreŋ qahö kaŋgotma,’ jiba mötmöriŋetka yaŋön mönö nalö miaŋgöreŋök kaŋgotma.” Mewö.

*Nup azinöŋ silekmalek mala ayuhuyök.
Luk 12.41-48*

* **24:39:** Jen 7.6-24 * **24:43:** Luk 12.39-40

⁴⁵ “Mewö aiga nup meme ambazip sutñine danjon tiñ kutuba tosatñi enjonñitza? Tosatñan sörörauba nup mosötketka kunñan mötkutukutu ölöpnangö qakñe kapan köla pöndan memakzawi, yanjon mönö simbawon akza. Miri tonan ahakmemenji kewöta eka kungen anda mirinangö öroyuainji mi böröñe ali galöm akña. Galöm aka welenqequeurupñi jiyöhangö dop köyan köla nalö diñdiñe gumohom engimakña. ⁴⁶ Mewö köyan köl enjgiba maliga tonan lilingöba kaba mewö eka mönö simbawon jima.

⁴⁷ “Nöñon keu ölnji kun kewö jibi mötket: Tonan simbawon jiba sukinapñi pakpakö galömñi kuñgum wangima. ⁴⁸ Kuñgum wangimapmö, nup meme okonñi yanjon uruñan mötmöriba kewö jima ewö, ‘Kembunangö kaka nalöñan mönö köröpñi ahöza.’ ⁴⁹ Mewö jiba könahiba nup meme ambazipurupñi engum ureiba közölömbuan ala söñgaiba o köhöikñi nemba uruñi sohoiga enjololon silekmalak aka malma.

⁵⁰ “Mewö mala nalö kunöñ kembunji kanğotmapköra qahö mambötmawi, mönö miangöreñ kanğotma. Nalögöra ikmaok inululun mali mönö aua miangöreñ kanğota ⁵¹ qeba yayiapaleleñ mem wangiba jim kutuiga urumelengö silesile ambazip ewö könöp sianöñ geba sihimbölö mötma. Mewö möta sahöt gigilahöba irimñini yöhözömgögetka qetñi qeri malme.” Mewö.

25

Ambi seram tengö söpsöp keu

1 *Jisösnöŋ jiyök, “Kunbuk kamami, nalö mianğöreŋ Suepkö bemtohoŋan kewö akŋa: Maren lömbuan nalöŋe ambi seram jömukŋi tenŋan ‘Azi buŋabuk aitoŋgöbin,’ jiba kiwaŋini memba könanöŋ anget. 2 Yeŋgöreŋök 5 mi mötkutukutuŋinambuk aketmö, tosatŋi 5 yeŋgö mötkutukutuŋini mi piromŋi. 3 Mötkutukutuŋini piromŋi yeŋön kiwaŋini megetmö, könöp (kuwiŋ) kelökŋi * qahö memba anget. 4 Mötkutukutuŋinambuk yeŋön kiwaŋini aka kuwiŋ kelök kirinŋini mewöyök memba anget. 5 Angetka azi buŋanöŋ zilaŋ qahö kaiga mambötketka nalö köriyöhaŋgöra körek yeŋgö jeŋini böŋböŋ meiga nöropŋini eri sipköba gaun ahöget.

6 “Gaun ahögetmö, sungem bibiŋe kunöŋ tömun qeri qet kewö mötket, ‘Mötket, azi buŋa kazawo! Mönö yaŋgöreŋ anda aitoŋgöme.’ 7 Qet mi möta ambi seram ten mi körekŋan wahöta kiwaŋini memba möhamgöba ohotiriget. 8 Ohotirigetka mötkutu-kutuŋini piromŋi yeŋön mötmöt ambi yeŋgöreŋ kaba kewö jiget, ‘Neŋgö kiwaninan böközawaŋgöra eŋön mönö kuwiŋ kelökŋi tosatŋi neŋgime.’

9 “Mewö jigetka mötkutukutuŋinambuk yeŋön melenđa kewö jiget, ‘Qahö. Mi inŋini aka nini dop-nine qahö. Mianğöra mönö stuanöŋ anda nanŋini kuwiŋ kelökŋini söŋgöröŋi meme.’

10 “Mewö jigetmö, kuwiŋ kelökŋi bohonŋi

* 25:1: Luk 12.35 * 25:3: Könöp (kuwiŋ, qiwiŋ) kelökŋi mi Oil ipkö kötŋi mözözamğögetka kelökŋi mi asuhuyök. Miri söŋauiga ip suŋe opo köpeiba kelök mianğöreŋ kundumgöba kiwa ohotiriba könanöŋ angetka 15 minitkö dop jeyök.

membangöra anda könanöŋ malgetka azi buŋanöŋ mönö mianğöreŋök kaŋgorök. Ambi seram jöjöröba kingeri, yeŋön anda yambuk aitoŋğöba maren lömbuaŋ miri uruŋe öŋğögetka naŋguŋi kölget. ¹¹ *Ambi seram stuanöŋ angeri, yeŋön mewöyök könaŋgep kaŋgota naŋgu qeba kewö qetket, ‘Kembu Kembu, mönö naŋgu metal nenginöŋ!’

¹² “Mewö qetketmö, kewö melenđa jiyök, ‘Qahö. Ni injini qahö möt eŋgizal. Keu ölja mi jizal.’”

¹³ Jisösnöŋ söpsöp keu mewö jiba gwarekurupŋi yeŋğöra keu kewö jii mötket, “Injini ni kama-maŋğö nalöŋi me auaŋi kude mötzeaŋğöra mönö uruguliguli aka malme.” Mewö.

Moneŋ esu galöm kölgeraŋğö söpsöpkeu.

Luk 19.11-27

¹⁴ *“Mönö dopkeu kianağö dop asuhuma: Azi kun miriŋi mosöta köröwen kantri kunŋan an-maŋğö möta welenqeŋeurupŋi eŋgoholi kaŋgetka moneŋ sukinapŋi galöm kölmegöra jim kutum eŋgiba böröŋine alök. ¹⁵ Nup memenjini kewöta öljü dawik asuhumawaŋğö dop möta nup meme azi kungöra moneŋ esu 5 (Kina 5000,-) waŋgiba kun moneŋ esu yahöt (Kina 2000,-) waŋgiba kun mohok-kun (Kina 1000,-) waŋgiyök. Mewö galöm kölmegöra menden eŋgiba eŋğömosöta anök.

¹⁶ “Azi Kina 5000,- meyöhaŋön mianğöreŋök anda kölköl-örörö nup meiga moneŋ sehiiga esu 5 kunbuk meyök. ¹⁷ Mewöŋanök Kina 2000,- meyöhaŋön anda kölköl örörö nup meiga moneŋ sehiiga esu yahöt kunbuk meyök.

* **25:11:** Luk 13.25 * **25:14:** Luk 19.11-27

18 “Mewö meyohotmö, azi moneŋ esu mohok-kun (Kina 1000,-) meyohaŋön mönö mosöta anda gölme esiba azi kembuŋgö moneŋi löm köla asambörök. 19 Nalö köröpŋi teköiga welengeqe yeŋgö azi kembuŋinan lilingöba kaba ‘Nup megeraŋgö kösohotŋini möta kewötman,’ jiba köl öröm eŋgiiga kaget.

20 “Mewö kagetka azi Kina 5000,- meyohaŋön jeŋe kaŋgota esu 5 kunbuk toroqeba memba kaba kewö jiyök, ‘Ketaŋamni mötnöŋ, göŋön moneŋ esu 5 niŋginöŋi, nöŋön miangö kölköl öröröŋi membi sehiiga esu 5 kunbuk asuhiiga memba kazal.’

21 “Mewö jiiga azi kembuŋan kewö melen waŋgiyök, ‘Mi ölop. Gi nup meme azi ölopŋi memburik-qemburiki qahö. Gi yuai awamŋi memba mi kapaŋkapaŋ aka galöm köla malnöŋga sehiyök. Miangöra nöŋön yuai gwötpuk göhö böröge albi miangö galömŋa malman. Ölop kaba azi kembugi nöŋgö miri uruŋe kaŋgota mohotŋe sösöŋgai aka malbin.’ 22 Azi Kina 2000,- meyohaŋön mewöŋanök kaŋgota kewö jiyök, ‘Ketaŋamni mötnöŋ, göŋön moneŋ esu yahöt niŋginöŋi, nöŋön miangö kölköl-öröröŋi membi sehiiga esu yahöt kunbuk asuhiiga memba kazal.’

23 “Mewö jiiga azi kembuŋan kewö melen waŋgiyök, ‘Mi ölop. Gi nup meme azi ölopŋi memburik-qemburiki qahö. Gi yuai awamdökŋi memba mi kapaŋkapaŋ aka galöm köla malnöŋga sehiyök. Miangöra nöŋön yuai gwötpuk göhö böröge albi miangö galömŋa malman. Ölop kaba azi kembugi nöŋgö miri uruŋe kaŋgota mohotŋe sösöŋgai aka malbin.’

24 “Miaŋgö andöŋe azi moneŋ esu mohok-kun (Kina 1000,-) meyöhaŋön kaŋgota kewö jiyök, ‘Ketaŋamni mötnöŋ, nöŋön könaŋamgi kewö möt yaköyal: Azi kembunan mönö azi köhöikŋi könöpŋambuk akza. Nangak nene kötni qahö qesiŋ gilnöŋga miaŋgöreŋ mönö töndup ölni sounöŋ yandiba memamgö mörakzan. Padi kötni qahö esinöŋ geiga miaŋgöreŋ mönö töndup ölni qezakömamgö mörakzan.

25 “Mewö möt yaköba keŋgötni möta anda göhö moneŋ esugi mi gölmenöŋ asambötpiga ahöyök. Eknöŋ, moneŋ esu niŋginöŋi, miyöhök mönö törörök ki.’ 26 Mewö jiba mi waŋgiyökmö, azi kembunan melenŋa kewö jim waŋgiyök, ‘Gi injarere aka welenqeŋe bölöŋi akzan! Gi könaŋamni möt yakönöŋ: Nanak nene kötni qahö qesiŋ gilbiga miaŋgöreŋ mönö töndup ölni sounöŋ yandiba memamgö mörakzal. Nanak padi kötni qahö esibi geiga miaŋgöreŋ töndup ölni qezakömamgö mörakzal. Nöŋgö tandökni mewö möt yaköbagun mönö wuanöŋgöra ak sohoba malnöŋ?

27 “Gi nöŋgö moneŋni benknöŋ alnöŋga dop kölbawak. Benknöŋ alnöŋga qariiga lilingöba kayali, nalö kiaŋgöreŋ mi ölop suŋambuk membilenak.’ 28 Toroqeba tosatŋi yeŋgöra jiyök, ‘Inini mönö qölzöm injarere azi miaŋgö moneŋ esuŋi mi waŋgita kun esu 10 miwikŋaiyöhi, mönö i waŋgime.’

29 *“Dopkeu kiaŋgö könaŋi kewö: Denike yeŋgöreŋ yuai ahözawi, körek yeŋgöra mönö toroqeba enŋiget sehiiga kelenmaleleŋ ahöm

* 25:29: Mat 13.12; Mak 4.25; Luk 8.18

engima. Mewö sehimapmō, kungören yuai kun qahō ahözawi, yangören yuai mi mönō mewöyök wangitketka öne töhöntöhön malma. ³⁰ *Ayop, welenqeçe azi omani nupņangō ölni qahō i mönō yaigepņe gilgetka söņaupnōņ gema. Miangören geba sahöt gigilahöba göboņini yöhözömgögetka qetņi qeri malme.” Mewö.

Jimtekötekögö nalö ketane kewö asuhuma:

³¹ *“Suep gölmegö azi ölnan kinda Suep garata pakpak enguangita mohotņe kamei, nalö miangören Suepkö asakmararaņan asuhuiga yanön Kiņ Kembangö jakömbuak dumnōņ tatma. ³² Tata jiiga gölmegö ambazip kambu pakpak qezaköm engigetka yangö jeņe asuhume. Asuhugetka lama galömņan lamaaurupņi meme (noniņ) yeņgörenök menden engizawi, miangö dop i mendeqenden ak engima. ³³ Mi ak engiba jiiga lama mi böröņi ölna aka meme (noniņ) mi qaniņe al engime.

³⁴ “Mewö al engigetka Kiņ Kembunōņ böröņi ölna kinmei, yeņgöra kewö jima, ‘Nöngö Iwinan kötuatköm engii malgeri, iņini mönō kaget. Iwi Anutuninan gölme pakpak miwikņaim engiyöhi, nalö miangörenök lök engöra bemtohoņ mözözömgöba mei jöjöröba ahöba kotzawi, iņini mönō kaba mi buņa qem aņguba malme.

³⁵ ‘Mi kewögöra jizal: Nöņön yakanangö kömumba malbiga iņini nene niņgiba malget. Nöņön ogöra qemņe qeba malbiga iņini o niņgiba malget. Nöņön kian aka malbiga iņini köl öröm

* **25:30:** Mat 8.12; 22.13; Luk 13.28 * **25:31:** Mat 16.27; 19.28

ningigetka miriņine öngöba malal. ³⁶ Nöñön sile esunaņgöra osiba malbiga iņini opo kereņ ningiba malget. Nöñön kawöl nöhöi ahöbiga iņini galöm köl ningiba malget. Nöñön kösö mire malbiga iņini ni nekingöra mianğoreņ kaba malget.'

³⁷ "Mewö jiiga ambazip solanņi yeņön kewö melenę waņgiba jime, 'Kembu, gi mönö wani nalönöņ yakagahö kömunöņ geke gumohom gi-hiba malin? Mönö wani nalönöņ ogöra qemjeņ qeba malnöņga geke o gihiba malin?' ³⁸ Mönö wani nalönöņ kiana kanöņga geke köl öröm gihiinga mirinine öngönöņga malin? Mönö wani nalönöņ sile esugahöra osiba malnöņga geke opo kereņ gihiba malin?

³⁹ 'Mönö wani nalönöņ kawöl göhöi ahönöņga geke me kösö mire malnöņga möta gi gekingöra göhöreņ kaba malin?' ⁴⁰ Mewö jigetka Kiņ Kembunöņ melenęda kewö jii mötme, 'Nöñön keu ölni kun kewö jibi mötme: Iņini nani urumeleņ alaurupni etqegeņi kienğoreņök kungöra yuai kun ak-eri, mi pakpak mönö ni ak ningiba malget.'

⁴¹ "Mewö jiba mianğö andöņe böröņi qaniņe kinmei, yeņğoreņ melenęda kewö jima, 'Iwinan qesuahöm engii malgeri, iņini mönö nömosöta ke-salget. Könöp sia teteköņi qahö jem öngömawi, mönö mianğoreņ anda geme. Anutunöņ mi Bölöñaņgö Tonji aka yaņgö garataurupņi yeņğöra mözözömgöba meköiga jöjöröba ahöza. ⁴² Mi kewögöra jizal: Nöñön yakanāņgö kömumba malbiga iņini nene qahö ningiba malget. Nöñön ogöra qemjeņ qeba malbiga iņini o qahö ningiba malget.

⁴³ 'Nöñön kian aka kabiga iņini qahö köl öröm

niŋgigetka miriŋine qahö öngöba malal. Nöŋön sile esunaŋgöra osiba malbiga iŋini opo kereŋ qahö niŋgiba malget. Nöŋön kawöl nöhöi ahöyal aka kösö mire malalmö, iŋini ni nekingöra miangören qahö kaba malget.’

⁴⁴ “Mewö jiiga yeŋön mewöyök melen waŋgiba kewö jime, ‘Kembu, gi mönö wani nalönöŋ yaka-gahö kömunöŋ me ogöra qemjeŋ qeba malnöŋ me kiana malnöŋ me sile esugahöra osiba malnöŋ me kawöl göhöi ahönöŋ me kösö mire malnöŋga nini gi qahö welen qem gihiba malin?’

⁴⁵ “Mewö jigetka melen da kewö jii mötme, ‘Nöŋön keu ölni kewö jibi mötme: Iŋini urumelen alaurup etqeceŋi kiengörenök kungöra yuai kun qahö akeri, mi pakpak mönö ni qahö ak niŋgiba malget akza.’

⁴⁶ * “Mewö jii mötketka likepŋi melen engii qakŋine öngöiga aköm engii anda sihimbölö nalö teteköŋi qahö möta mal öngöme. Mewö mal öngömömö, solanŋi yeŋön oyaenköyaen malmal mi nalö teteköŋi qahö mal öngöba malme.” Mewö.

26

Jisös qein kömumapkö aŋgönaŋ alget.

Mak 14.1-2; Luk 22.1-2; Jon 11.45-53

¹ Jisösnöŋ keu pakpak mi jim teköba gwarekurupŋi kewö jii mötket, ² * “Silim yahöt teköigun Pasowa kendonŋi kam kuŋguma. * Iŋini mi ölop mötze. Kam kuŋguiga Suep gölmegö azi ölni mi kian

* **25:46:** Dan 12.2 * **26:2:** Eks 12.1-27 * **26:2:** Pasowa mi nanine keunöŋ Ak-kömukömu kendon. Keu miangö könaŋi: neŋgehoriba neŋgoŋgirök. Eksodus 12.15

gawman yengö böröjine algetka maripomnöŋ qegetka kömuma.”

³ Nalö mianğöreŋ jike nup galöm aka kantrigö jitrjememe yeŋön tokoba jike nup galöm bohonŋi qetŋi Kaiafas yaŋgö jakömbuak miriŋe tatket.

⁴ Mianğöreŋ tata denöwö möndöŋninga Jisös ölöŋ memba qeget kömumbawak, mianğö könäŋi jaruba kewötket. ⁵ Jaruba kewöta kewö jiget, “Ambazip irimŋini seholiiga karimŋi karimŋi asuhubepuköra mi sösöŋgai kendon nalöŋe akingö osibin.” Mewö.

Ambi kunöŋ Jisös o umköhöwakŋambuknöŋ miriyök.

Mak 14.3-9; Jon 12.1-8

⁶ Jisösnöŋ Betani mirinöŋ mala Saimon kun uzikukuŋi mem solaniyöhi, yaŋgö mire öŋgöba tarök. ⁷ *Mianğöreŋ nene memba tariga ambi kunöŋ köt-kirin kun memba yaŋgöreŋ kayök. Kirin mi nöluk tuat-tuat qetŋi alabastö mianjön memeŋa.

Mia o umköhöwakŋambuk mianjön kokolak qe-qeŋa. Yaŋön mi bohonŋi ketaŋan memba kaba onŋi Jisösgö nöropŋe mimbiliba miriyök.

⁸ Miriiga gwarekurupŋan mi eka urubölö aka kewö jiget, “Mi mönö wuanöŋgöra mewö ayuhuzawi? ⁹ O kelökŋambuk mi bohonŋi memegöra ali monerŋ öŋgöŋgöŋan asuhuiga mi ambazip wanapŋi eŋgiiga dop kölbawak.”

¹⁰ Jisösnöŋ urumötmötŋini mi ek kutuba kewö jii mötket, “Ambi kianğö uruŋi mi wuanöŋgöra mem bölize? Yaŋön silik ölöŋŋi ak soroköm niŋgiiga dop kölja. ¹¹ *Ambazip wanapŋi mi nalöŋi nalöŋi

* **26:7:** Luk 7.37-38 * **26:11:** Dut 15.11

sutņine malmemö, nöņön engö sutņine nalö dop qahö malmam.

¹² “Nöņön kömumbi löm köl niņgimeañgöra aka kelök mianjön sileni nömırıza. ¹³ Nöņön keu öljı kun kewö jibi mötket: Ölöwak Buņa ki kantri igen waigen jim sehıgetka anmawi, mianjörenj ambi kianjön yuai ak niņgızawi, mianjö buņaņi mohok jiget sehiiga yaņgöra mötmörıba malme.” Mewö.

Judasnöj Jisös mamalolo mem waņgımamgö uru-mohot ahök.

Mak 14.10-11; Luk 22.3-6

¹⁴ Nalö mianjörenj gwarekurupņi 12 yeņgörenjök kun qetņi Judas Iskariot yaņön jike nup galöm yeņgörenj anda ¹⁵ *kewö qesim enjıyök, “Nöņön Jisös mamalolo mem waņgıba böröjıne albıga eņön töwa wania niņgıbeak?” Qesim enjııga silwö monen kötņi 30 oyonđa böröjıne alget. ¹⁶ Aua mianjörenjök könahıba Jisös nalö kungen mamalolo mem waņgımamgö köna möt jaruba köiņbıngöba malök. Mewö.

Jisösnöj gwarek yembuk Pasowa lama neget.

Mak 14.12-21; Luk 22.7-13, 21-23; Jon 13.21-30

¹⁷ Beret yıstņi qahö mianjö kendon silim mutukņe (Seqononöj) gwarek yetkön Jisösgörenj kaba kewö qesim waņgıyohot, “Böhi! Nini miri denıkeañgörenj anda pasowa lama mözözömgöm gıhızıga neman? Sıhimgi denöwö ahöza?”

¹⁸ Qesim waņgıyohotka kewö melenjök, “İņiri Jerusalem sitinöj öņgöba azi kun mötzali, i mi-wıkıaıba kewö jıyohotka mötma, ‘Böhinöj jıza:

* **26:15:** Zek 11.12

Nöngö nalönan mönö † dopdowiza. Nöjön göhö mire kaba gwarekurupni yembuk Pasowa lama membin.’” ¹⁹ Gwarek yetkön Jisösnöj jim kutum etkiyöhi, miangö dop aka Pasowa lama mözözömgöyohot.

²⁰ Mare aiga miri söñauiga Jisösnöj gwarekurupni 12 yembuk miri miangörej kanjuta öngöba dum kösutje tata nene mendeña neget. ²¹ Nene negerangörej Jisösnöj kewö jii mötket, “Nöjön keu ölni kun kewö jibi mötket: Engörejök kunjan mönö mamalolo mem niñgima.” ²² Mewö jii möta miangörejök uruñinan wösöbirik ketani aiga könahiba nanjök nanjök qesim wangiba jiget, “Kembu, mönö nöngöra jibanbuk?”

²³ *Qesim wangigetka kewö melenök, “Nömbuk beret kuluñnöj kundumgözawi, mönö yanön. ²⁴ Suep gölmegö azi ölnan mönö yanöra keu ohoget ahözawangö dop ölna gölme mosöta anmapmö, kunjan i mamalolo mem wangimawi, yanöra mönö Yei! jiba sahötzal. Miangö likepni kanjamñambuknöj mönö yanö qakje öngöma. Azi mi nam körö uruñeyök qahö asuhubawak, miangön mönö amqem wangibawak.” Mewö.

²⁵ Mewö jiiga Judas mamalolo mem wangimawanön kewö mendeña jiyök, “Böhi, mi mönö nöngöra jibanbuk?” Jisösnöj kewö jii mörök, “Jizani, mönö mewö!” Mewö.

Kembubuk semön qöndökji neget.

Mak 14.22-26; Luk 22.14-20; 1 Kor 11.23-25

† **26:18:** Anutunöj Jisös kömumawangö nalöni alöhi, miangöra jiza.

* **26:23:** Sum 41.9

26 Nene nemba tata Jisösnöŋ beret memba kötköba mindipköba enŋiba kewö jiyök, “Ki nani busuni. Ki memba neget.”

27 Mewö jiba wain qambi memba saiwap jiba enŋiba kewö jiyök, “Inini körek qambi kiangörenök neget. 28* Ki nani sepni. Mi Anutunöŋ ambazip yembuk jöhöjöhö aren aiga köhöimapköra sepni mokoget geiga ambazip gwötpuk yeŋgö siŋgisöndokŋini mosötma. 29 Nöŋön keu kun kewö jibi mötket: Nöŋön wain kösögö ölŋi ki kiangören kunbuk toroqeba qahö nemam. Könaŋgep Iwinangö bemtohoŋ uruŋe eu taringa közölömbuan almawi, wehön miangören mönö wain o qainŋi kun mia nemam.”

30 Mewö jiiga sösongai liŋet köla mosöta anda Oil ip kundunje öngöget.

Pitönöŋ Jisös qaŋ kölmapkö jii mörök.

Mak 14.27-31; Luk 22.31-34; Jon 13.36-38

31 *Öngöba Jisösnöŋ kewö jii mötket, “Kezapqetok azi kunöŋ keu kun kewö ohoi ahöza, ‘Nöŋön galömnini qebiga lama kambunan denŋme.’

Miangö dop enöŋ körek sunŋem kiangören uruŋini nöŋgöra aka böliiga nömosöta buratime.

32 *Buratigetka nuŋgumemö, nöŋön mönö kömupnöhök wahöta mutuk Galili prowinsnöŋ anda miangören asuhum enŋimam.”

33 Mewö jiiga Pitönöŋ melenŋa kewö jii mörök, “Yeŋön körek uruŋini göhöra aka böliiga gömosöta buratime ewö, nöŋön mönö töndup nalö kunöŋ qahö gömosötman.” 34 Jiiga Jisösnöŋ jii mörök,

* 26:28: Eks 24.8; Jer 31.31-34

* 26:31: Zek 13.7

* 26:32:

Mat 28.16

“Nöñön keu ölni kun kewö jibi mötnöñ: Kuruknöñ qahö qeriga göñön merak sunjem qañ köl niñginöñga indimñi karöbut akña.”

³⁵ Mewö jiyökmö, Pitönöñ kewö jii mörök, “Böhi! Mewö qahöpmö, ni nuñgugetka göbuk mohotñe kömumbirak, mi töndup nöñön gi qahö qañ köl gi-himam.” Gwarek tosatñi pakpak mewöyök keu miyöhök jiget. Mewö.

Jisösnöñ Gezemane arönöñ köuluköyök.

Mak 14.32-42; Luk 22.39-46

³⁶ Mewö eraum möta anda yembuk arö kun qetñi Gezemane miangöreñ angotket. Angota Jisösnöñ gwarekurupñi kewö jii mötket, “Nöñön endu anda köuluköbiga inini ölop nalö sutñe ki nanñnök tatme.” ³⁷ Mewö jiba Pitö aka Zebedigö nahönyahötñi yahöt etkuangita angetka Jisösnöñ könahiba wösöbirik möriga köñjiliñan köna böröñi qeköyök. ³⁸ Nalö miangöreñ kewö jii mötket, “Nöngö urunan mönö kondum köla kotzawangöra aka wösöbirik mötpiga kömukömuñi ak niñgiza. Inini ölop kiangöreñ tata nömbuk guli malbin.”

³⁹ Mewö jiba nanñök borom kun toroqeba anda simin köla sipköba kewö köuluköba jiyök, “Iwini, gi yuai kun qahö mölölömbizan. Miangöra sihimgi ahöza ewö, sihimbölögö qambiñi kianñön mönö nöngö qakne öngöbapuköra noangitman. Noangitman me qahö, mi mönö nangi jit keugahö dop asuhuma. Mi nöngö sihimgö dop qahö.”

⁴⁰ Mewö jiba lilingöiga gwarekurupñi karöbut yeñön gaun ahöget engeka Pitögö kewö jii mörök, “Inini aua mohot-töp nömbuk guli malbingö kude köhöize me? ⁴¹ Uruninan guli malbingö sihimñi

mörakzinmö, sileninan lölöwöröŋi akza. Mianğöra esapesapnöŋ et engubapuköra mönö köuluköba guliguli malme.”

⁴² Mewö jii möriga kunbuk engömosöta anda indimŋi yahöt aiga kewö köuluköba jiyök, “Iwini, sihimbölogö qambi kianŋön qahö nonğitma ewö, mi ölop nemam-mö, mi mönö nangi jitkahö dop asuhuma.”

⁴³ Köuluköba lilingöiga jeŋini böŋböŋ meyohaŋğöra kunbuk gaunök ahöget enğehök.

⁴⁴ Kunbuk engömosöta likep anda keu miyöhök kunbuk jiba köuluköiga indimŋi karöbut ahök.

⁴⁵ Gwarek yengören lilingöba kaba kewö jii mötket, “Inini toroqeba luhut memba gaunök ahöbingö mötze me? Mötket! Kunöŋ Suep gölmegö azi ölni mamalolo mem waŋgiiga bölöŋi meme yengö böröŋine öngöma. Mianğö aua nalöŋan lök kam kuŋguza. ⁴⁶ Mönö wahötketka anin! Mamalolo mem niŋimawi, yaŋön mönö dowe ki kaza.” Mewö.

Jisös qeraköba memba jöhöget.

Mak 14.43-50; Luk 22.47-53; Jon 18.3-12

⁴⁷ Jisösnöŋ mewö jiba kiniga mianğören gwarekurupŋi 12 yengörenök kun qetŋi Judas yaŋön kambu ketanŋi kun jitŋe mem enğiiga kaŋgotket. Jike nup galöm aka kantrigö jitŋememe yenŋön i melaim enğigetka bimğö sou ketanŋi aka lingipŋini memba kaget. ⁴⁸ Mamalolo mamangö ahöhi, yaŋön mutuk yembuk aiwesök keu kewö jöhöba jii mötket, “Nöŋön azi numbuŋi yöhötım nemami, yaŋön mönö mia akza. Mönö i memba jöhöme.”

49 Mewö jiba kaba mianğörenök Jisösgören anğota “Böhi, bönjöñ!” jiba numbuñi yöhötüm neyök. 50 Yöhötüm neiga Jisösnöñ kewö jii mörök, “Alani, gi wuanöngöra kazani, mi mönö zilañ akñan.” Mewö jiiga azi kambu yeñön Jisösgören kañgota qelanjiba memba jöhöget. 51 Jöhögetka Jisösbuk malgeri, yeñgörenök kunñan böröñan bimgö sou ketañi öröba jike nup galöm bohonñangö welenqeçeni qeba kezapñi köteköi erök.

52 Jisösnöñ mi eka kewö jii mörök, “Mönö mosötnöñ! Bimgö sou ketañi körök memei, i mönö körek bimgö sou ketañan eñgui kömume. Mianğöra mönö sougi kupinñe qenöñ geyök! 53 Nöñön Iwini köuluköbiga ölöp bauköm niñgimawi, mi mötzan me qahö? Köuluköm wañgibileñahi, yañön mönö mianğörenök garata yarö kambu ‡ 12 onğita melaim eñgii kaba bauköm niñgibeak. 54 Bauköm niñgibeak ewö, Buña Kimbigö keunñan mönö denöwö öñambuk akawak? Buña Kimbi keugö dop yuai kianñön mönö asuhumapkö dop jijinña akza.”

55 *Nalö mianğörenök Jisösnöñ yarö kambu yeñgöra kewö jii mötket, “Ni kegwek-kahasililinñ azia qahöpmö, töndup nöngöra mewö möta bimgö sou ketañi aka liñgip memba nömembra jöhöbingöra kañgotze. Nöñön wehön dop jöwöwöl jikenöñ embuk tata kinda Buña keu kusum eñgiba malbiga qahö nömitet. 56 Mewömö, yuai pakpak ki mönö

‡ 26:53: Rom yeñgören liñön me yarö kambu kun mi yarö azi 6000 mianğö dop aka maljema. Mianğöra yarö kambu 12 miengö jañgöñini mi Suep garata 72.000 mianğö dop. * 26:55: Luk 19.47; 21.37

kezapqetok ambazipnõj keu ohogeri, mienõn õljinambuk akñapköra asuhuza.” Jisõs jõhögetka gwarek yeñõn körek Jisõs mosõta buratiba unju-rata anget. Mewõ.

Jikegõ jitnememe yeñõn Jisõsgõ keu nup meget.

Mak 14.53-65; Luk 22.54-55, 63-71; Jon 18.13-14, 19-24

⁵⁷ Yarõ azi Jisõs memba jõhögeri, yeñõn i wangita jike nup galõm bohonñi qetñi Kaiafas yangõ mire anget. Angetka Köna keugõ böhi aka kantrigõ jitnememe yeñõn miangõreñ kaba tokoget.

⁵⁸ Angetka Pitõnõj sikepsikep enguatangõba miangõreñ angota jakõmbuak mirigõ kiripo uruñe õngõyök. Õngõba tetekõñe denõwõ asuhumawi, mi ekñamgõra welenqeçe azi yengõ sutñine tarök.

⁵⁹ Mewõ tarõkmõ, jike nup galõm aka jike kaunsõl kambu yeñõn Jisõsgõ silenõj alal keu denõwõ möndõba nangõinga qeget kõmumapkõ jim jaruget. ⁶⁰ Jaruba kinda gwõtputkñan wahõta kinda keu muneñi Jisõsgõ silene ala nangõba jigetmõ, tõndup kõnañi kun qahõ miwikñaget. Qahõ miwikñagetmõ, tetekõñe azi yahõt kançota ⁶¹ *kewõ jiyõhot, “Azi kianõn kewõ juiga mõrit, ‘Ni õlõp Anutugõ jõwõwõl jikenñi kõndenbiga gölmenõj eriga wehõn karõbutkõ uruñe mi kunbuk mem wahõta kuñgumam.’”

⁶² Mewõ jiyohotka jike nup galõm bohonñan wahõta Jisõs qesim wangiba kewõ jiyök, “Yeñõn göhõ silege keu ala nangõzei, miangõ likepñi kun jiman me qahõ?” ⁶³ Qesim wangiiiga Jisõsnõj yuai bölõñi kun qahõ ahõkmõ, tõndup keunñi bök kinök.

* **26:61:** Jon 2.19

Keuŋi bök kiniga jike nup galöm bohonnaŋ kewö jii mörök, “Nöŋön Anutu malmal Toŋaŋgö qetŋe kewö qesiba kuŋgum gihizal: Gi Anutugö Nahöŋŋi Kraist akzan me qahö, mi törörök jiba jöjopaŋ keunöŋ jim köhöinöŋga mötpin.”

⁶⁴ *Mewö jiiga kewö jiyök, “Jizani, mönö mia. Miamö, nöŋön körek engöra kewö jibi mötket: Nalö kewöneyök könahiba Suep gölmegö azi ölnaŋ mönö Kukösum Toŋaŋgö böröŋi ölna tata suepkö kousu qakŋe eri ekŋe.”

⁶⁵ *Keu mi jiiga jike nup galöm bohonnaŋ malukuŋi munjurata kewö jiyök, “Yei, iwinangö jitŋi! Mönö Anutu mepaiköza. Tosatŋan keuŋi nangömegöra kunbuk qahö qesim engibin. Anutu mepaiközawi, mi dölki nanŋinak möt teköze. ⁶⁶ Miangöra denöwö mötmörize?” Mewö qesim engiiga kewö jim teköget, “Yaŋön mönö kömupkö buŋaya akŋa.”

⁶⁷ *Mewö jim teköba jeŋe söutkölap söutköm miriba böröŋinan misiba mesoholŋe qekötahöget. Tosatŋan nuŋgulumŋe qekötahöba ⁶⁸ kewö jiget, “Gi kezapqetok azi Kraist akzanangöra daŋön guhuzawi, mönö yaŋgö qetŋi qetnöŋ mörin.” Mewö.

Pitönöŋ Jisös qaŋ kölök.

Mak 14.66-72; Luk 22.56-62; Jon 18.15-18, 25-27

⁶⁹ Mewö asuhuiga Pitönöŋ yaigep kiripo uruŋe sombemnöŋ tarök. Tari welenqeŋe ambi kunŋan yaŋgöreŋ kaba kewö jiyök, “Gi mewöyök Galili azi Jisösbuk mohotŋe malnöŋ.” ⁷⁰ Mewö jiyökmö,

* **26:64:** Dan 7.13 * **26:65:** Lew 24.16 * **26:67:** Ais 50.6

körek yengö jeñine qaŋ köla kewö jiyök, “Keu jizani, mi köndatzal.” ⁷¹ Mewö jiba kiripo nanŋuŋe geiga welenqege ambi kunŋan i eka azi kösutŋe kingeri, mi kewö jii mötket, “Azi kianön mönö mewöyök Nazaret azi Jisösbuk malök.”

⁷² Mewö jiiga kunbuk qaŋ köla jöjöpaŋ keunöŋ jim köhöiba kewö jiyök, “Nöñön azi mi qahö möt waŋgizal.” ⁷³ Nalö borom kun teköiga azi kösutŋe kingeri, yeñön Pitögöreŋ kota kewö jiget mörök, “Alakŋa! Göñön mewöyök yengöreñök kun akzan! Galili keu jöl jizani, mianön mönö mewöyök mi kondeliga mötzin.” ⁷⁴ Mi möta könahiba nanŋi ge-suahöm aŋguba jöjöpaŋ keunöŋ jim köhöiba jiyök, “Ni azi mi qahö möt waŋgizal! Munen jibilenjak ewö, Anutunöŋ mönö likepŋi melen niŋgima.” Mewö jiiga miangöreñök kuruk qerök.

⁷⁵ Kuruk qeri möta Jisösnöŋ keu kewö jii möröhi, mi mötmöriyök, “Göñön mutuk indimŋi karöbut qaŋ köl niŋginöŋga kuruknöŋ qetma.” Keu mi mötmöriba wösöŋi julmamgö aiga yaigep geba sahöt böliyök. Mewö.

27

Jisös waŋgita Pailötkö böröŋe alget.

Mak 15.1; Luk 23.1-2; Jon 18.28-32

¹ Miri gianjiiga amandinje jike nup galöm pakpak aka kantrigö jitŋe meme (70) yeñön tokoba Jisös qeget kömumapkö keuŋi eraum mötket. ² Eraum mötket teköiga Jisös jöhöba waŋgita Rom premiö Pailötkö böröŋe alget. Mewö.

Judasnöŋ imbi auyök.

Apo 1.18-19

³ *Jisös qeget kömumawanğö keuñi jim tekögetka Judas mamalolo wanğiyöhanjon mi möta möt bölim anğuba silwö moneñ köt 30 wanğigeri, mi memba jike nup galöm aka kantrigö jitmeme yengören anda melenđa enğiba kewö jiyök, ⁴ “Nöñön sinğisöndok aka azi köpösihitni qahö mi mamalolo mem wanğibiga qeget kömuma.” Mewö jiyökmö, yeñön jiget, “Mi nengören yuaia qahö! Mi mönö nangi manjara!” ⁵ Mewö jiget möta silwö moneñ köt mi memba gil tipköiga jöwöwöl jike uruñe anök. Aniga nanñi mosöta anda imbi auyök.

⁶ Jike nup galöm bohonñi yeñön moneñ köt mi memba kewö jiget, “Moneñ ki mönö azi sepñanğö bohonña. Mianğöra mi jöwöwöl jikegö moneñ köwenöñ albingö dopñi qahö. Mewö aka Mosesgö Köna keu onğitpinbuk.”

⁷ Mewö jiba eraum möta moneñ mianjon gwakömnöñ kimbut meme azi kungören gölme köröñi kun bohonñi megetka kian ambazip yengö qaksirinina ahök. ⁸ Mianğöra aka gölme köröñi mianğö qetñi mi nalö kewöñe mewöyök toroqeba ‘Gölme köröñi sepñambuk,’ qerakze.

⁹ *Kezapqetok azi Jeremaianöñ keu qeljine jiyöhi, mianjon mönö ölnambuk ahök. Keu mi kewö, “Yeñön Israel könagesögö jitmemeñini aka azi mi söngöröñi memegöra kewöta algetka silwö moneñ köt 30 ahöhi, mi meget. Mi azigö bohonña.

¹⁰ Yeñön mi memba mianjon gwakömnöñ kimbut meme azi kungören gölme köröñi kun bohonñi meget. Mi mönö Kembunöñ jim

* 27:3: Apo 1.18-19 * 27:9: Zek 11.12-13

kutum niŋgiyöhaŋgö dop mewö meget.”
Mewö.

Pailötnöŋ Jisös qesim waŋgiyök.

Mak 15.2-5; Luk 23.3-5; Jon 18.33-38

¹¹ Nalö mianğöreŋ Jisösnöŋ Pailötkö jeŋe kiniga kewö qesim waŋgiyök, “Ölŋa, gi Juda yeŋgö kiŋa akzan me qahö?” Qesim waŋgiiga Jisösnöŋ melenđa jii mörök, “Mönö nangak jizani, mewö.”

¹² Jike nup galöm aka kantrigö jitŋememe (70) yeŋön keu gwötpuk Jisösgö sileŋe ala jigetmö, töndup keu kitipŋi kun qahö melennök.

¹³ Keu bök kiniga Pailötnöŋ Jisös kunbuk qesim waŋgiba jiyök, “Mötnöŋ! Yeŋön keu gwötpuk göhö silege ala naŋgöba jizei, mi mötzan me qahö?” ¹⁴ Mewö jiyökmö, Jisösnöŋ bölöŋi kun qahö ahökmö, töndup keu miengö likepŋi kun qahö melennök. Keu bök kiniga premiönöŋ gwötpuk welipköyök. Mewö.

Pailötnöŋ Jisös kömumapkö jim teköyök.

Mak 15.6-15; Luk 23.13-25; Jon 18.39-19.16

¹⁵ Rom premiönöŋ yambu (yara) dop pasowa sösongai nalöŋe kösö mireyök azi mohok sihimŋinanğö dop qetŋi qeta qesigeri, mi pösat eŋgizapma. ¹⁶ Nalö mianğöreŋ azi kun qetŋi Barabas qetkeri, yaŋön kösö mire tarök. I bölöŋamŋanğöra miwidimgögetka malök.

¹⁷ Mewö aiga tokogetka kewö qesim eŋgiyök, “Barabas me Jisös, qetŋi Kraist qerakzei, yetköreŋök niŋia pösat eŋgibi etmapköra mötze?”

¹⁸ Galöm yeŋön Jisösgöra körögisigisi mötkeŋanğöra aka i premiögö böröŋe al waŋgiget. Mi möta sihimŋinanğö mewö qesim eŋgiyök.

19 Mi mörökmö, jimtekötekögö jakömbuak dum tatatje tariga anömnan buzup keu kun kewö ali kayök, “Ni merak sunjem gaun kun eka mianğoreñ azi mianğöra aka sihimbölö gwötpuk mötzal. Mianğöra azi solanji mi mönö lömböt kude wanğiman.”

20 Keu mewö kayökmö, jike nup galöm aka kantrigö jitjememe yeñön ambazip kambu uruesesi mem enğiba kewö jiget, “Mönö Barabas pösata Jisös maripomnöñ qemegöra jiman. Mewö qesim wanğime.”

21 Mewö jigetka premiönöñ melenđa qesim enğiyök, “Azi yahöt mietkoreñök mönö ninja pösat enğibi etmapköra mötze?” Mewö qesim enğiiga “Barabas!” jiget. 22 Mewö jigetka Pailötnöñ kewö qesim enğiyök, “Mewö jizeanğöra Jisös, qetnji Kraist qerakzei, nöñön i mönö denöwö ak wanğibileñak?” Mewö qesim enğiiga yeñön körek qetket, “Mönö maripomnöñ qeget jiman!”

23 Mewö qetketka premiönöñ jiyök, “Mi wuanöngöra? Yanñön mönö wani bölöña ahök?” Mewö jiyökmö, yeñön mi möta kapañ köla toroqeba qet gigilahöba kewö qetket, “Mönö maripomnöñ qeget jiman!” 24 *Mewö qetketka kezap-ölök aketka göjupmajupnöñ kunbuk qariiga Pailötnöñ mi eka möta bim karim asuhubapüköra o memba böröñi ambazip kambu jeñine sanğonđa kewö jiyök, “Azi kianğö sepñi mokoget gemawi, mianñön mönö nöngö qakne qahöpmö, mönö nanñini qakñine öngöma.”

* 27:24: Dut 21.6-9

²⁵ Mewö jiiga ambazip kambu körek pakpak yenjon kewö melenget, “Sepnangö likepnan mönönini aka nahönböratnini nenjö qaknine öngömal!”

²⁶ Mewö melengetka Pailötnön Barabas pösat enjii erökmö, Jisösyia jiiga ihilek wahinambuknön qeyöyaköba qeget. Mewö qegetka maripomnön qemegöra Rom yarö azi yenjö böröjine alök. Mewö.

Jisös kukulömbuan ak wanjiget.

Mak 15.16-20; Jon 19.2-3

²⁷ Böröjine aliga Rom premiögö yarö azi yenjon Jisös wanjita premiögö jakömbuak mirigö kiripo urunje angotket. Angota yarö kambu löknanök öröm enjigetka kaba tokoba Jisös liliköm wanjiget.

²⁸ Liliköm wanjiba nanji sile esuji köteköba maluku pisikni gugakgugak kun löngöt wanjiget.

²⁹ Löngöt wanjiba sötman kösö limbinä ila ewö nöropne kölget geyök. Geiga jehot kun böröjini ölne ala simin köl wanjiba göngönahit ak wanjiba kewö jiget, “Owe owe, Juda yenjörej kin, owe!”

³⁰ Titipepe mewö aka sötkölap qeba jehot öröpni wanjita mianjon nöropne qeget.

³¹ Mepaqepaik mewö ak wanjim teköba maluku pisikni gugakgugak mi qeköba nanje sile esu kunbuk löngöt wanjiba maripomnön qebingöra wanjita anget. Mewö.

Jisös maripomnön qeget.

Mak 15.21-32; Luk 23.26-43; Jon 19.17-27

³² Anda köna nanje azi kun qetni Saimon miwiknaiget. Yanjon Afrika siti qetni Sairini mianjö aza. Miwiknaiba kunjum wanjigetka Jisösgö maripomni memba anguyök. ³³ Jisös

mewö wanğita gölme kun qetnji Golgota mi nanine keunöŋ Nöröpsihit, miangören anda aŋgotket. ³⁴ *Aŋgota wain o aka marasin qetnji mör mi mindiriba lolonqalon memba nemapköra wanğigetmö, Jisösnöŋ mi esapköba namba möta tököyök.

³⁵ *Tököiga kinda maripomnöŋ qeget. Qeget kiniga kiawen meget qötöŋi ahuiga miangö dop Jisösgö sile esunji sutnjine mendenđa meget. ³⁶ Mi memba tata Jisös jegalöm ak wanğiget. ³⁷ Nöröpŋe eu qegeraŋgö könaŋi kewö ohoba qeget, ‘Juda yeŋgö kiŋ kembuŋina ki.’ ³⁸ Kegwek-kahasililiŋ azi yahöt mi yambuk maripomnöŋ etkuget. Kun böröŋi ölnje, kun qaniŋe likepliket mewö etkuget.

³⁹ *Ambazip onğita anda kaba kukulömbuan aka jelikit aka nöröp köla kewö jiget, ⁴⁰ *‘‘Yei! Gi mönö jöwöwöl jike ölop köndenöŋga gölmenöŋ eriga wehön karöbutkö uruŋe kunbuk mem wahöt kuŋgumamgö jinöŋ. O, gi azi qetpuk! Gi Anutugö Nahönŋa akzan ewö, mönö ölop nangi bauköm aŋguba maripomnöhök etman.’’

⁴¹ Jike nup galöm, Köna keugö böhi aka kantrigö jitmeme yeŋön mewöyök mepaqepaik ak wanğiba kewö jiget, ⁴² ‘‘Tosatŋa bauköm eŋgiba malökmö, nanŋi bauköm aŋgumamgö osiza. Yaŋön Israelgö kiŋ akza ewö, mönö döлки maripomnöhök eri eka mi möt naribinak. ⁴³ *Yaŋön Anutu möt narim wanğiba ewebibiŋambuk mala nanŋaŋgöra ‘Anutugö Nahönŋi akzal’ jiiga mörin. Ayop,

* **27:34:** Sum 69.21 * **27:35:** Sum 22.18 * **27:39:** Sum 22.7;
109.25 * **27:40:** Mat 26.61; Jon 2.19 * **27:43:** Sum 22.8

Anutunöŋ i nalö kewöŋe meköm waŋgimangö mötza me qahöwi, mi ölop ekin.” Mewö jiget. ⁴⁴ Kegwek-kahasililiŋ azi yambuk maripomnöŋ etkugeri, yetköŋ mewöŋanök uruqege keu töhöreŋ jim waŋgiyohot. Mewö.

Jisösnöŋ kömuyök.

Mak 15.33-41; Luk 23.44-49; Jon 19.28-30

⁴⁵ Silim bibiŋi 12 kilok aiga mianğöreŋök söŋaupnöŋ eta gölme pakpak dop köla ahöiga anda aua karöbutkö dop ahök. ⁴⁶ *Jisösnöŋ 3 kilok mianğöreŋ nanŋe keunöŋ kewö qet ketani qerök, “Eloi, eloi, lama sabaktani?” Mi nanine keunöŋ: Anutuni, Anutuni, mönö wuanöŋğöra andö nuŋguzan?

⁴⁷ Mewö qeriga azi kösutŋe kingeri, yeŋğöreŋök tosatŋan mi möta jiget, “Mönö Elaijagöra qetza.”

⁴⁸ *Mianğöreŋök yeŋğöreŋök kunŋan ösumŋan anda mömöndö kun kahali tandök mi memba wain o asölŋambuknöŋ kundumğöba ip göröm kitipŋe jöhöba suruba Jisös numbune eu ali neyök.

⁴⁹ Neyökmö, tosatŋan jiget, “Mönö mosötketka nanjök kinök. Elaijanöŋ kaba meköi etma me qahöpto, mönö mi ekin.”

⁵⁰ Mewö aketka Jisösnöŋ kunbuk qet ketani qeta söŋğörö ösum kondikŋi öröba kömuyök. ⁵¹ *Kömuiga mianğöreŋök jöwöwöl jikegö uruŋe opo * kinöhi, mianjön euyök bibiŋe jurata eta yahöt ahök. Mewö eriga gölmenöŋ kenöŋ ketanjan meiga köt ketani ketani mesiŋnök. ⁵² Qaksirigö köt köteŋi mienğö

* **27:46:** Sum 22.1 * **27:48:** Sum 69.21 * **27:51:** Eks 26.31-33

* **27:51:** Opo mi jöwöwöl jikegö oleni kömbukŋi aka oleni töröŋi kötökŋi mietkö sutŋire kinök.

numbuñinan nanñök añañigetka ambazipñi sarakñi kömugeri, yeñgöreñök gwötpukñan guliba wahötket. ⁵³ Wahöta qaksirigö köt kötenini mosöta Jisösnöñ kömupnöhök wahöröhi, miangö andöñe Jerusalem siti töröñi miangöreñ kaba ambazip gwötpuk asuhum engigetka engeget.

⁵⁴ Suahö galöm aka yarö azi yambuk Jisösgö jegalöm memba malgeri, yeñön kenöñ meiga yuai tosatñi pakpak asuhuyöhi, mi eka auruba jönömñini gwötpuk unduiga keñgötporiñ aka kewö jiget, “Yañön mönö ölña Anutugö Nahönña akza.”

⁵⁵ *Ambi gwötpukñan sikep kinda yuai mi mewöyök eket. Yeñön Jisös wuatangöba Galiliyök kaba welen qem wañgiba malget. ⁵⁶ Yeñgö sutñine Magdalagö Maria aka Maria Jeims aka Joses yetkö namñiri aka Zebedigö nahönyahöt yetkö namñiri. Mewö.

Jisösgö qamötñi löm kölget.

Mak 15.42-47; Luk 23.50-56; Jon 19.38-42

⁵⁷ Mare aiga Arimatia azi pomñi kun qetñi Josef kayök. Yañön mewöyök Jisösgö gwarekñi kun ahök. ⁵⁸ Yañön Pailötgöreñ anda Jisösgö qamötñi memangö qesiyök. Qesiiga suahö azinöñ mi Josef wañgimegö jim kutum engiyök.

⁵⁹ Jim kutum enñiiga Josefnöñ anda Jisösgö qamötñi memba eta opo tuatñan esuhuyök. ⁶⁰ Esuha memba qaksirinöñ anda nanñi köteñ dölökñi kötnöñ urorohogetka kinöhi, qamötñi mi miangöreñ alök. Mewö ala köt ketañi kun metaliga köteñ numbuñi közipköiga mosöta anök.

* 27:55: Luk 8.2-3

⁶¹ Magdalagö Maria aka Maria alaŋi kun yetkön mianğöreŋ köt köteŋ mesohol köla tarohot.

Yarö azi qaksiri galöm meget.

⁶² Sabat kendon tatatköra yuai mözözömgöba ahöba wahöta mianğöreŋ jike nup galöm aka Farisi (Köna keugö kapančkölköl) yeŋön Pailötköreŋ anda tokoba kewö jiget, ⁶³ **“Ketaŋamnini, eŋololonğö urukunğukunğu azi mianğön jebuk malöhi, nalö mianğöreŋ kewö jii mörin, ‘Nöŋön wehön karöbut teköiga kunbuk guliba wahötmam.’ Neŋön keu mi mötmörizin.*

⁶⁴ Mianğöra göŋön ölop yarö aziurupki jinöŋ möta qaksirinöŋ anda mi törörök jegalöm memba malgetka wehön karöbut teköiga mosötme. Mewö qahö galöm membeak ewö, gwarekurupŋan mönö anda qamötŋi ölöŋ memba asamböta ambazip kewö jiget mötpeak, ‘Jisösnöŋ mönö kömupnöhök wahörök.’ Mewö jigetka tilipqilip eŋololon keu kondikŋi kianğön mönö eŋololon keu mutukŋi oŋgiriga böliqölibapuk.” ⁶⁵ Mewö jigetka kewö jii mötket, “Yarö azi ki mönö ölop eŋuangita anda al eŋigetka qaksiri köteŋ numbuŋi mi törörök galöm köl soroköme.”

⁶⁶ Mewö jii möta qaksirinöŋ anda köt köteŋaŋgö numbuŋe köt ketaŋi algetka közipköba kinöhi, mi supapŋi ala yarö azi al eŋigetka jegalöm köhöikŋi meget.

28

*Jisösnöŋ kömupnöhök wahörök.
Mak 16.1-10; Luk 24.1-12; Jon 20.1-10*

* **27:63:** Mat 16.21; 17.23; 20.19; Mak 8.31; 9.31; 10.33-34; Luk 9.22; 18.31-33

¹ Sabat kendon tatket teköiga Sonda söñanök wahöta miri gianjiiga Magdalagö Maria aka alañi Maria kun yetkön qaksirigö köt köteñ ekitkö anohot. ² Anohotka miangörenöñ kenöñ ketañi kewögöra meyök: Kembangö garata kunöñ Suepnöhök eta qaksirinöñ kaba numbuñe köt ketañi qetali ani qakñe tarök. ³ Garatagö kaisongolomñi mi wöl ewö aiga malukuñi mi kousu ewö tuat lalamñi ahök.

⁴ Mewö asuhuiga yarö azi qaksiri galöm megeri, yeñön yangöra awöwöliba jönömñini undui kömum töriget. ⁵ Mewö aketka garatanöñ ambi yahöt yetköra keu kewö jiyök, “Jisös maripomnöñ qegeri, inñiri yangöra jaruzahot, mi mötzal. Miangöra mönö kenğötñiri kude mötmahot. ⁶ Nanñak jiyöhangö dop mönö kömupnöhök wahötza. Miangöra ki qahö ahöza. Mönö kaba dum ahöyöhi, salupñi mi ekñahot.

⁷ “Mi eka ösumok gwarekurupñi yeñgören anda buzup keu ki jiyohot mötme, Jisösnöñ kömupnöhök wahötza. Mötket, yañön mönö qeljñe mutuk Galili prowinsnöñ anma. Inñini ölop miangören anda i ekñe. Mötket, nöñön mi lök jibi mötze.”

⁸ Mewö jiiga zilañök qaksiri mosöta kenğötñiri möta töndup önöñi qahö söñgaiba buzup mi memba gwarekurupñi jiyohot mötmegöra ösumñiran anohot. ⁹ Ösumñiran anohotka Jisösnöñ i könanöñ asuhum etkiba “Söñanñiri!” jiyök. Mewö jiiga kösutñe anda sipköba könane meraköba waikñi memba möpöseim wañgiyohot. ¹⁰ Möpöseim wañgiyohotka kewö jii mörohot, “Kenğötñiri kude mötmahot. Mönö anda munurupnan Galili

anmegö keu jiyohotka miangören anda ni nekn̄e.”
Mewö.

Qaksiri galöm meme yeñon kösohotñini jiget.

¹¹ Ambiyahöt yetkôn kôna anohotka qaksirigö köt köteñ galöm meme yarö azi tosatñan sitinöñ kaba jike nup galöm engeka yuai pakpak asuhuyöhi, miangö kösohotñi jiget mötket. ¹² Yeñon mi möta Juda yeñgö jitñememeurupñini öröm engigetka mohotñe totoko ala Jisös wahötwahötkö keu asambötpingö keu areñ miwikñaiba monen keta bölökñi mi yarö azi engiget.

¹³ Mi engeba kewö jim kutum engiget, “Inini mönö keu kewö jime: Nini sungem gaun ahöinga gwarekurupñan ölöñ kaba qamötñi yongorö memba anget. ¹⁴ Keu mewö jigetka keu miangön premiögö kezapñe gei mötma ewö, lömböt enögö qakñine öngöbapuköra neñon mönö uruñi mölöwöriba memba eta alinga waimanjat qahö malme.”

¹⁵ Mewö jim kutum engigetka miangö dop aka monen memba anda nup keuñini wuatangöget. Mewö aketka Juda yeñon keu mi sutñine jim sehigetka möta malgetka anda nalö kewöñe mewöyök mi toroqeba jiget mörakzin. Mewö.

Misin nup memingö jimkutukutuñi

Mak 16.14-18; Luk 24.36-49; Jon 20.19-23; Apo 1.6-8

¹⁶ *Gwarekurup 11 yeñon Jerusalem mosöta Galili prowinsnöñ anda Jisösnöñ kundun̄e anmegöra jiyöhi, miangören öngöget. ¹⁷ Miangören öngöba Jisös eka waikñi memba möpösem

* **28:16:** Mat 26.32; Mak 14.28

wanğigetmö, tosatñan yanğöra uruyahöt aket.
¹⁸ Möpöseim wanğigetka yengören kaba kewö jiiga mötket, “Suepkö aka gölmegö kukösum pakpak mi Anutunöñ niñgiiga nongören ahöza.

¹⁹ *“Mianğöra iñini mönö gölme dop anda ambazip kambu pakpak kewö engömegetka nongö gwarekurupni akñe: I mönö Iwi, Nahön aka Uña Töröñi neñgö qetnine o melun mem engime ²⁰ aka nongön keu wuatangömegöra jim kutum engiali, mi pakpak tem kölmegöra mönö kusum engiba malme. Mötket, nongön mönö nalöñi nalöñi embuk mala anda malbiga gölmegö nalöñan teköma.” Mewö.

* **28:19:** Apo 1.8

Burum-Mindik Bible
The New Testament and portions of the Old Testament
in the Somba-Siawari language of Papua New Guinea,
also called the Burum Mindik language.
Sampela hap Buk Baibel long tokples Burum Mindik
long Niugini

Copyright © 1992, 2002 The Bible Society of Papua New Guinea

Language: Burum-Mindik or Somba-Siawari (Somba-Siawari or Burum-Mindik)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-22

PDF generated using Haiola and XeLaTeX on 21 Feb 2024 from source files dated 31 Aug 2023

c0871260-68cc-5a50-953f-52200e105d1e